

ሃዋሪታ ኦሱዋ

ጋላ ቆፋ

ሃዋሪታ ኦሱ ማፃፋይ፣ ሉቃስ ዋንጌላ ካሊዲ ፃፈቲዳ ማፃፋ። ማፃፋሰ ዳዲያ ዋና ቆፋይ ኮይሮ ዩሱሳ ካሊዲ አሳቲ ጌሻ አያናይ ካሌሊን፣ ኢያባ ኦዲያ ቃላ፣ «ዩሩሳሌምን፣ ዩሁዳ ቢታ ኡባን፣ ሳማራን፣ ሳባ ጋፃ፣ ጋፃ ጋካናው» (1:8) ዋንጌላ ቢታ ኡባ ዋቲ ጋሊዳኮ ኦዲናሳ። ማፃፋይ፣ አማኖይ አይሁዳ አሳታ ጊደን ደሜቲዲ፣ ኩሜላ አላሜን ዳዲያ አሳ ኡባ አማኖ ጊደና ጋካናው ዋኒዲ ዳልጊዳኮ ኦዲያ ታሪኩ። ሃ ማፃፋ ፃፈይ፣ አማኒያ አሳቲ ሮሜ ካዎቲላ ኩንዲሳናው ጋርሳራ ማቁቲያ አሲ ጊደናይሳኔ አማኖይ አይሁዳታ ሃይማኖቲ ፖሎ ኦሊይሳ ጊዳይሳ ኤሪሳናው ከሂ ዳቡሪዲ አሊሰ።

ሃዋሪታ ኦሱ ማፃፋን ዩሱሳባ ኦዲያ ዋንጌላይ ጋኪያ ቤሳይ ዎዴን ዎዴን ዳልጊ ዳልጊ ቤይሳኔ ዎሳ ኬሊ ኤቁዳይሳ ቆንጨሲያ ሄዥ አይፌ ከፊሌታን ሻካናው ዳንዳዔቲሰ።

1. አማኖይ ዩሱሲ ሳሎ ኬዩ ሲሚን ደሜቲዳይሳ።
2. አማኖይ ኢስራዔል ቢታ ኡባ ጋኪዳይሳ።
3. ሮሜ ጉጁዲ ሜዲቲራኔ አባ ዩሹዋን ዳዲያ ቢታ ኡባን ዳልጊዳይሳ ቤሴሰ።

ሃዋሪታ ኦሱ ማፃፋን አዲዲ ቤንቴይ ጌሻ አያና ኦሱ ጊዲሺን፣ ጳንጻቆስፄ ጋላሰ ዩሩሳሌምን ዳዲያ አማኔይሳታ ቦላ ዎልቃራ ዎዲዳይሳ ኦዳሰ። ሄሳዳካ፣ ማፃፋ ጊደን ቆንጨዳ ኦሱታ ኡባን ቤንቲዳይሳዳ ጌሻ አያናይ ዎሳ ኬላኔ ዎሳ ኬላ አይሴይሳታ ካሌሊዳይሳኔ ሚንጼሊዳይሳ ጉጁዲ ኦዳሰ። ቤኒ ዎዳ አሜቲያ አማኖ ኪታይ ደማ ደማ ኦዳቲዳ ቃላ፣ ኬሶን ኬሶን ኤኬቲሰ። ሃዋሪታ ኦሱዋ ጊደን ኦሴቲዳ ኦሱታ ኪታይ አማኒያ አሳ ዳዶኒኔ ዎሳ ኬላ ኢሲፊቲላን ዳዲያ ዎልቃይ አይ ሜላ ጊቲኮ ቤሴሰ።

ሃዋሪታ ኦሱዋ አይፌ ቆፋታ

- ማርካቴሳሰ ጊጌቲላ 1:1-26
- 1) ዩሱሳ ወርሴላ ኪታኔ ኢሚዳ ኡፋይሳ 1:1-14
 - 2) ዩሁዳ ቤሳን ሃራ ደሩዋ 1:15-26
- ዩሩሳሌምን ማርካቴላ 2:1-8:3
- ዩሁዳኒኔ ሳማራን ማርካቴላ 8:4-12:25
- ጳውሎሳ ሃዋሪቲላ ኦሱዋ 13:1-28:31
- 1) ኮይሮ ሃዋሪቲላ ቡሳ 13:1-14:28

- 2) ዩሩሳሌሜ ሽቆዋ 15:1-35
- 3) ናምዓንጎሳ ሃዋሪቱላ ቡሳ 15:36-18:22
- 4) ሄዻንጎሳ ሃዋሪቱላ ቡሳ 18:23-21:16
- 5) ጳውሎሲ ዩሩሳሌሜን፣ ቂሳሪያኒኔ ሮሜን ቃሽቴላ 21:17-28:31

1-2 ቱዋፊሎሳ፣ ዩሱሲ ባ ኦሱዋ ኦይኪዳ ዋዴፔ ሳሎ ቢዳ ጋላሳ ጋካናው፣ ኦሊዳባኔ ታማርሲዳባ ኡባ ታኒ ታ ኮይሮ ማፃፋን ፃፋሰ። ሳሎ ባናፔ ሲንፎ ኢ ባ ዶሪዳ ሃዋሪታ ጌሻ ኣያናን ኪቲሰ።³ ኢ ባ ዋያፔ ጉዬ ሃይቆፔ ዴንዲዳይሳ ሲጴይ ባይና ቆንጨሲዲ ኤንታው ባና ቤሲሰ። ኦይታሙ ጋላሰ ኤንታው ቆንጨዲ ያሳ ካዋቱላባ ኤንታ ታማርሲሰ።⁴ ኢሲ ዋዴ ኤንታራ ኢሲፊ ሚሾ ኤንታ ሃይሳዳ ያገዲ ኪቲሰ። «ታ ሂንቲው ኦዲዳ፣ ታ ኣዋይ ኢማና ጊዳ ኡፋይሳ ቃላ ናጊቲፔ ኣቲን ዩሩሳሌሜፔ ኬዮፒቴ።⁵ ኣይሰ ጊኮ፣ ዮሃኒሲ ሃላን ፃማቂሰ፣ ሺን ጉላ ዋዴፔ ጉዬ ጌሻ ኣያናን ሂንቲ ፃማቂታና» ያገሰ።

⁶ ሃዋሪቲ ዩሱሳራ ጋሂቲዳ ዋዴ ኢያኮ፣ «ሳዳው፣ ኢሰራዔሌታሰ ኔ ካዋቱላ ዛራና ዋዴይ ሃይሴ?» ያገዲ ኦይቺዶሶና።

⁷ ዩሱሲ ኤንታኮ፣ «ታ ኣዋይ ባ ማታን ኦሊያ ዋዲያኔ ላይላ ሂንቲ ኤራናው ዳንዳዔኬታ።⁸ ሺን ጌሻ ኣያናይ ሂንቲ ቦላ ዋዲያ ዋዴ ሂንቲ ዋልቃን ኩማና። ያኒ ሲሚዲ፣ ዩሩሳሌሜን፣ ዪሁዳ ቢታ ኡባን፣ ሳማሬኒኔ ሳባ ጋፃ ጋካናው ታው ማርካታ ጊዳና» ያገሰ።

⁹ ሄሳ ጊዳይሳፊ ጉዬ ኤንቲ ያሊሺን፣ ቶቁ ቶቁ ጊዲ፣ ሳሉዋ ቢን ሻራይካ ኢያ ኤንታ ኣይፊያፔ ጌንፋሰ።

¹⁰ ዩሱሲ ቢያ ዋዴ ኤንቲ ሳሎ ቲሺ ኦሊዲ ያሊሺን፣ ቦላ ማፃ ማዒዳ ናምቡ ኣሳቲ ኣኬኮና ኤንታ ማታን ኤቂዲ፣¹¹ «ጋሊላ ኣሳው፣ ሳሎ ያሊሺ፣ ሂንቲ ኣይሰ ኤቂዳቲ? ሃ ሂንቲ ቤዒሺን ሳሎ ቢዳ ዩሱሲ ሄሳዳካ ሲሚዲ ያና» ያገደሶና።

ዪሁዳ ቤሳን ማቲያሲ ዶሬቲሰ
(ማቶ 27:3-10)

¹² ሄሳፊ ጉዬ፣ ሃዋሪቲ ሻማሆ ዴሪያፔ ዩሩሳሌሜ ሲሚዶሶና። ሻማሆ ዴሬይ ዩሩሳሌሜሰ ማታን ዴዔሰ።¹³ ኤንቲ ዩሩሳሌሜ ጌሊዲ፣ ባንታ ዴዒያ ቤሳ ፖቂያ ቦላ ኬዩዶሶና። ኤንቲካ፡

1:1-2 ሉቃ 1:1-4 1:4 ሉቃ 24:49 1:5 ማቶ 3:11፤ ማር 1:8፤ ሉቃ 3:16፤ ዮሃ 1:33 1:8 ማቶ 28:19፤ ማር 16:15፤ ሉቃ 24:47-48 1:9 ማር 16:19፤ ሉቃ 24:50-51

ጳጳሮች፣ የሃኒሳ፣ ያይቆባ፣ ኢንዲሪያሳ፣ ፊልጶስ፣ ቶማሳ፣ ባርቶሎሚዮሳ፣ ማቶሳ፣ ኢልጳሮሳ ናባ ያይቆባ፣ ባ ቢታሰ ሚሼቲያ ሲሞናኔ ያይቆባ ናባ ዩሁዳ። 14 ሃይሳቲ ኡባይ ማጫሳታራ፣ ዩሱሳ ኣዩ ማይራሚራኔ ዩሱሳ ኢሻታራ ኡባይ ኢሲ ዋዛናን ጊዲዲ ሚንሲዲ ዋሶሶና።

15 ሄ ዋዴ ጳጳሮሲ ጭታኔ ላታማ ጊዲያ ኣማኒያ ኣሳይ ሸቂዳ ቤሳን ዴንዲ ኤቂዲ፣ ሃይሳዳ ያገሰ። 16 «ኣሳው፣ ዩሱሳ ኦይኪዳይሳታ ካሌሊዳ ዩሁዳባ ጌሻ ኣያናይ ካሴ ዳዊቲ ዶናን ኦዲዳ ያሳ ቃላይ ፖሌታናው ቤሴሰ። 17 ዩሁዲ ኑራ ኢሲፊ ሃ ኦሱዋ ኦላናው ዶሬቲዳ ኣሲ።»

18 ሺን ዩሁዲ ባ ኢታ ኦሱዋን ዳሚዳ ሚሼን ጋዴ ሻሚሰ። ኢ ጉፋኒዲ ኩንዲን፣ ኢያ ኡሎይ ዳኬቲሰ፤ ኢያ ማራጩይ ኡባይ ካሬ ኬዩሰ። 19 ዩሁዳ ቦላ ሃኒዳባ ዩሩሳላሚን ዳዒያ ኣሳ ኡባይ ሲባሰ። ሄሳ ጊሾ፣ ሄ ጋዲያ ባንታ ቃላን ኣኬልዳማ (ሱላ ጋዴ) ጊዲ ጭጊዶሶና።

20 «ሄሲካ ማዝሙሪ ማፃፋን፣
ሲያ ኬላይ ካሎ ኣቶ፤
ኦኒካ ኢያን ዳፖ።

ቃሲ ኢያ ሹማቲላ ሃሪ ኤኮ፣ ጌቲቲ ፃፊቲሰ።

21 «ሄሳ ጊሾ፣ ጎዳ ዩሱሲ ኑ ጊዶን ሲማሬቲዳ ዋዴ ኡባን ኑራ ዳዒይሳታ፣ 22 ቃሲ ፃማቂያ የሃኒሳ ዋዲያ፣ ዶሚዲ ጎዳ ዩሱሲ ሳሎ ቢዳ ጋላሰ ጋካናው ኑራ ዳዒይሳታ፣ ኢሲ ኣሲ ኢያ ዳንዲዋሰ ኑራ ማርካ ጊዳናው ቤሴሰ» ያገሰ።

23 ሄሳ ጊሾ፣ ኣሳይ ዶሩዋሰ የሰያሳ ጊያ ባርሳባሳ ጌቲቲያ የሱፋኔ ማቲያሳ ናምባ ሺሺዶሶና። 24 ሄሳፊ ጉዬ፣ ያሳ ዋሲሼ፣ «ኣሳ ኡባ ዋዛና ኤሪያ ጎዳው፣ ሃ ናምባታ፣ ኔ ኦና ዶሪዳኮ ኦና ቤሳ። 25 ዩሁዲ ባ ቤሳ ቢዲ፣ ኣጊዳ ኦሱዋኔ ሃዋሪቲላ ኦሱዋ ኤካና ሜላ ሃይሳታ፣ ኩሰ ቆንጪሳ» ያገሰ። 26 ኤንታ ቦላ ሳማ ዩጊዶሶና፣ ሳማይ ማቲያሳ ቦላ ዋዲን ማቲያሲ ታማኔ ኢሲ ሃዋሪታ ቦላ ጉዡቲሰ።

2

ጌሻ ኣያና ዩሳ

1:13 ማቶ 10:2-4፤ ማር 3:16-19፤ ሉቃ 6:14-16 109:8 1:20 ማዝ 69:25፤ 1:22 ማቶ 3:16፤ ማር 1:9፤ ሉቃ 3:21

1 ጳውሎስ ገና ጋላሳይ ጋኪዳ ዋዳ አማኒያ አሳ ኡባይ ኢሲፌ ኢሲ ቤሳን ሸቂዲ ዳዎሶና። 2 ቆፖና ዋልቃማ ጎቴዳ ጉሚያ ጉንሳይ አኩኮና ሳሎፔ ዪዲ ኤንቲ ዳዲያ ኩላ ኩሚሰ። 3 ቃሲ ታማ ላጮ ዳኒያ ኢንፃርሳቲ ኤንታው ቤንቲሼ፣ ሻኬቲ ሻኬቲ ኤንታ ኡባ ቦላ ዋዲደሶና። 4 ኤንቲ ኡባይ ጌሻ አያናን ኩሚዲ ዲማ ዲማ ደናን ኦዴታና ሜላ ጌሻ አያናይ ኤንታ ዳንዳዲሲን ሃሳያ ደሚደሶና።

5 ሄ ዋዳ ቢታ ኡባፌ ዪዲ ያሳ ያያ አይሁዴቲ ዬሩሳላሜን ዳዎሶና። 6 ሄ ጉንላ ሲዲዳ ዋዳ ዳር አሳይ ሸቂደሶና። አማኒያ አሳይ ኤንታ ቃላን ኦዴቲሽን ሲዲዳ ጊሾ 7 ማላሌቲዲ፣ «ሃ ኦዴቲያ አሳ ኡባይ ጋሊላ አሴ ጊደኮናዬ? 8 ያቲን፣ ኮኒ፣ ኦ ዬሌቲዳ ቢታ ደናን ኤንቲ ኦዴቲሽን ዋኒዲ ሲዳናው ዳንዳዲደ? 9 ኮኒ ጳርፄን፣ ሜደናን፣ ኤላሜን፣ ናምቡ ሻፋታፔ ጊደን ዳዴይሳቲ፣ ዪሁዳን፣ ቃጳደቂያን፣ ጳንያሳን፣ ኢሲያን፣ 10 ጸርገን፣ ጳንፊሌን፣ ጊብጻን፣ ቃሬና ማታን ዳዲያ ሊቢያን ዳዴይሳታ። ኩፔ ባጋቲካ ሮሜፔ ዪዲ አሳታ። 11 አይሁዴቲኔ አይሁዴቲላ አማኖ ጌሊዳ አሳቲ፣ ቃርፄሳኔ አራቤ አሳቲ፣ ያሳይ ኦሲዳ ጊታ ኦሱዋ ኦ ቃላን ኦዴቲሽን ሲያሰ» ያጊደሶና። 12 ኡባይ ማላሌቲዲ፣ ጋናባ ጳዩዲ ዋሊኮ፣ «ላ ሃይሲ አይ ጉሴ?» ያጊደሶና። 13 ሺን ሃራቲ፣ «ሃይሳቲ ኡዪዲ ማሳቲደሶና» ያጊዲ ቄልቂሲደሶና።

ጳውሎስ ሃሳያ

14 ሺን ጳውሎስ፣ ታማኔ ኢሲ ሃዋሬታራ ዳንዲ ኤቂዲ፣ ባ ቃላ ጶቄ ኦሲዲ፣ ኤንታው ሃይሳዳ ያጊዲ ኦዲሰ። «አይሁዴቶ፣ ዬሩሳላሜን ዳዲያ ኡባቶ፣ ታኒ ኦዴይሳ ሲዲቲ። 15 ዋንታፌ ሄኸ ሳቲ ጊዲያ ጊሾ ሂንቲ ቆፔይሳዳ ሃ አሳቲ ማላቲቦኮና፤ ሄሲ ሂንቲው ኤሬቶ። 16 ሺን ሃይሲ ሃኒዳይ ናቢያ አዩዬሊ ኦዲዳይሲ ፖሌታና ማላሳ።

17 « ሳሳይ፣ ዋዲያ ወርሴላን ሃይሳዳ ሃናና ያጌሰ። ታኒ አሳ ኡባ ቦላ ታ አያና ጉሳና። ሂንቲ አዳ ናይቲኔ ማጫ ናይቲ፣ ቲንቢቲ ኦዳና። ሂንቲ ያላጋቲ ቆንጩላ ቤዳና፤ ሂንቲ ጨማቲ አሙሆ አሙሃና። 18 ሄ ጋላሳታን ታና አማኒያ አዳ አይሌታ ቦላኔ ማጫ አይሌታ ቦላ

ታኒ ታ ኣያና ጉሳና፤
ኤንቲ ቲንቢቲ ኦዳና።

19 ቃሲ ታኒ ቦላ ሳሉዋን ኦራፋባ፤
ጋርሳ ሳዓንካ ማላ ቤሳና።

ሱሉ፥ ታሚኔ ዋልቃማ ጨጋኒ ቤንታና።
20 ጊታኔ ቦንቾ ጊዲዳ ጎዳ ጋላሳይ

ጋካናፔ ሲንሌ ኣዋይ ቋማና፤
ኣጌናይካ ሱሉ ዳናና።

21 ሄ ዋዴ ሄሳዳ ሃናና፤
ጎዳ ሱንላ ዪጊያ ኦኒካ ኣታና ያጊሰ።

22 «ኢሰራዔል ኣሳው፥ ሃ ቃላ ሲዒቲ። ናዚሬቴ ዩሱሳ ኦናቴላይ፥ ያሳይ ሂንቴ ጊደን ኦሉዳ ዋልቃማ ኦሱዋኒኔ ማላታታን ሂንቴው ቆንጮይሳ ሂንቴ፥ ሂንቴ ሁዒን ኤሬታ። 23 ያሳ ካሴ ኤራኒኔ ኢያ ሼኒያን ዩሱሲ ሂንቴው ኣቋ ኢሜቲሰ። ሂንቴ ኢያ ናጋራንቾቲ ማሰቃሊያ ቦላ ካቂዲ ዋቋና ማላ ኣሉ ኢሚዴታ።

24 ሺን ያሳይ ሃይቆ ዋልቃ ዲጊዲ ኢያ ዴንሉሰ። ሄሳ ጊሾ፥ ሃይቆይ ኢያ ኦይካናው ዳንዳዒቤና። 25 ዳዊቴይ ኢያባ ኦዲሼ፥ ታኒ ያርኮና ማላ፥

ጎዳይ ታ ኡሻቻን ዴዔሰ።
ጎዳ ኡባ ዋዴ ታ ማታን ቤዓይሰ።

26 ሄሳ ጊሾ፥ ታ ዋዛናይ ኡፋይቲሰ፤
ታ ኢንፃርሳን ኡፋይሲ ኩሚሰ፤
ሃይቂያ ታ ኣሳቴላይ ኡፋይሳን ዳና።

27 ኣይሰ ጊኮ፥ ታ ሼምፑዋ ሲያሌን ኣጋካ።
ቃሲ ኔ ጌሻ ናዓ ኣሃ ዋቂሳካ።

28 ኔኒ ታና ዴያ ኦጊያ ኤሪሳዳሳ።
ኔኒ ታራ ዴዔይሳን ታ ኡፋይሳይ ኩሜሉ ጊዴሰ) ያጊሰ።

29 «ኣሳው፥ ኦ ኣዋ ዳዊቴባ ታ ሂንቴው ጌሻዳ ኦዳና። ዳዊቴይ ሃይቂዲ ሞጌቲሰ፤ ኢያ ዲፎይ ሃቺ ጋካናው ኦ ማታን ዴዔሰ።

30 ዳዊቴይ ናቤ ጊዲዳ ጊሾ ያሳይ ኢያ ሼሻፔ ኢሱዋ ኢያ ካዋቴላ ኣራታ ቦላ ኡቲሳናው ኢያው ጫቂዳ ጫቁዋ ኤሬሰ።

31 ሄሳ ጊሾ፥ ኪሪሰቶሳ ዴንዲዋ ሲንሌ ዪሊዲ፥ ሲያ ሼምፑይ ሲያሌን ኣቲቤና፤ ኢያ ኣሳቴላይካ ዋቂቤናን ጊዲ ኦዲሰ።

2:23 ማቶ 27:35፤ ማር 15:24፤ ሉቃ 23:33፤ ዮሃ 19:18 2:24 ማቶ 28:5-6፤ ማር 16:6፤ ሉቃ 24:5 2:28 ማገዝ 16:8-1 2:30 ማገዝ 132:11፤ 2ሳሙ 7:12-13

32 «የሳይ፣ ሃ ዩሱሳ ሃይቁዋፔ ዴንሊዳይሳስ ኮኒ ኡባይ ማርካ። 33 ሄሳ ጊሾ፣ የሳይ ባራ ሃራና ማላ ባፔ ኡሻቻ ባጋራ ኢያ ጶቆ ጶቆ ኦሊዲ፣ ኢያው ኢማና ጌቴቴዳ ጌሻ ኣያና ኤኪዲ፣ ሃይሳ ሂንቴ ሃዲ ቤዔይሳኔ ሲዔይሳ ኦ ቦላ ጉሲስ። 34-35 ጋሶይካ፣ ዳዊቴይ ባ ሁዔን ሳሎ ቢቤናሺን ያጊስ።

ሳሳይ፣ ታ ጎዳ፣ «ታኒ ኔ ሞርኬታ ኔ ቶሆይ ዩዲያሶ ኦላና ጋካናው ሃይሳን ታፔ ኡሻቻ ባጋን ኡታ» ጊስ። ያጊስ።

36 «ሄሳ ጊሾ፣ ሃ ሂንቴ ማስቃሊያ ቦላ ካቂዳ ዩሱሳ፣ የሳይ ጎዳኔ ኪሪስቶሳ ኦሊዳይሳ ኢሲራዔሌ ኣሳ ኡባይ ቱማ ኤር» ያጊስ።

37 ኣሳይ ጳዒርሲ ጊዳይሳ ሲዒዳ ዎዴ ባንታ ዎዛናን ቦሽቴዲ ጳዒርሳኔ ሃንኮ ሃዋሪታኮ፣ «ኢሻቶ፣ ያቴን ኮኒ ኣይ ኦሊኖ?» ያጊዶሶና።

38 ጳዒርሲ ኤንታኮ፣ «ሂንቴ ናጋራይ ኣቶ ጌቴታና ማላ ናጋራፔ ሲሚዲ፣ ሂንቴ ኢሶይ ኢሶይ ዩሱስ ኪሪስቶሳ ሱንላን ፃማቂቴቴ። የሳይ ኢማያ ጌሻ ኣያና ሂንቴ ኤካና። 39 ጋሶይካ የሳይ ኢማና ጊዳ ኡፋይሳ ቃላይ ሂንቴስ፣ ሂንቴ ናይታሲኔ ጎዳይ ኦ የሳይ ባኮ ያጊያ ሃሆን ዴዒያ ኡባሳ» ያጊስ።

40 ጳዒርሲ ኤንታው ሃራ ቃላካ ጉጂ ማርካቴዲ፣ «ሃ ዎዲያ ጌላ ኣሳ ቦላ ያናው ዴዒያ ፐርዳፌ ሂንቴ ሁዒያ ኣሸቴ» ያጊዲ ዘሪስ። 41 ጳዒርሲ ኦዲዳይሳ ኤኪዳይሳቴ ፃማቂቴዶሶና። ሄ ጋላስ ሄቡ ሙኩሉ ጊዲያ ኣሳይ ኣማኒዶሶና። 42 ኤንቴ ሃዋሪታ ቲሚርቴያን፣ ኢሲፌቴላን፣ ኡይላ ሙሳኒኔ የሳ ዎሳን ሚኖሶና።

ኣማኒያ ኣሳ ኢሲፌቴላ ዴዑዋ

43 ሃዋሪታ ኩሼን ዳር ኦራላባይኔ ማላቴ ኦሴቴያ ጊሾ ኣሳ ኡባይ ያዩዶሶና። 44 ኣማኒዳ ኡባይ ኢሲፌ ዴዶሶና፤ ባንታው ዴዒያባ ኡባ ኢሲፌ ሻኬቶሶና። 45 ኤንቴ ባንታው ዴዒያባ ባይዚዲ ማሺያ ኢሱዋስ ኢሱዋስ ኮሺዳ ማላ ሻኮሶና። 46 ኡባ ጋላስ ኢሲ ዎዛናን ጊዲዲ የሳ ኬላን ሺቆሶና። ባንታ ኬላን ኢሶይ ኢሱዋ ያጊዲ ኡፋይሳኒኔ ኣሸኬ ዎዛናን ካላ ሞሶና። 47 የሳ ጋላቴሼ ኣሳ ኡባን ሳቤቴዶሶና። ጎዳይ ኣቴይሳታ ጋላስ ጋላስ ኤንታ ቦላ ጉጂስ።

2:34-35 ማዘ 110:1 2:44 ሃ.ኦ 4:32-35

3

ዋቤ አዳይ ፓዲስ

1 ኢሲ ጋላስ ጳጳርሲኔ የሃኒሲ ያሳ ዋሳናው ኡዲፋን ሳቴን ያሳ ኬላ ቢደሶና። 2 ዩሌቶሶፔ ደሚዲ ዋቤ ገዲዳ ኢሲ አዳይ ያሳ ኬላ ጌሊያ አሳፔ ሚሼ ዋሳና ማላ ኡባ ዋዴ ሎጾ ገያ ያሳ ኬላ ፔንገያን ኤሂዲ ዋሶሶና። 3 ሄ ዋቤ አዳይ ጳጳርሲኔ የሃኒሲ ያሳ ኬላ ጌላና ሃኒሺን በዒዲ ኤንታ ሚሼ ዋሲስ።

4 ኤንቲካ ኢያ ጫዲ ያሊዲ፣ «ኑኮ ሃ ያላ» ያገደሶና። 5 ዋቤ አዳይ ኤንታፌ አይኮ ኤካና ዳኒን ኤንታኮ ያሊስ። 6 ሺን ጳጳርሲ ኢያኮ፣ «ታው ሚሼይ ባዋ፣ ሺን ታው ዳዒያባ ታኒ ኔው አማና። ናዚሬቴ ዩሱስ ኪሪስቶሳ ሱንሳን ዳንዳዳ ሃሙታ» ያገሰ።

7 ሃሳፌ ጉዬ፣ ዋቤ አዲያ ኡቫቻ ኩሺያ ኦይኪዲ ዳንሊስ። ኤሌሲዲ ኢያ ቶሆይኔ ቁንጫፊሌይ ሚኒ አገሰ። 8 አዳይ ጉፒዲ ዳንዲ ኦቁስ። ጌዴኔ ሃ ሃሙላ ደሚስ። ሃሳፌ ጉዬ፣ ሃሙቲሼ፣ ጉፒሼኔ ያሳ ጋላቲሼ ኤንታራ ኢሲፌ ያሳ ኬላ ጌሊስ።

9 ኢ ሃሙቲሺኒኔ ያሳ ጋላቲሺን አሳ ኡባይ ኢያ በዒደሶና።

10 በዒዳ ኡባይ ሚሼ ዋሳናው ሎጾ ገያ ያሳ ኬላ ፔንገን ኡቲዳይሲ ኢያ ገዲዳይሳ ኤሪደሶና፤ ኢ ሃኒዳባ በዒዲ ማላሌቲደሶና።

ጳጳርሲ ያሳ ኬላን ሃሳዱዳ ሃሳያ

11 አዳይ ጳጳርሳፔኔ የሃኒሳፔ ዱዲኬ ገዲ ኦይኪዲ ዳዒሺን አሳ ኡባይ ማላሌቲዲ፣ ሶሎሞኔ ባራንዳ ገያሶን ኢሲፌ ኤንታኮ ዋዲደሶና። 12 ጳጳርሲ አሳ በዒዳ ዋዴ አሳኮ፣ «ኢስራዔል አሳው፣ አይስ ሃይሳን ማላሌቲቲ? ዋይኮ አይስ ኑና ጫዲ ያሌቲ? ኑኒ ኑ ዋልቃን ዋይኮ ኑ ያሎቲሳን ሃ አዲያ ሃሙላዳባ ሂንቲው ዳኒ? 13 አብራሃማ፣ ዩሳቃ፣ ያይቆባ ያሳይ፣ ኑ አዋታ ያሳይ፣ ባ ናዓ ዩሱሳ ቦንቺስ። ሺን ሂንቲ ሃይቆስ አላ አሚዳይሳ ጲላጾሲ በላናው ኮዩንካ ሂንቲ ኢያ ሲንሳን፣ ኑኒ ኢያ ኤርኮ» ያገደታ። 14 ሂንቲ ጌሻኔ ያሉዋ፣ ኑኒ ኢያ ኤርኮ» ገዲ፣ ሼሞፖ ዋዲዳይሳ ሂንቲው በላና ማላ ጲላጾሳ ዋሲዳታ። 15 ዴቦዋ አሜይሳ ሂንቲ ዋዲዳታ፣ ሺን ያሳይ ሃይቆፔ ኢያ ዳንሊስ። ሃሳስ ኑኒ ማርካ። 16 ሃ ሂንቲ በዔይሲኔ ኤሪያ አዳይ ፓዲዲ ሚኒዳይ ዩሱሳ ሱንሳን አማኒዳይሳና። ሃ ሂንቲ ኡባ ሲንሳን ኢያ ሃይሳዳ ፓሊዳይ ኢ ዩሱሳ አማኒዳ ገሾሳ።

3:13 ኬሳ 3:15 3:14 ማቶ 27:15-23፤ ማር 15:6-14፤ ሉቃ 23:13-23፤ የሃ 19:12-15

17 «ሃረካ ታ አሻቶ፣ ሂንቴካ ሂንቴና ካሌሌይሳታዳ፣ ኤሮና ኦሊዳይሳ ታኒ ኤራይሰ። 18 ሺን ያሳይ ቤኒ ናቤታ ኡባ ደናን፣ ሳኪሪሰቶሲ ዋዬ ኤካናው ቤሴሰ) ያገዳይሲ ሃይሳዳ ፖሌታና ሜላ አሉሰ። 19 ሂዛ፣ ያሳይ ሂንቴ ናጋራ አቶ ጋና ሜላ ጎዳኮ ሲሚቱ። 20 ጎዳ ማታፔ ሚንሌሉ ዋዴይ ሂንቴው ያና። ያሳይ ከሪሰቶሳ ገዳና ሜላ ሲንፋቲዲ ዶሪዳ ዬሱሳ ሂንቴው ዬዳና። 21 ያሳይ ባ ጌሻ ናቤታ ደናን ቤኒ ኦሊዳይሳ ሜላ ኡባባይ ኦሪዳያ ዋዴይ ጋካናው ዬሱሲ ሳሎን ጋምዳናው ቤሴሰ። 22 ሙሴይ፣ ሳዳ ያሳይ ታና ዴንሊዳይሳ ሜላ ሂንቴ ገደፌ ሂንቴው ናቤ ዴንፋና። ሂንቴ ኢ ጌይሳ ኡባ ሲዲቱ። 23 ሄ ናቤይ ኦዴይሳ ሲዶና አሲ ኦኒካ አሳ ገደፌ ሻኬቲዲ ቆዮ» ያገሰ።

24 «ቃሲ ሳሙዴላፔ ደሚዲ ዴሚዲ ናቤታ ኡባይ ሃ ዋዴያባ ኦዲዶሶና። 25 ሂንቴ ናቤታ ናይታ፤ ቃሲ ያሳይ አብራሃሜሰ፣ ሳዳን ዴሚዲ አሳ ኡባ ታኒ ኔ ሸሻ ባጋራ አንጅና) ያገዲ ኑ አዋታሰ ጌሊዳ ቃላ ላቲያ ናይታ። 26 ያሳይ ሂንቴና ኡባ ሂንቴ ኢታ ኦጊያፔ ዛሪዲ አንጅና ሜላ ባ ናዓ ዴንሊዲ ሂንቴው ኮይር ዬዲሰ» ያገሰ።

4

ጳዕርሲኔ ዮሃንሲ አይሁዴ ሻንጎ ሲንፋን

1 ጳዕርሲኔ ዮሃንሲ አሳሰ ኦዲሺን ካሂኔ ሃላቃቱ፣ ያሳ ኬላ ናጌይሳታ ሃላቃይኔ ሳዲቃዋቲ ኤንታኮ ዩዶሶና። 2 ኤንቲ ዬሱሲ ሃይቆፔ ዴንደይሳኔ ኢያ ጋሶን ሃይቆፔ ዴንደይ ዴዔይሳ አሳ ታማርሲዳ ጊሾ ዩሎቲዶሶና። 3 ሄሳ ጊሾ፣ ኤንታ ኦይኪዲ ሳዓይ ኦማርሲዳ ጊሾ ዋንታና ጋካናው ቃሾ ኬሊ ጌሊሲዶሶና። 4 ሺን ቃላ ሲዲዳይሳታፔ ዳርቲ አማኒዶሶና። አማኒዳ አዴ አሳ ታይቦይ ኢቻሹ ሙኩሉኮ ቢሰ።

5 ዋንቴላ ጋላሰ ዴሪያ ሃሪይሳቲ፣ ጨማቲኔ፣ ሂጌ አሰታማሬቲ ዬሩሳላሜን ሸቂዶሶና። 6 ሄ አሳ ገደን ካሂኔ ሃላቃይ ሃኒ፣ ቃያፊ፣ ዮሃንሲ፣ ኢሰኪንዲሬይኔ ካሂኔ ሃላቃ ሶ አሳቲ ኡባይ ዴዶሶና። 7 ሃዋሪታ ባንታ ሲንፋን ኤሲዲ፣ «አይቢ ዋልቃን ዋይኮ ኦዴ ስንፋን ሃይሳ ሂንቴ ኦሊዳቲ?» ያገዲ ኦይቺዶሶና።

8 ሄ ዋዴ ጳዕርሲ ጌሻ አያናን ኩሚዲ፣ «ዴሪያ ሃሪይሳቶ፣ ጨማቶ፣ 9 ሃቺ ሃ ዋቤ አዲያሰ ኦሴቲዳ ሎዎ ኦሱዋሲኔ ኢ ዋኒዲ ፓዲዳኮ ሂንቴ ኑና ኦይቺኮ፣ 10 ማሰቃሊያ ቦላ ሂንቴ

ካቁን፣ ያሳይ ሃይቆፔ ዳንሊዳ ናዚሬቴ ዬሱስ ከሪስቶሳ ሱንላን ሃ አዳይ ፓዲሲ ሂንቴ ሱንላን ኤቁዳይሲ ሂንቴወኔ ኢስሪዔሌ አሳ ኡባስ ኤሬቶ።

11 ሲሞቤይሳቲ ቦሪዲ ኢዲዳ ሹቻይ፡

ጎዳ ፃጹዋ ሚንሊያ፡

ኡባሬ አዲያ ሹቹ ገዲሰ፤

ሄ ሹቻይ ዬሱሳ።)

12 ሄሳ ገሾ፣ አቶቴሊ ኢያ ባጋራፔ አቲን ሃራ ኦዴ ባጋራካ ባዋ። ኑኒ ኢያ ሱንላን አታና ሜላ አሳ ኡባስ ያሳይ ሳሎፔ ጋርሳን አሚዳ ሃራ ሱንሊ ባዋ» ያገሰ።

13 ሺቁዳ አሳይ ጳዊርሲኔ ዮሃንሲ ሚኒዳ ሚኖቴላ ቤዒዳ ዋዴ ኤንቲ ታማሪቦና ጮ አሲ ገዲዳይሳ አክኪዲ ማላሌቲዶሶና፤ ኤንቲ ዬሱሳሪ ዴዔይሳ ኤሪዶሶና። 14 ቃሲ ፓዲዳ አዳይ ጳዊርሳሪኔ ዮሃንሳሪ ኤቁዳይሳ አሳይ ቤዒዲ ገያባ ቆዩዶሶና።

15 ሺን ጳዊርሳኔ ዮሃንሳ ካሬ ኬያና ሜላ አሊዲ ባንታ ገደን፡

16 «ሃ አሳታ ኑ አይ አሊኖ? ኤንታ ኩሽን ኦሴቲዳ ገታ ማላታይ ዬሩሳላሜን ዴዒያ ኡባስ ቤንቴሰ። ኑኒ ሄሳ ኤርቦ ጋናው ዳንዳዎኮ። 17 ሺን ሃ ኦዳይ አሳ ገደን ላሌቶና ሜላ ሂዛፔ ጉዬ ሃ አሳቲ ዬሱሳ ሱንላን ኦዴሰካ ኦዶና ሜላ ሚንሊዲ ናገሳና» ያገዲ ዘሬቲዶሶና።

18 ኤንታ ያገዲ፣ ዬሱሳ ሱንላን ሂዛፔ ኦዶና ሜላ ዋይኮ ታማርሶና ሜላ ከቲዶሶና። 19 ሺን ጳዊርሲኔ ዮሃንሲ ኤንታኮ ዘሪዲ፣ «ዎሳስ ከቲታናይሳሬኔ ሂንቴው ከቲታናይሳሬ ዎሳ ሱንላን አዉሲ ሎዎኮ እኔ ሂንቴ ፒርዲቴ። 20 ኑኒ ቤዒዳባኔ ሲዒዳባ ኦዶና አጋናው ዳንዳዎኮ» ያገደሶና።

21 ቢታ ጨማቲኔ ዴሪያ ሃሬይሳቲ ካሴፔ ሚንሊ ናገሲዲ ኤንታ ዬዲ አገደሶና። አሳይ ሃኒዳባስ ዎሳ ጋላቲያ ገሾ ኤንታ ሴራናው ዳንዳዒቦኮና። 22 ሄ ማላታን ሃርገያሬ ፓሊዳ አዲያስ ላይላይ ኦይታማፔ አዲሰ።

አማኒያ አሳ ዋሳ

23 ጳዊርሲኔ ዮሃንሲ ቢርሼቲዲ ባንታ ዳቦታኮ ቢዲ፣ ካሂኔ ሃላቃቲኔ ጨማቲ ባንታኮ ገዳባ ኡባ ኤንታው አዲዶሶና።

24 ኤንቲ ሄሳ ሲዒዳ ዋዴ ኢሲ ዋዛናን ገዲዲ ዎሳ ሃይሳዳ ያገዲ ዋሲዶሶና፣ «ኡባ ሃሪያ ጎዳው፣ ሳሉዋ፣ ሳዓ፣ አባኔ ኤንታ ገደን ዴዒያ ኡባባ ሜዲዳይሶ። 25 ኔኒ ኔ አይሊያ፣ ኑ አዋ ዳዊቲ ዶናን ገሻ አያናን፡

«ዳሬይ አይስ ዩሎተደና?
አሳይ አይስ ጮ ማቄተደና?

26 ሳዓ ካዎተኔ

ዳሪያ ሃሬይሳተ አሲፌ ጎዳ ቦላኔ
ኪሪሰቶሳ ቦላ ዳንዲደሶና ያጋዳሳ።

27 «ቲማካ፣ ሄሮዲሲኔ ጳጳስ ጳጳስ አይሁዳ ጊደና አሳራኔ
አሲራዔሌ አሳራ ኔ ደሪዳ ኔ ጌሻ ናዓ ዩሱሳ ቦላ ዳንዳናው
ሃ ካታማን ሸቀደሶና። 28 ቃሲ ኔኔ ኔ ዋልቃኔ ኔ ሸኒያን
ኦላና ጋዳ ቆጋ ኡተደባ ኡባ ፖሊደሶና። 29 ሃዒካ ጎዳው፣ ኤንታ
ማንዴሳ ቤዓ፤ ኑኔ ኔ አይሌተ ኔ ቃላ ኩሜላ ዋዘናን ኦዳና
ሚላ ኑና ዳንዳዒሳ። 30 ኔ ጌሻ ናዓ ዩሱሳ ሱንላን ሃርጋንቸታ
ጋላናው፣ ኦራላባይኔ ማላታተ ኦሴታና ሚላ ኔ ኩሺያ ሚጫ»
ጊዲ ዋሲደሶና።

31 ኤንቲ ያሳ ዋሲዳፔ ጉዬ ሄ ኤንቲ ሸቀደሶይ ቃዒስ። ኤንታ
ኡባን ጌሻ አያኒ ኩሚን ያሳ ቃላ ሚኖቴላን ኦዲደሶና።

ኮይሮ አማኒዳ አሳ አሲፌቴላ

32 አማኔይሳተ ኡባይ ቆፋኔኔ ዋዘናን አሲኖ ጊዲደሶና። ኤንቲ
ባንታው ዳዒያባ ታባ ጎናሽን አሲፌ ሻኬቶሶና። 33 ሃዋርቲ ጎዳ
ዩሱሲ ሃይቆፔ ዳንዲዳይሳ ጌታ ዋልቃን ማርካቶሶና። ያሳይ
ኤንታ ኡባስ አቶ ኬሃቴላ ዳርሲዲ አሚስ። 34 ቢቲ ዋይኮ ኬላ
ዳዒይሳተ ኡባይ ባይዚ ኤኪዳ ሚሺያ ኤሄያ ጊሾ አማኔይሳተ
ጊደን ሜቶታንቸይ አሲይካ ባዋ። 35 ሚሺያ ኤሄዲ ሃዋሪታስ
አዋሶና፤ ሄ ሚሺያ ኢሱዋስ ኢሱዋስ ኮሼይሳዳ ሻኪ ሻኪ
አሚስ።

36 ቆጲሮሳ ጊያ ቤሳን ዩሌተዳ ዮሴፋ ጊያ ለዌ ሸሻፔ
ጊዲዳ አሲይ ዳዒስ። ኢያ ሱንላ ሃዋሪቲ ባርናባሳ (ሚንጭሶ
ናዓ) ጊደሶና። 37 ባርናባሲ ባው ዳዒያ ቢታ ባይዚዲ ሚሺያ
ኤሄዲ ሃዋሪታስ አሚስ።

5

ሃናኒያኔ ኢያ ማቸው ሳጲሮ

1 አሲ ሃናኒያ ጊያ አዳይ ባ ማቸ ሳጲሪራ ጋዴ ባይዚስ።
2 ሄ ባይዚዳ ሚሺያፔ ባ ማቸያ ኤሪሽን ባጋ አሺዲ፣ አቲዳይሳ
ኤሄዲ ሃዋሪታስ አሚስ።

4:25 ማዝ 2:1-2 4:27 ማቶ 27:1-2፤ ማር 15:1፤ ሉቃ 23:1፤ 7-11፤ ዮሃ
18:28-29 4:32 ሃ.ኦ 2:44-45

3 ሺን ጳጳርሲ ሃናኒያኮ፡ «ኔኒ ገሻ ኣያና ጨማና ማላኔ ጋዲያ ባይዚዳ ሚሺያፕ ሻካዳ ኣሻና ማላ ፃላሂይ ኔ ዎዛናን ኣይሰ ጌሊዳ? 4 ኔኒ ባይዛናፕ ካሴ ጋዳይ ኔባ ጊዳኔዬ? ቃሲ ኔኒ ባይዛ ሲሚንካ ሚሺይ ኔባ ጊዳኔዬ? ያተን፡ ሄሳ ማላባ ኦላናው ኣይሰ ኔ ዎዛናን ቆፓዲ? ኔኒ ያሳ ቦላ ዎርዶታዳሳፕ ኣተን ኣሳ ቦላ ዎርዶታባካ» ያገሰ።

5 ሃናኔይ ሄ ቃላ ሲዒዳ ማላ ኩንዲዲ ሃይቂሰ፤ ሄሳ ሲዒዳ ኡባይ ዳሮ ያዩሰ። 6 ናዓቴላ ኣሳቲ ሶ ጌሊዲ ኢያ ኣሃ ፃዲዲ ኤፊዲ ሞጊዶሶና።

7 ሃቡ ሳቲፕ ጉዬ ሃናኒያ ማቺያ ሄሳ ኤርና ዳዓሺ ጳጳርሲ ዳዒያሱዎ ጌላሱ። 8 ጳጳርሲ ኢኮ፡ «ሂንቴ ጋዲያ ሃይሳ ማላ ሚሺሰ ባይዚዳቴ? ኣኔ ታው ኦዳ» ያገሰ።

ኢያካ፡ «ኤ፡ ሃይሳ ማላ ሚሺሰ ባይዚዳ» ያገሱ።

9 ጳጳርሲ ማጨሲው፡ «ኔራኔ ኔ ኣዚናራ ጎዳ ኣያና ፓጫናው ኣይሰ ዘሬቲዳቴ? ሄኮ፡ ኔ ኣዚና ሞጊዳ ኣሳቲ ካሬን ዳዖሶና፤ ኔናካ ኤንቲ ካሬ ኬሳና» ያገሰ።

10 ማጨሲያ ኢራካ ጳጳርሳ ቶሁዎ ማታን ኩንዳዳ ሃይቃ ኣጋሱ፤ ናዓቴላቲ ጌሊያ ዎዳ ሃይቂዳሮ ዳሚዲ ካሬ ኬሲዲ፡ ኢ ኣዚና ማታን ሞጊዶሶና። 11 ኩሜላ ዎሳ ኬላይኔ ሄሳ ሲዒዳ ሃራ ኣሳ ኡባይ ዳሮ ያዩዶሶና።

ኦራሳባታኔ ማላሊሲያባታ

12 ሃዋሪቲ ዳሮ ማላታታኔ ኦራሳባታ ኣሳ ጊደን ኦሶሶና፡ ኣማኒያ ኡባይ ሶሎሞኔ ባራንዳን ኢሲፌ ሺቆሶና። 13 ሃራ ኣሳፕ ኤንታራ ጋሄታናው ኢሲ ኣሲካ ሚኒቤና፡ ሺን ኣሳይ ኤንታ ቦንቼሰ።

14 ኣማኒያ ኣዳታኔ ማጨሳታ ታይቦይ ካሴይሳፌ ዳሪሼ ቢሰ።

15 ሄሳ ጊሾ፡ ኣሳይ ሃርጋንቸታ ሃላኒኔ ኣልጋን ቶኪዲ ጳጳርሲ ኣጲያ ዎዳ ኢያ ኩያይ ኤንታፌ ኢሶታ ኢሶታ ቦላ ሺሞፓና ማላ ኦጌ ዶናን ኬሲዲ ዎሶሶና። 16 ቃሲ ዳሮ ኣሳይ ዬሩሳላሜ ማታን ዳዒያ ካታማታፕ ሃርጋንቸታኔ ቱና ኣያኒ ዎይሲያ ኣሳታ ኤኪዲ ዮሶና፤ ኡባይካ ፓዲዶሶና።

ሃዋሪታ ቦላ ጎዲ ዳንዲሰ

17 ካሂኔ ሃላቃይኔ ኢያራ ዳዒያ ሳዱቃዌቲ ኡባይ ቃናቴን ኩሚዲ ሃዋሪታ ቦላ ዳንዲዶሶና። 18 ሃዋሪታ ኦይኪዲ ዳሪያ ቃሾ ኬላን ዬጊዶሶና። 19 ሺን ጎዳ ኪታንቸይ ቃማ ቃሾ ኬላ ፔንጊያ ዶዩዲ ሃዋሪታ ካሬ ኬሲዲ፡ 20 «ቢዲ፡ ያሳ ኬላን ኤቂዲ ሃ

ከራሳ ዳዎ ቃላ አሳ ኡባስ ኦዲቱ» ያገለገለ። 21 ሃዋርያት ህሳ ሲዲዳ ዋዳ ዋንታ ጉራ ያሳ ከሌ ገሊዲ ታማርሶ ደሚደሶና።

ካሂኔታ ሃላቃይኔ ኢያራ ዳዔይሳቲ ዪዲ፣ ኢሰራዔል ጨማታ ኡባ ያገ ሺሺዲ ሃዋርያት ባንታ ሲንጮ ኤሃና ማላ ዋታዳሬታ ቃሾ ከሌ ከቲደሶና። 22 ሺን ዋታዳሬቲ ቃሾ ከሌ ቢዲ ሃዋርያት ዳሚቦኮና። ጉዬ ሲሚ ዪዲ ዳሪያሰ። 23 «ኮኒ ቢያ ዋዳ ቃሾ ከላ ፔንጌይ ሚንሌ ጎርዳቲን፣ ናጌይሳቲ ፔንጌን ኤቁዳይሳታ ዳሚዳ። ሺን ኮኒ ካሪያ ደያ ዋዳ ገደን ሃሪ ኦቶሺን ኢሲ አሲካ ባዋ» ያገደሶና። 24 ህሳ ገሾ፣ ያሳ ከላ ዋታዳሬታ ከቲይሲኔ ካሂኔ ሃላቃቲ ህሳ ሲዲዳ ዋዳ «ሃዋርያት ቦላ አይቢ ሃኒዴ?» ያገዲ ሂርገደሶና።

25 ሄ ዋዳ ኢሲ አዳይ ኤንታኮ ዪዲ፣ «ሂኮ፣ ቃሾ ከሌ ሂንቲ ጌልሲዳ አሳቲ ያሳ ከላን ኤቁዲ አሳ ታማርሶና» ያገዲ ኤንታው ኦዲሲ። 26 ያሳ ከላ ዋታዳሬታ ከቲይሲ ባ ዋታዳሬታሪ ቢዲ ሃዋርያት ኤሂሰ። ሺን ኤንቲ ባንታና አሳይ ሹቻን ጫዳና ገዲ ያዩዳ ገሾ ኤንታ አዳሺዲ ኤሂደሶና።

27 ኤንቲ ሃዋርያት ኤሂዲ፣ ሺቁዳ ሻንጉዋ ሲንላን ኤሲን ካሂኔ ሃላቃይ ኤንታኮ። 28 «ሂንቲና ኮኒ ሄ ኡራ ሱንላን ታማርሶና ማላ ሚንሌዲ ከቲቦኮ? ሂኮ፣ ሂንቲ ቲማርቲያ ዩሩሳላማ ካታማ ኡባ ጋሊዳታ። ሄ ኡራ ሺምፑዋስ ኮና ኦይላናው ቆፔቲ?» ያገዲ ኦይቺሰ።

29 ጳጳርሳራኔ ሃንኮ ሃዋርያታሪ ኤንታው ዛሪሹ፣ «ኮኒ አሳሰ ከቲታናፔ ያሳሰ ከቲታናው ቤሴሰ። 30 ማሰቃሊያ ቦላ ሂንቲ ካቁዲ ዋዳዳ ዩሱሳ ኮ አዋታ ያሳይ ሃይቆፔ ዳንሌሰ። 31 ኢሰራዔሌቲ ናጋራፔ ሲማና ማላኔ ኤንታ ናጋራይ አቶ ጌቲታና ማላ ያሳይ ዩሱሳ ሃሪይሳኔ አሽይሳ ኦሌዲ ቦንቾን ባፔ ኡሻቻ ባጋን ኡቲሲሰ። 32 ህሳሰ ኮኒ ማርካ፤ ቃሲ ያሳይ ባና አማኔይሳታሰ አሚዳ ጌሻ አያናይካ ማርካ» ያገደሶና።

33 ሺቁዳ አሳይ ህሳ ሲዲዳ ዋዳ ዳር ዪሎቲዲ፣ ሃዋርያት ዋዳናው ቆፒደሶና። 34 ሺን አሳ ኡባን ዳር ቦንቺቲዳ፣ ሂጌ አሰታማሬይ፣ ጋማሊያሌ ገያ ኢሲ ፋሪሳዌይ ዳንዲ ኤቁዲ ሃዋርያት ጉላ ዋዳሰ ካሬ ከሳና ማላ ከቲሰ። 35 ህሳፌ ጉዬ፣ ሺቁዳ አሳኮ፣ «ኢሰራዔሌ አሳው፣ ሃ አሳታ ቦላ ሂንቲ አላናው ቆፒያባፔ ናጌቲቲ። 36 አይሰ ገሱ፣ ሃይሳፌ ካሴ ቲዋዳሲ ባና፣ ታኒ ገታ» ገዲ ዳንዲን፣ ኦይዲ ያቲ ገዲያ አሳቲ ኢያራ ኢሲፊደሶና። ሺን ኢያ ዋዳን ኢያ ካሊዳ ኡባይ ላሌቲን ፓላና አሲ ገዲዲ

አቲደሶና። 37 ሄሳፌ ጉዬ፣ አሳይ ታይቤቲያ ዋዴ ጋለላ ዪሁዲ ዴንዲዲ ዳሮ አሳ ፓንጋዬዲ ካሌሉስ፣ ሺን ኢያካ ዋዲን ኢያ ካሊዳ አሳ ኡባይ ላሌቲስ። 38 ሃዲካ ታ ሂንቲው ኦዳይስ፤ ሃ አሳታፔ ሻኬቲቴ፤ ኤንታ ቦቾፊቴ። አይስ ገኩ፣ ሃ ቆፋኔ ሃ ኦሎቃ አሲ ኦሊያባ ጊዲኮ ዳያና። 39 ሺን ሃ ቆፋይኔ ሃ ኦሎይ ያሳፌ ዪዳባ ጊዲኮ፣ ሂንቲ ኤንታ ዳይሳናው ዳንዳዔኬታ። ጌላዳ ያኒሼ ሂንቲ ያሳራ ካጩታና» ያጊዲ ኦዲስ። ሄሳ ገሾ፣ ሺቁዳ አሳይ ጋማሊያሌ ዞሪያ ኤኪደሶና።

40 ሃዋርያት ሶ ያጊዲ ሊሶን ጋራፊሲስ። ሄሳፌ ጉዬ፣ ኤንታኮ፣ «ዬሱሳ ሱንላ ናምዒንላ ዳንሰፊቴ» ጊዲ ቢርሺ ዬዲደሶና። 41 ዬሱሳ ሱንላ ገሾ ኤንቲ ካዉያናይሲ ቤሲያባ ጊዳይሳ ኤሪዳ ገሾ ሻንጉዋ ሲንሳፌ ኡፋይቲሼ ኬዪደሶና። 42 ኤንቲ ኡባ ዋዴ ያሳ ኬላኒኔ አሳ ሶን ዬሱሲ ኢ ኪሪሰቶሳ ጊዳይሳ ታማርሶኔ ሳባኮ ኣጊቦኮና።

6

ላፑን አሳታ ዶሪቴላ

1 ሄ ዋዴ ካሌይሳታ ታይቦይ ዳሪ ዳሪ ቢሺን፣ ገሪኬ ደና ኦዴቲያ አይሁዴቲ ዪሁዲን ዬሌቲዲ ዳዲያ አይሁዴታ ቦላ ዙዙሚደሶና። አይስ ገኩ፣ ገሪኬ ደና ኦዴቲያ አይሁዴቲ፣ «ጋላስ ጋላስ ኢሚቲያ ካላን ኦ ኣምዔቲ ናቁቶሶና» ያጊደሶና። 2 ታማኔ ናምዑ ሃዋሪቲ ዋሳ ኬላ አሳ ኡባ ያጊዲ፣ «ኦኒ ያሳ ቃላ ኦዳይሳ ኣጊዲ ካሊ ገሻናው ኦስ ቤሴና። 3 ሂዛ፣ ኢሻቶ፣ ሎዎ አሳታ፣ ጌሻ ኣያናኒኔ ጩንጫቴላን ኩሚዳ ላፑን አሳታ ሂንቲ ጊደፌ ዶሪቴ፤ ኦኒ ኤንታ ሃ ኦሎቃሰ ሹማና። 4 ሺን ኦኒ፣ ኦ ኩሜላ ዋዲያ ያሳ ዋሳኒኔ ቃላ ታማርሶን ፔሻና» ያጊደሶና።

5 ሃዋሪቲ ኦዲዳ ኦዳይ አሳ ኡባ ኡፋይሲስ። ሄሳ ገሾ፣ አማኖይኔ ጌሻ ኣያኒ ኩሚዳ ኢስዒፋኖሴ፣ ፊልጶሳ፣ ጲሮኮሮሳ፣ ኒቃሮኔ፣ ዒዋና፣ ጳርሜናኔ አይሁዴ አማኖ ጌሊ ሲሚዳ ኣንጾኪያ ኒቆላዎሳ ዶሪደሶና። 6 ኤንታ ሃዋሪታ ሲንላን ኤሲን፣ ሃዋሪቲ ኤንታ ቦላ ኩሼ ዋሊዲ ያሳ ዋሲደሶና።

7 ያሳ ቃላይ ዳልጊ ዳልጊ ቢስ። ዬሩሳላሜን ዳዲያ አማኔይሳታ ታይቦይ ዳሪ ዳሪ ቢስ፤ ዳሮ ካሂኔቲካ አማኒደሶና።

ኢስዒፋኖሴ ኦይኬቲስ

8 ኢስዒፋኖሴይ ኣዶ ኬሃቴላኒኔ ዋልቃን ኩሚዲ አሳ ጊደን ኦራላባታኔ ማላታታ ኦሌስ። 9 አይሌቴላፌ ኬዪዳ አይሁዴ ዋሳ

ኩላ ኣሳይ ቁሪናፕኔ ኢስኪንዲሪያፕ ኪልቁያፌኔ ኢሲያፕ ዪዳ ኢሲ ኢሲ ኣሳቲ ዳንዲዲ ኢስፂፋኖሴራ ፓላሚዶሶና። 10 ሺን ኢስፂፋኖሴይ ኣያና ዋልቃን ኦዳቲያ ጨንጫቴላ ኤንቲ ኤቁታናው ዳንዳዲቦኮና።

11 ሄ ዋዴ ኤንቲ፣ «ሙሴኔ ያሳ ኢ ጫዩሺን ሲዒዳ» ጊያ ዋርዶ ኣሳታ ሻሚዶሶና። 12 ሄሳዳ ኦሊዲ ቢታ ጨማታኔ ሂፔ ኣስታማሬታ ኢያ ቦላ ዳንሊዶሶና። ኢስፂፋኖሴ ኦይኪዲ ሻንጉዋ ሲንሌ ኤፊዶሶና። 13 ኢያ ቦላ ፓይዲዳ ዋርዶ ማርካቲ፣ «ሃ ኡራይ ሃ ያሳ ኩላኔ ሙሴ ሂጊያ ዛሪ ዛሪ ጫዩስ። 14 ኢ፣ ሃይሲ ናዚሬቴ ዩሱሱ፣ ሃ ያሳ ኩላ ላላና፤ ቃሲ ሙሴይ ኦስ ኣሚዳ ሂጊያ ላማና) ያጊሺን ኦኒ ሲዒዳ» ያጊዶሶና።

15 ሻንጎ ሺቆን ኡቲዳ ኣሳ ኡባይ ኢስፂፋኖሴ ሎይሊዲ ያሊያ ዋዴ ኢያ ሶሞያይ ኪታንጎቾ ሶሞዎ ዳኔስ።

7

ኢስፂፋኖሴ ሃሳያ

1 ካሂኔታ ሃላቃይ ኢስፂፋኖሴኮ፣ «ሃይሲ ቱሜ?» ያጊዲ ኦይቺስ።

2 ኢስፂፋኖሴይ፣ «ታ ኢሻቶ፣ ታ ኣዋቶ፣ ሲዒቲ! ኦ ኣዋ ኣብራሃሜይ ካራኔን ዳናው ባናፕ ሲንሌ ማሴጶሚያን ዳዒሺን፣ ቦንቾ ያሳይ ኢያው ቆንጨዲ፣ 3 ኔ ቢታፌኔ ኔ ዳቦታፕ ሻኬታዳ ታኒ ኔና ቤሲያ ቢታ ባ) ያጊስ። 4 ሄ ዋዴ ኣብራሃሜይ ካልዳዌታ ቢታፌ ኬዩዲ ካራኔን ዳናው ቢስ። ኢያ ኣዋይ ሃይቁዳፕ ጉዬ ያሳይ ኢያ ሃ ቢታ ሃዒ ሂንቲ ዳዒያ ቤሳ ኤሂስ። 5 ኢ ሃ ቢታፌ ሃሪ ኣቶሺን ቶሆይ ዩጲያ ቤሲካ ኣብራሃሜስ ኣሚቤና። ሺን ናዒ ኢያው ባይና ዋዴ ያሳይ ሃ ቢታ ኢያውኔ ኢያ ሺሻስ ላታ ኦሊዲ ኣማናይሳ ቃላ ጌሊስ። 6 ያሳይ ኣብራሃሜኮ፣ ኔ ሺሻይ ሃራ ቢታን ኣማላቴላን ዳና፤ ያን ኦይዲ ያቱ ላይሊ ኤንቲ ኣይሌቴላን ሃራታና። 7 ሺን ታኒ ኔ ሺሻ ሃሪያ ዳሪያ ቦላ ፐርዳና። ሃሳፌ ጉዬ፣ ኤንቲ ሄ ቢታፌ ኬዩዲ ሃይሳን ታው ጎይናና) ያጊስ። 8 ያሳይ ኣብራሃሜ ሺሻይ ቃፃሪታና ሜላ ኢያራ ጫቁን፣ ዩሳቁ ዩሌቲዳ ሆስፑንላ ጋላሳን ቃፃሪስ። ዩሳቁ ያይቆባ ቃፃሪስ፤ ቃሲ ያይቆቢ ታማኔ ናሞዑ ባ ናይታ፣ ኦ ኣዋታ ማይዛታ ቃፃሪስ።

7:2 ሜዴ 12:1 7:4 ሜዴ 11:31፤ 12:4 7:5 ሜዴ 12:7፤ 13:15፤ 15:18፤ 17:8 7:6 ሜዴ 15:13-14 7:7 ኬሳ 3:12 7:8 ሜዴ 17:10-14፤ 21:2-4፣ 25፣ 26፤ 29:31-35

9 «ያይቆባ ናይቲ ዮሴፋ ቃናቲዲ ጊብፄ ቢታን ኣይሌቴላስ ባይዚዶሶና፣ ሺን ያሳይ ኢያራ ዳዔስ። 10 ኢያ፣ ኢያ ዋዬ ኡባፌ ኬሲስ። ጊብፄ ካዉዋ ሲንላን ሳባኔ ጨንጨቴሉ ኢያው ኢሚስ። ጊብፄ ካዎይ ዮሴፋስ ጊብፄ ቢታኔ ባ ኬላ ኡባ ኣይሳናዳ ሃላቃቴሉ ኢሚስ።

11 «ጊብፄ ቢታኒኔ ካናኔ ቢታ ኡባን ኮሺ ጌሊዲ ዳር ኣሳ ኡንዔሉስ። ሄ ዎዴ ኑ ማይዛቲ ካሉ ዳማናው ዳንዳዒቦኮና። 12 ያይቆቢ ጊብፄ ቢታን ካሉ ዳዔይሳ ሲዒዲ ኑ ኣዋታ ኮይሮ ያ ዩዲስ። 13 ናምዓንሖ ቡሳን ዮሴፊ ባ ኢሻታስ ባናቴላ ኤሪሲስ። ጊብፄ ካዎይካ ዮሴፋ ሹሻ ኤሪሲስ። 14 ዮሴፊ ባ ኣዋ ያይቆባኔ ባ ዳቦ ኡባ፣ ላፑን ታማኔ ኢቻሹ ኣሳ ባኮ ያና ማላ ከቲዲ ኤሂሲስ። 15 ያይቆቢ ጊብፄ ቢታ ዎዲስ፤ ኢኔ ኢያ ናይቲ ያን ሃይቂዶሶና። 16 ኤንታ ኣሃይ ሄ ቤሳፌ ሴኬማ ቢታ ቶኬቴዲ ቢዲ፣ ያን ኣብራሃማይ ሃሞሬ ናይታፔ ዳር ቢራን ሻሚዳ ዱፎን ሞጌቲስ።

17 «ሺን ያሳይ ኣብራሃማስ ኢማና ጊዳይሳ ፖሊያ ዎዴይ ጋካናው ማቲዳ ዎዴ ጊብፄ ቢታን ዳዒያ ኑ ኣሳይ ዳሪ ዳሪ ቢስ። 18 ሄሳፌ ጉዬ፣ ዮሴፋ ኤሮና ሃራ ካዎይ ጊብፄ ቢታን ካዎቲስ። 19 ሄ ካዎይ ኑ ዜሬላ ጌኒዲ ጉላ ናይቲ ሃይቃና ማላ ኤንታ ካሬ ኬሲ ዩጋና ማላ ኑ ኣዋታ ኡንዔሉስ።

20 «ሄ ዎዴ ሙሴይ ዩሌቲስ፤ ኢ ያሳ ሲንላን ዳር ሎጾ ናዓ። ባ ኣዋ ኬላን ሄቹ ኣጌና ጋካናው ዲጨስ። 21 ሙሴይ ዎራ ሆሊቲዳ ዎዴ ጊብፄ ካዉዋ ናዒያ ዳማ ኤካዳ ባ ናዓ ኦላዳ ኢያ ዲቻሱ። 22 ሙሴይ ጊብፄታ ጨንጨቴላ ኡባ ታማሪዲ ኦዳኒኔ ኦሶን ሚኖ ኣሲ ጊዲስ።

23 «ሙሴስ ላይላይ ኦይታማ ኩሚዳ ዎዴ ባ ኢሻታ፣ ኢሰራዔሌታ ቤናናው ባ ዎዛናን ቆፒስ። 24 ኢሰራዔላታፔ ኢሱዋ ጊብፄ ኢሶይ ቆሂሺን ቤዒዲ ሄ ኢሰራዔሌ ኡራ ማዲዲ፣ ሄ ቆሃዳ ጊብፄ ኡራ ዎዲ ኩሹ ዛሪስ። 25 ሙሴይ ባ ኢሻታ ባ ባጋራ ያሳይ ኣሻናው ሃኔይሳ ኤንቲ ኣኬካና ጊዲ ቆፒስ፣ ሺን ኤንቲ ኣኬኪቦኮና።

7:9 ሜዴ 37:11፣ 28፣ 39:2፣ 21 7:10 ሜዴ 41:39-41 7:11 ሜዴ 42:1-2 7:13 ሜዴ 45:1፣ 16 7:14 ሜዴ 45:9-10፣ 17-18፣ 46:27
7:15 ሜዴ 46:1-7፣ 49:33 7:16 ሜዴ 23:3-16፣ 33:19፣ 50:7-13፣ ኢያ 24:32 7:17 ኬሳ 1:7-8 7:19 ኬሳ 1:10-11፣ 22 7:20 ኬሳ 2:2
7:21 ኬሳ 2:3-10 7:23 ኬሳ 2:11-15

26 «ዋንቴላ ጋላስ ናምዑ ኢስራዔል አሳተ ኢሶይ ኢሱዋራ ዋዲቲሺን ዳሚዲ ኤንታ ሲገላናው ኮዪዲ፣ ሳሳቶ፣ ሂንቴ ኢሻንታ፤ አይስ ኢሶይ ኢሱዋ ቆሄቲ?» ያገሰ።

27 «ሺን ባ ላጊያ ቆሄይሲ ሙሴኮ፣ ሳና ኑ ቦላ ሃሪይሳኔ ዳይና ኦሊዳይ ኦኔ? 28 ኔኒ ዘኔ ገብፆ ኡራ ዋዲዳይሳዳ ታና ዋዳናው ኮያይ?» ያገዲ ሙሴ ሱጊ ዬዲስ። 29 ሙሴይ ሄሳ ሲዒዳ ዋዴ ገብፆፊ ቤቲዲ ሚዲያሜ ቢታን ቤቲ አሲ ገዲዲ ዳዲሽ ናምዑ አዴ ናይታ ዬሊስ።

30 «ጎዳ ኪታንቸይ ኦይታሙ ላይላፊ ጉዬ ሲና ዳሪያ ማታን ዳዲያ ባዘ ቱሺያ ገደን ኤዲያ ታማ ላጮ ገደን ሙሴስ ቤንቲስ።

31 ሙሴይ ባ ቤዒዳይሳን ማላላቲዲ፣ ሎይሊ ቤዓናው ቱሺያ ማቲ ሸቁዲ ዳዲሺን፣ ጎዳ ቃላይ፣ 32 ሳቲ ኔ አዋታ፣ አብራሃሜ ያሳ፣ ዬሳቃ ያሳ፣ ያይቆባ ያሳ» ያገሺ ሙሴኮ ዪስ። ሙሴይ ያሻን ኮኮራዲ ፆላናው ዳንዳዒቤና።

33 «ጎዳይ ሙሴኮ፣ ሳና ኤቁዳ ቢታይ ጌሺ ገዲያ ገሾ ኔ ቶሁዋን ዳዲያ ጫማ ኬሳ። 34 ታኒ ገብፆን ዳዲያ ታ አሳ ኡንዔቴላ ቤዓስ። ኤንታ ዋሱዋ ሲዒዳ ኤንታ አሻናው ዋዳስ። ሃዒ ሃያ! ታኒ ኔና ገብፆ ኪታና» ያገሰ።

35 «ኢስራዔሊቲ ሙሴ፣ ሳና ኡና ሃሪይሳኔ ዳይና ኦሊዳይ ኦኔ?» ያገዲ ኢዲዳይሳ ቱሺያ ገደን ኢያው ቤንቲዳ ኪታንቸዋ ባጋራ ሃሪይሳኔ አሽይሳ ኦሊዲ ያሳይ ኪቲስ። 36 ሙሴይ ኢስራዔሊታ ገብፆፊ ኬሲዲ ማላሊሲያባታኔ ኦራላባታ ገብፆ ቢታኔ ዘዎ አባን ኦሊዲ ኤንታ ኦይታሙ ላይሊ ባዘ ቢታን ካሌሊስ።

37 «ኢስራዔሊ አሳኮ፣ ሳሳይ ታና ዳንሊዳይሳዳ ሂንቴ ሽሻ ገደፊ ታ ሜላ ናቤ ሂንቴው ዳንላና» ያገዲይ ሄ ሙሴ። 38 ባዘ ቢታን ሸቁዳ ኢስራዔሊ አሳራ ዳዒዳይሲ፣ ኑ አዋታራኔ ሲና ዳሪያ ቦላ ኢያው ኦዲዳ ኪታንቸዋራ ዳዒዳ ሙሴይ ኢያ። ያቲዲ፣ ያሳ ዳዎ ቃላ ኩስ ኢማናው ኤኪስ።

39 «ሺን ኑ ማይዛቲ ሙሴስ ኪቲታናው ደሲቦኮና፤ ኢያ ኢዲዲ ጉዬ ገብፆ ሲማናው አዋቲደሶና። 40 ቃሲ አርናኮ፣ ሳና ካሌሊያ ያሳታ ኩስ ኦሳ። አይስ ገኮ፣ ሃይሲ ኡና ገብፆፊ ኤሂዳ ሙሴይ፣ ዋኒዳኮ ኔኒ ኤርኮ» ያገደሶና። 41 ሄ ዋዴ ማሪ ዳኒሲዲ ኤቃ

7:29 ኬሳ 18:3-4 7:30 ኬሳ 3:1-10 7:35 ኬሳ 2:14 7:36 ኬሳ 7:5፤ 14:21፤ ታይ 14:33 7:37 ዛሬ 18:15፣ 18 7:38 ኬሳ 19:1-20:17፤ ዛሬ 5:1-33 7:40 ኬሳ 32:1

ኦሊደሶና። ሄ ኤቃሰ ያርሾ ያርሺዲ ባንታ ኩሼን ኦሊዳ ኦሱዋን ኡፋይቲዶሶና። 42 ሺን ያሳይ ኤንታው ዘኮ ዛሪሰ። ኤንቲ ሳሎ ያለንቶታ ጎይናና ሜላ ኤንታ ዩጊ ኣጊሰ። ናቤታ ማፃፋን፣ ኀሊሰራዔሌ ኣሳው፣ ኦይታው ላይሉ ኩሜሉ

ባዞ ቢታን ሹኪዳ ሜሂያኔ
ያርሺዳ ያርሹዋ ታው ያርሺዳቲ?

43 ሂንቲ፣ ሂንቲው ጎይናናው ኬሲዳ ኤቃኔ ሞሎኬ ዲንካኒያ ሬፋና ጊያ ሂንቲ ያሳ ያለንቶ ሚሲሊያ ቶኪዳታ።

ታኒ ሂንቲና ባቢሎኔፕ
ሂኒ ባጋ ዩዳና፣ ጌቲቲዲ ፃፊቲሰ።

44 «ኑ ኣዋታሰ ባዞ ቢታን ማርካ ዲንካኔይ ዴዔሰ። ኢያካ ያሳይ ሙሴ ከቲዳይሳዳኔ ኢያ ቤሲዳይሳዳ ኦሊሰ። 45 ቃሲ ኑ ኣዋቲ ሄ ዲንካኒያ ባንታ ኣዋታፔ ኤኪዲ ያሳይ ካሴ ዩዳሉዳ ኣይሁዳ ጊዶና ኣሳ ቢታ ኦይኪዳ ዋዴ ኢያሱራ ያ ኤኪዲ ጌሊደሶና። ሄ ዲንካኔይ ዳዊቲ ዋዴ ጋካናዉካ ሄ ቤሳን ዴዒሰ።

46 ዳዊቲይ ያሳን ሳቤቲሰ። ቃሲ ያይቆባ ጎዳይ ዴዒና ኬላ ከፃናው ያሳ ዋሲሰ። 47 ሺን ኢያው ኬላ ከፃዳይ ሶሎሞኔ።

48 «ሃሮሺን፣ ኡባፌ ቦላ ያሳይ ኣሲ ከፃዳ ኬላን ዴና። ናቤይ ጊዳይሳ ሜላ፣

49 ሳሎይ ታ ኣራታ፣
ሳዓይካ ታ ቶሆይ ዩዲያሶ።

ያቲን፣ ታው ሂንቲ ኣይ ሜላ ኬሉ ከፃኔ?
ዋይኮ ታኒ ሹምፒያሶይ ኣዉኔ? 50 ሃ ኡባ ታ ኩሺያን ኣላቢኪና?) ያጌሰ ጎዳይ።

51 «ሂንቲ ዋኒዳ ሲያና ኣሴ? ሂንቲ ዋዛናይ ያሳ ቃላ ኤካናው ኣይሰ ኢፂዴ? ሂንቲ ሃይላይ ኣይሰ ቱሊዴ? ሂንቲ፣ ሂንቲ ኣዋታሉ ኡባ ዋዴ ጌሻ ኣያናራ ኤቁቲታ። 52 ናቤታ ጊዶፌ ሂንቲ ኣዋቲ ጎዶናይ ኦኔ? ያሳ ናዓይ፣ ፂሎይ ያናይሳ ካሰቲዲ ኦዲዳይሳታ ዋዲደሶና። ሃዒ ሂንቲ ኢያ ኣሉ ኣሚዲ ዋዲደታ። 53 ሂንቲ ከታንቹዋ ኩሹፔ ያሳ ሂጊያ ኤኪዳታ፣ ሺን ከቲቲቤኬታ» ያጊሰ።

ኢሰፂፋኖሴይ ሹቻን ጫዳቲሰ

7:41 ኬሳ 32:2-6 7:42 ኣዋ 5:25-27 7:44 ኬሳ 25:9፣ 40 7:45 ኢያ 3:14-17 7:46 2ሳው 7:1-16፣ 1ታሪ 17:1-14 7:47 1ካዋ 6:1-38፣ 2ታሪ 3:1-17 7:49 ኣሳ 66:1-2 7:51 ኣሳ 63:10

54 እንቲ ሄሳ ሲዒዳ ዎዴ ባንታ ዎዛናን ኢስጊፋኖሴ ቦላ ዳር ዪሎተዲ፣ ባንታ ሜቴርሻ ሳጂዲ ማንዲደሶና። 55 ሺን ኢስጊፋኖሴይ ጌሻ ኣያናን ኩሚዲ፣ ሳሎ ፑዴ ጃሊዲ፣ ያሳ ቦንቹዎኔ ዬሱሳ ያሳ ኡሻቻ ባጋን ኤቁዳይሳ ቤዒሰ። 56 «ሄኮ፣ ታኒ ሳሎይ ደዬተን፣ ኣሳ ናዓይ፣ ያሳ ኡሻቻ ባጋን ኤቁዳይሳ ቤዓይሰ» ያገሰ።

57 ቃላ ቶቁ ኦሲዲ ዋሲሹ፣ ባንታ ሃይላ ኦይኪዲ ኢሲፊ ኢያኮ ዎዲደሶና 58 ኢያ ካታማፔ ጋፃ ኬሲዲ፣ ሹቻን ጨዲደሶና። ማርካቲ ባንታ ማዑዋ ኢሲ ሳያላ ገያ ናዓቴላ ማታን ዎሲደሶና።

59 ኢስጊፋኖሴይ፣ «ታ ጎዳ ዬሱሳ፣ ታ ሸምፑዎ ኤካ» ያገዲ ጃጊሺን እንቲ ኢያ ሹቻን ጨደሶና። 60 ጉልባቲዲ፣ ባ ቃላ ቶቁ ኦሲዲ፣ «ታ ጎዳው፣ ሃ ናጋራ እንታው ኣቶ ጋ» ያገሰ። ሄሳ ያገዲ ሲሚዳ ሜላ ሃይቁ ኣገሰ።

8

ሳያሊ ኣማኒያ ኣሳ ጎዲሰ

1 ሳያሊ ኢስጊፋኖሴ ሃይቁዎን ኡፋይተሰ። ሄ ጋላሰ ዬሩሳላሜን ዴዒያ ዎሳ ኬላን ገታ ጎዲ ዴንዲሰ። ሃዋሪቲ ኣቲን ኣማኔይሳቲ ኡባይ ዪሁዳ ቢታኒኔ ሳማሬ ቢታን ላሌቲደሶና። 2 ኢሲ ኢሲ ያሳ ኣሳቲ ኢስጊፋኖሴ ዋጊደሶና፤ ቃሲ ኢያው ዳር ዬኪደሶና። 3 ሺን ሳያሊ ዎሳ ኬላ ቆይሳናው ኮዬሰ። ሶ ሶ ዩዩ ጌሊዲ፣ ኣማኒያ ኣዴታኔ ማጨሳታ ጎቹ ጎቹ ኬሲዲ ቃሾ ኬላ ጌልሴሰ።

ዎንጌላይ ሳማሪን ሳባኬተሰ

4 ላሌቲዳ ኣማኔይሳቲ ቢዳ ቤሳ ኡባን ቃላ ኦዲደሶና። 5 ፊልጶሲ ሳማሪ ካታማ ቢዲ ኪሪሰቶሳባ ኣሳሰ ኦዲሰ። 6 ዳር ኣሳይ ፊልጶሲ ገዳይሳ ሲዒዳ ዎዴኔ ኢ ኦሲያ ማላታታ ቤዒዳ ዎዴ ኢያ ኣኬኪዲ ሲዒደሶና። 7 ቱና ኣያናቲ ዋሲዲ ዳር ኣሳፔ ኬዩደሶና፤ ቃሲ ዳር ጉንዳቲኔ ዎቤቲ ቢሌቲደሶና። 8 ሄ ካታማን ዴዒያ ኣሳይ ዳር ኡፋይቲደሶና።

9 ሺን ሲሞና ገያ ኢሲ ኡራይ ሄ ካታማን ዴዒሰ። ኢ፣ «ባና ገታ» ገዲ ሳማሪ ኣሳ ማርቴላን ማላሊሲሽ ጋሞዒሰ። 10 ጉላፊ ገታ ጋካናው ዴዒያ ኣሳ ኡባይ፣ «ገታ ያሳ ዎልቃይ ሃይሳ» ገዲ ኢያባ ሲዎሶና። 11 ዳር ዎዴፔ ደሚዲ ማርቴሽ ሳማሪ ኣሳ

8:3 ሃ.አ 22:4-5፤ 26:9-11

ማላሊሲያ ጊሾ አሳይ አያባ ሲያሰሩ። 12 ሺን ፊልጶስ ያሳ ካዎቴላባኔ ዩሱስ ኪሪስቶስ ሱንገላባ አይታሲኔ ማጫታሰ ኦዲን፣ ኤንቲ አያባ አማኒዲ ፃማቄተዶሶና። 13 ቃሲ ሲሞኒካ ባ ሁዔን አማኒዲ ፃማቄተሰ። ፊልጶስ ሲጠጠር ቢዳ ቤሳ ኡባን ኦሴቲያ ጌታ ማላታታ ቤዒዲ ማላሊቲሰ።

14 ዩሩሳሌምን ዳዒያ ሃዋሪቲ ሳማሬ አሳይ ያሳ ቃላ ኤኪዳይሳ ሲዒዳ ዎዴ ጳዊሮሳኔ ዮሃንሳ ኤንታኮ ዩዲዶሶና። 15 ጳዊሮሲኔ ዮሃንሲ ቢዲ፣ አማኔይሳቲ ጌሻ አያና ኤካና ማላ ኤንታው ያሳ ዎሲዶሶና። 16 አይሰ ጊኮ፣ ሳማሬ አሳቲ ጎዳ ዩሱሳ ሱንገላ ፃላላን ፃማቄተዶሶና፤ ኣቲን ኤንታፊ አሱዋ ቦላካ ጌሻ አያኒ ዎዲቤና። 17 ሄ ዎዴ ጳዊሮሲኔ ዮሃንሲ ባንታ ኩሺያ ኤንታ ቦላ ዎሊን፣ ኤንቲ ጌሻ አያና ኤኪዶሶና።

18 ሃዋሪቲ ባንታ ኩሺያ ኤንታ ቦላ ዎሊን፣ ኤንታው ጌሻ አያናይ አማቲዳይሳ ሲሞኒ ቤዒዳ ዎዴ ጳዊሮሳሲኔ ዮሃንሳሰ ሚሼ ኤሂዲ፣ 19 «ታኒካ ታ ኩሺያ ዎሊያ ኡባይ ጌሻ አያና ኤካና ማላ ሃ ማታ ታወካ አማርኬቲ» ያገሰ።

20 ሺን ጳዊሮሲ አያኮ፣ «ኔኒ ያሳ አሞታ ሚሼን ሻማናው ቆፒዳ ጊሾ ኔ ሚሼይ ኔራ ቆዮ። 21 ኔ ዎዳናይ ያሳ ሲንገላን ሱሬ ጊዶና ጊሾ ኔው ሃይሳን ጊሾይ ዎይኮ ቃዲ ባዎ። 22 ሂዛ፣ ሃ ኔ ዎዳና ኢታቲላ ጊሾ ናጋራ፤ ሲማ። ኔ ዎዳናን ዳዒያ ኢታ ቆፋ ያሳይ አቶ ጋና ማላ ያሳ ዎሳ። 23 ጋሶይካ፣ ኔኒ ኢታ ቃናቴኒኔ ናጋራ ቃሹዋን ዳዒይሳ ታኒ ቤዒይሰ» ያገሰ።

24 ሲሞኒ ዛሪዲ፣ «ሂንቲ ጊዳይሳፊ አሶይካ ታና ጋኮና ማላ ታው ያሳ ዎሲቲ» ያገሰ።

25 ጳዊሮሲኔ ዮሃንሲ ማርካቲዳ፤ ጎዳ ቃላ ኦዲዳ፤ ጉዬ ዩሩሳሌም ሲሚዶሶና። ሳማሬን ዳዒያ ዳር ጉታታን ዎንጌላ ኦዲዶሶና።

ፊልጶስ ቶሲያ ሞሪና ፃማቄሰ

26 ጎዳ ኪታንጃይ ፊልጶሳኮ፣ «ዴንዳዳ ዩሩሳሌማ፤ ጋዛ ኤፊያ ባዞ ቢታ ኦጊያኮ ባ። ሄ ኦጊይ ዲጌሃ ባጋራ ዳዒሰ» ያገሰ። 27 ፊልጶስ ዳንዲዲ ቢሰ። ሂንዴኬ ጊያ ቶሲያ ካዌሰ አ ሚሼ ኡባ ናጊያ ቶሲያ አሲ ዳዒሰ። አካ ጎይናናው ዩሩሳሌም ቢሰ። 28 ጋራ ጋሪያን ኡቲዲ፣ ዩሩሳሌማ፤ ባ ቢታ ሲሚሼ ናቢያ አሳያሳ ማፃፋ ናባቤሰ።

29 ጌሻ አያናይ ፊልጶሳኮ፣ «ሄ ጋሪያኮ ባዳ ኢያ ማቲ ሺቃ» ያገሰ።

30 ያቲን ፊልጶስ ዋዲ ቢዲ ጋኪያ ዋዴ ሞሪናይ ናቢያ ኢሳያሳ ማፃፋፔ ናባቢሽን ሲዲዲ፡ «ኔ ናባቢያሲ ኔው ጌሊ?» ያጊሰ።

31 ሞሪናይ፡ «ታው ኦዲ ጌልሲያ ኣሲ ባይና ዋኒዲ ጌላኔ?» ያጊሰ። ባራ ጋሪያን ከዪዲ ኡታና ሜላ ፊልጶሳ ዋሲሰ።

32 ሞሪናይ ናባቢያ ማፃፋ ኪፊሌይ፡

«ኢ ዶርሳዳ ሹኩታናው ላጌቲሰ፤

ዶርሳ ማሪ ባ ኢኪሲያ ሜዴይሳታ ሲንላን ሲዲ ጌይሳዳ፡ ኢካ ባ ዶና ዶዪቤና።

33 ኢ ካወዪሰ፤ ኢያው ዲሎ ፒርዲ ጳይሰ።

ኢያ ዴይይ ሃ ሳዓፔ ቃንፀቲዳ ጊሾ

ኢያ ሹሻባ ኦኔ ኦዳናይ?» ያጌሰ።

34 ሞሪናይ ዛሪዲ ፊልጶሳኮ፡ «ናቤይ ኦዴባ ኦዲ? ባባ ኦዲዬ ዋይኮ ሃራ ኣሳባ ኦዲ? ታው ኦዳርኪ» ያጊሰ። 35 ፊልጶስ ዛሪዲ፡ ያሳ ቃላ ሄ ቤሳፌ ዶሚዲ፡ ዬሱሳባ ኦዲያ ዋንጌላ ኢያው ኦዲሰ።

36 ኤንቲ ቢሼ ሃሊ ዴዲያሶ ጋኪዶሶና። ሞሪናይ፡ «ሃሌ ሃይሳ ቤዓ፤ ታ ፃማቁቶና ሜላ ኣይቢ ዲጊ?» ያጊሰ።

37 ፊልጶስ ኢያኮ፡ «ኔኒ ኔ ኩሜላ ዋዛናፔ ኣማኒኮ ዳንዳዓሳ» ያጊሰ።

ኢ ዛሪዲ፡ «ዬሱሰ ኪሪሰቶሲ ያሳ ናዓ ጊዴይሳ ታኒ ኣማናይሰ» ያጊሰ።

38 ጋሬይ ኡቃና ሜላ ሞሪናይ ከቲን፡ ናምዓይ ዋዲዲ ሃላን ጌሊዶሶና፤ ፊልጶስ ኢያ ፃማቁሰ። 39 ኤንቲ ሃላፌ ጋፃ ከዪዲ ዋዴ ጎዳ ኣያናይ ፊልጶሳ ቆፖና ኤኪሰ። ናምዓንሉ ሞሪናይ ፊልጶሳ ቤዲቤና፡ ሽን ባ ኦጊያ ኡፋይቲሼ ቢሰ። 40 ፊልጶስ ኣዛፆናን ባና ዴሚሰ። ቃሲ ቁሳሪያ ያና ጋካናው ካታማታን ዩዪዲ ዋንጌላ ማርካቲሰ።

9

ሳያሊ ኪሪሰቶሳ ኣማኒሰ (ሃ.ኦ 22:6-16፤ 26:12-18)

1 ሄ ዋዴ ሳያሊ ጎዳ ካሌይሳታ ዋዳናው ማንዲዲ ካሂኔ ሃላቃኮ ቢሰ። 2 ጎዳ ኦጊያ ካሊያ ኣዴታኔ ማጫታ ዴሚኮ፡ ቃቲሼ ዬሩሳላሜ ኤሃናው፡ ዳማሰቆን ዴዲያ ኣይሁዳ ዋሳ ከላታሰ ዲብዲቤይ ፃፊታና ሜላ ኢያ ዋሲሰ።

3 ኢ ቢዲ፣ ዳማስቆ ካታማ ጋካናው ማተሽን፣ ቆፖና ሳሎፔ ዋልቃማ ፖያይ ኢያ ዩሹዋን ፖረሰ። 4 ኢ ሳዓን ኩንዲዳሽን፣ «ሳያላ፣ ሳያላ፣ አይሰ ታና ጎዳይ?» ጊያ ቃላ ሲረሰ።

5 ሳያላ፣ «ጎዳው፣ ነኒ ኦኔ?» ያጊዲ ኦይቸሰ።

«ታኒ፣ ነኒ ጎዲያ ዩሱሳ» ያጊሰ።

6 ሺን ሳያላ ኮኮሪሼኔ ማላሌቲሼ፣ «ጎዳው፣ ታኒ አይ ኦላና ማላ ኮያይ?» ያጊሰ።

ጎዳይ ኢያኮ፣ «ዳንዳዳ ካታማ ጌላ፤ ነኒ ኦላናው ቤሲያባይ ያን ኔው ኦዳታና» ያጊሰ።

7 ሳያላራ ኦጊያ ቢያ አሳቲ አይኮካ ኦዳቶና ኤቂ አቲደሶና። ቃላ ሲገሰና፣ ሺን እናካ ቤረቦኮና። 8 ሳያላ ኩንዲዳ ሴሳፌ ዳንዲዲ ያሊያ ዋዴ ኢያ አይፊይ ዳሞና አዳሰ። ሄሳ ጊሾ፣ ኤንቲ ኢያ ኩሺያ ኦይኪዲ ካሌላዲ ዳማስቆ ጌልሲደሶና። 9 ሄቩ ጋላሰ ጋካናው ኢ ያላናው ዳንዳረቤና፤ አይኮካ ሚቤና፤ ኡዩቤና።

10 ዳማስቆን ኢሲ ሃናኒያ ጊያ ዩሱሳ ታማሬይ ዳዔሰ። ጎዳይ ቆንጩፋን፣ «ሃናኒያ» ያጊዲ ያጊሰ።

ሃናኒይ ዛሪዲ፣ «ታ ጎዳው፣ ሃይሳን ዳዓይሰ» ያጊሰ።

11 ጎዳይ ኢያኮ፣ «ዳንዳዳ ሱሬ ጌቲቲያ ኦጊያ ባዳ፣ ዩሁዳ ሶን ሳያላ ጊያ ቱርሴሴፔ ዩዳ ኡራ ኮያ፤ ሳያላ ዋሴሰ። 12 ቃሲ ሃናኒይ ጌሊዲ፣ ሳያላ ናሞዓንፉ ያላና ማላ ባ ኩሺያ ኢያ ቦላ ዋሊሺን ቆንጩፋን ቤረሰ» ያጊሰ።

13 ሃናኒይ ዛሪዲ፣ «ጎዳው፣ ዩሩሳላሜን ኔ ጌሻ አሳ ቦላ ሄ ኡራይ አይ ማላ ኢታባ ኦሊዳኮ ታኒ ዳሮ አሳፔ ሲዓሰ። 14 ቃሲ ዳማስቆን ኔ ሱንፋ ያጌይሳታ ኡባ ቃቻናው፣ ካሂኔ ሃላቃቲ ኢያው ማታ ኢሚደሶና» ያጊሰ።

15 ሺን ጎዳይ ኢያኮ፣ «ሳያላ አይሁዳ ጊደና አሳ ሲንፋን፣ ካዋታ ሲንፋኒኔ ኢሰራዔሌ አሳ ሲንፋን፣ ታ ሱንፋ ኤሪሳናውኔ ታው ኦላናው ደራቲዳ ሚሼ ጊዲያ ጊሾ ነኒ ኢያኮ ባ። 16 አይሰ ጊኮ፣ ታ ሱንፋ ጊሾ ኢ አይ ማላ ዋዩ ኤካናው ቤሲያኮ ታኒ ኢያ ቤሳና» ያጊሰ።

17 ሃናኒይ ቢዲ፣ ሶ ጌሊዲ፣ ባ ኩሺያ ሳያላ ቦላ ዋሊዲ፣ «ታ ኢሻ ሳያላ፣ ነኒ ያ ኦጊያን ኔው ቤንቲዳ ጎዳ ዩሱሲ፣ ነኒ ያላና ማላኔ ጌሻ አያናን ኩማና ማላ ታና ከቲሰ» ያጊሰ።

18 ኤሌሲዲ፣ ሳያላ አይፊያፔ ኢሲ ፖቆ ማላባይ ዋዲን፣ ሳያላ ናሞዓንፉ ያሊሰ። ቃሲ ዳንዲዲ ያማቄቲሰ። 19 ካሊ ሚዲ ያሊዲ፣ ዳማስቆን ዳዔያ አማኔይሳታራ ጉላ ጋላሰ ጋሞሲሰ።

ሳያላ ዳማስቆን ታማርሲሰ

20 ኤሌሲዲ ሳዖሊ፡ «ዩሱሲ ያሳ ናዓ» ያገዱ ዳማስቆን ዳዒያ ኣይሁዴ ዋሳ ከፋታን ቃላ ታማርሲስ።

21 ሄሳ ሲዒዲ ኡባይ ማላሌቲዲ፡ «ሃይሲ ዩሩሳላሜን ዩሱሳ ሱንሳ ጻጌይሳታ ቃቺይሳ ጊዴኔዬ? ቃሲ ሃ ዩዲይ ኤንታ ቃቺዲ፡ ካሂኔ ሃላቃታ ሲንሐ ኤፋናሳ ጊዴኔ?» ያገደሶና።

22 ሺን ሳዖሊ ቃላ ኦዶን ሚኒ ሚኒ ቢስ። ዩሱሲ፡ ኢ ኪሪስቶሳ ጊዴይሳ ቆንጨሲዲ ኦዲዳ ጊሾ ዳማስቆን ዳዒያ ኣይሁዴቲ ኢያው ዛሪያባ ጳዩደሶና።

23 ዳር ጋላሳፔ ጉዬ ኣይሁዴቲ ሺቂዲ፡ ሳዖላ ዋዳናው ዘሪቲደሶና። 24 ሺን ኣይሁዴቲ ባና ዋዳናው ቆፒደይሳ ሳዖሊ ሲዒስ። ኤንቲ ኢያ ዋዳናው ቃማኔ ጋላስ ካታማ ፔንጊያን ናጎሶና። 25 ሺን ኢያ ታማሬቲ ኢያ ቃማ ኤፊዲ፡ ጊምቤ ዲርሳ ማስኮቲያራ ዳቾራ ዋዲሲደሶና።

ሳዖሊ ዩሩሳላሜን ታማርሲስ

26 ሳዖሊ ዩሩሳላሜ ጋኪዳ ዋዴ ኣማኔይሳታራ ጋሂታናው ኮዩስ። ሺን ኢ ኪሪስቶሳ ኣማኒደይሲ ኤንታው ቱማ ዳኖና ኢጻን ኢያው ያዩደሶና። 27 ሺን ባርናባሲ ሳዖላ ሃዋሪታኮ ኤፊስ። ኦጌን ጎዳይ ዋኒዲ ቆንጨዳኮኔ ሃሳዩሲዳኮ፡ ቃሲ ሳዖሊ ዳማስቆን ዩሱሳ ሱንሳን ያኖና ዋቲዲ ቃላ ኦዲዳኮ ኤንታው ጌሺዲ ኦዲስ። 28 ሳዖሊ ዩሩሳላሜን ዩዩዲ ጎዳ ሱንሳን ያኖና ቃላ ኦዲሹ፡ ሃዋሪታራ ኢሲፌ ዳዒስ። 29 ቃሲ ሳዖሊ ገሪኬ ቃላ ሃሳያ ኣይሁዴታራ ኦዴቲሹ ፓላሜስ። ሺን ኤንቲ ኢያ ዋዳናው ኮዩደሶና። 30 ኣማኒያ ኣሳቲ ሄሳ ሲዒዲ፡ ሳዖላ ቁሳሪያ ኤፊዲ ቴርሴሴ ዩዲደሶና።

31 ዩሁዳን፡ ጋለላኒኔ ሳማሪ ኡባን ዳዒያ ዋሳ ከፋቲ ሳሮቴሳን ዳዒደሶና። ቃሲ ሚኒደሶና፤ ጎዳስ ያዩሹ ጌሻ ኣያና ሚንሐሉዋን ዳሪ ዳሪ ቢደሶና።

ጳዒርሲ ሊዳኒኔ ዮጳን ታማርሲስ

32 ጳዒርሲ ቢታ ኡባ ዩዩሹ ሊዳን ዳዒያ ኣማኒያ ኣሳታኮ ጋኪስ። 33 ያን ሆስፑን ላይሐ ኩሜሐ ጉንዲዲ ኣርሳን ዚንዒዲ ዳዒያ ኤኒያ ጊያ ኣዲያ ዳሚስ። 34 ጳዒርሲ፡ «ኤኒያ፡ ዩሱስ ኪሪስቶሲ ኔና ፓላና፤ ዳንዳዳ ኔ ሂፃ ዳንላ» ያገሲ። ኢካ ኤሌሲዲ ዳንዲ ኤቁስ። 35 ሊዳኒኔ ሳርናን ዳዒያ ኣሳ ኡባይ ኤኒያ ቤዒዲ፡ ጎዳኮ ሲሚደሶና።

36 ዮጴ ካታማን ኢሲ ፃቢቶ ጊያ አማኒያራ ዳዓዉሱ። (ፃቢቶ ጉሳይ ጌንዔ ጉሱ) ኢያ ባ ዳዒዳ ዋዴ ኡባን ሎፖባ ኦሳሼኔ ማንቆታ ማዳሼ ዳዓሱ። 37 ሄ ዋዴ ኢያ ሃርጋዳ ሃይቁን፣ አሳይ ኢ አሃ ሜጨዲ፣ ፖቁያ ቦላ ከሱዲ ዚንዒሲዶሶና። 38 ሊዲ ዮጴሰ ማታ። አማኔይሳቲ ጳዳርሲ ሊዳን ዳዔይሳ ሲዒዲ፣ «ሃያና ኑኮ ኤሌሳዳ ያ» ያጊያ ኪታ ናምዑ አሳታ ቦላ ኢያኮ ከቲዶሶና።

39 ሄሳ ጊሾ፣ ጳዳርሲ ዳንዲዲ፣ ኤንታራ ቢሰ። ያ ጋኪን፣ ፖቁያ ቦላ ዳዒያ ከፊሊያ ኢያ ጌልሲዶሶና። አምዔቲ ጳዳርሳ ዩሹዋን ኤቁዲ ዩኪሼ ዶርቃ ኤንታራ ፓፃ ዳዓሼ ኦላዳ ቃሚሴታኔ አፊላታ ኡባ ጳዳርሳ ቤሲዶሶና። 40 ጳዳርሲ ኤንታ ኡባ ካሬ ከሱዲ፣ ጉልባቲዲ ያሳ ዋሲሰ። ቃሲ አሃኮ ሲሚዲ፣ «ፃቢቱ፣ ዳንዳ» ያጊሰ። ፃቢታ ባ አይፊያ ዶያዳ ጳዳርሳ ቤዓዳ፣ ዳንዳ ኡታሱ።

41 ጳዳርሲ ኢዮ ባ ኩሺያን ማዲዲ ዳንሏ ኤሲሰ። ሄሳፌ ጉዩ፣ አማኔይሳታኔ አምዔታ ፃጊዲ፣ ዳንዲዳር ኤንታ ሲንፍ ሺሺሰ።

42 ሃ ኦዳይ ዮጴ ካታማ ኡባ ጋኪሰ። ዳር አሳይ ጎዳ አማኒዶሶና። 43 ጳዳርሲ ዮጴን ሲሞና ጊያ ጋልባ ሃሼይሳ ሶን ዳር ጋላሰ ጋምዒሰ።

10

ጳዳርሳኔ ቆርኔሊዮሳ

1 ቂሳሪያን፣ «ፃሌ ኦላ አሳታ» ጌቲቲያ ኦላንቸታ ጊዶን ኢሲ ቆርኔሊዮሳ ጌቲቲያ ማቶ ሃላቃይ ዳዔሰ። 2 ቆርኔሊዮሲ ባ ሶ አሳራ ያሳ ሚንሏ አማኒያ አሲኔ ያሳ ጎይኒያ አሲ። አይሁዴ ማንቆታካ ዳር ማዴሰ፣ ቃሲ ያሳ ኡባ ዋዴ ዋሴሰ። 3 ኢሲ ጋላሰ ኡዲፋን ሳቲ ሄራን ያሳ ኪታንቸይ ኢያኮ ዩዲ፣ «ቆርኔሊዮሳ» ጊዲ ፃጊሺን ኢ ቆንጩላን ጌሺዲ ቤዒሰ።

4 ቆርኔሊዮሲ ዳጋሚዲ ኪታንቸዋ ቲሺ ኦላ ፃሊዲ፣ «ጎዳው፣ ኢ አይቤ?» ያጊሰ።

ኪታንቸይ ዛሪዲ፣ «ኔ ዋሳይኔ ማንቆታ ኔ ማዴይሲ ያሳ ሲንላን ሃሳዬቲሰ። 5 ሃዒ ዮጴ አሴ ኪታዳ፣ ጳዳርሳ ጊያ ሲሞና ኤሂሳ። 6 ጳዳርሲ አባ ዶናን ጋልባ ሃሺያ ሲሞና ሶን ኢማላቲሏ ሲራቲሰ» ያጊሰ።

7 ቆርኔሊዮሲ ባው ኦዲዳ ኪታንቸይ ቢን፣ ባ አይሌታፔ ናምዓታኔ ያሳ ጎይኒያ ባ ማታ ዋታዳሬታፔ ኢሱዋ ፃጊዲ፣ 8 ኤንታው ኡባባ ኦዲዲ ዮጴ ከቲሰ።

9 ዋንቴላ ጋላስ ኤንቲ ቢዲ፣ የጴ ካታማ ማቴሺን ኡሱፑን ሳቴ ሄራን ያሳ ዋሳናው ጴጋርሲ ፖቄ ቦላ ኬይሰ። 10 ኢ ኮሻቲዲ ካሊ ማናው ኮዩሰ፣ ሺን ካሊ ካዲሺን ኢ ቆንጩላ ቤዲሰ። 11 ሳሎይ ዶዩተን፣ ጌታ አፊላ ዳኒያባይ ኦይዲ ባጋራ ኦይኬቲዲ ዋዲሺን ኢ ቤዲሰ። 12 ኢያን ኦይዲ ቶሆራ ዳዲያ ሜሄቲ፣ ዋራ ዶዳቲ፣ ኡሎራ ጎሼቲያ ሜዴቴላቲኔ ሳሎ ካፎቲ ኡባይ ዳዔሰ። 13 ሄ ዋዴ «ጴጋርሳ፣ ዳንዳ ኤቃዳ ሹካዳ ማ» ጌያ ቃሊ ኢያኮ ዩሰ።

14 ሺን ጴጋርሲ፣ «ጎዳው፣ አካይ! ታ ቱናባ ኡባራካ ማ ኤሪኬ» ያጌሰ።

15 ቃሲ፣ «ዎሳይ ጌሺዳይሳ ኔኒ ቱና ጎፓ» ጌያ ቃሊ ናሞዳንላ ኢያኮ ዩሰ። 16 ሄሲካ፣ ሄሹ ቶሆ ሃኒዳፔ ጉዬ ሄ ጌታ አፊላ ዳኒይሲ ኤሌሲዲ ፑዴ ሳሎ ኤኬቲሰ።

17 ጴጋርሲ ባ ቤዲዳ ቆንጩላ ቢርሼላይ፣ «አይ ጌዳንዴሻ?» ጌዲ ባ ዋዛናን ቆፒሺን፣ ቆርኔሊዮሲ ከቲዳ አሳቲ ሲሞና ሶ ኦይቺ ዳሚዲ ካሬን ኤቂዶሶና። 18 ባንታ ቃላ ቶቄ ኦሊዲ፣ «ጴጋርሳ ጌያ ሲሞኒ ኢማላቴላን ዳዔይ ሃይሳኔ?» ያጌዲ ኦይቺዶሶና።

19 ጴጋርሲ ቆንጩላን ቤዲዳባ ቆፋ ቦላ ዳዲሺን፣ ጌሻ አያኒ ኢያኮ፣ «ሄኮ፣ ሄሹ አሳቲ ኔና ኮዮሶና። 20 ዳንዳዳ ዋዳ፣ ታኒ ኤንታ ከቲዳ ገሾ ሲዶና ኤንታራ ባ» ያጌሰ።

21 ጴጋርሲ አሳታኮ ዋዲዲ፣ «ሂንቴ ኮዬይ ታና፤ አይሰ ዩዳቲ?» ያጌሰ።

22 ኤንቲ ዛሪዲ፣ «ኑና ማቶ ሃላቃይ ቆርኔሊዮሲ ከቲሰ። ኢ ያሎ፣ ያሳ ጎይኒያ አሲኔ አይሁዴ አሳ ኡባን ዳር ቦንቼቲዳ አሲ። ቆርኔሊዮሲ፣ ኔና ባ ሶ ኤሂሲዲ ቃላ ኔፔ ሲዳና ሜላ ጌሻ ከታንቸይ ኢያው ኦዲሰ» ያጌዶሶና። 23 ጴጋርሲ አሳታ ሶ ጌልሲዲ ሞኪሰ።

ዋንቴላ ጋላስ፣ ዳንዲዲ ኤንታራ ቢሰ። የጴ ካታማን ዳዲያ አማኔይሳታፔ ኢሶቲ ኢሶቲ ኢያራ ኢሲፌ ቢዶሶና። 24 ዋንቴላ ጋላስ፣ ቁሳሪያ ጋኪዶሶና። ቆርኔሊዮሲ ባ ዳቦታኔ ባ ማታ ላጌታ ኢሲፌ ያጌ ሺሺዲ፣ ጴጋርሳ ናጌሰ። 25 ጴጋርሲ ሶ ጌላና ሃኒሺን፣ ቆርኔሊዮሲ ኢያራ ጋሄቲዲ ኢያ ሲንላን ኩንዲዲ ኢያው ጎይናናው ኮዩሰ። 26 ሺን ጴጋርሲ፣ «ዳንዳ፣ ታካ ታ ሁዔን ኔ ሜላ አሲ» ያጌዲ ኢያ ዳንሳሰ።

27 ጴጋርሲ ቆርኔሊዮሳራ ኦዳቲሼ ሶ ጌሊያ ዋዴ ዳር አሳይ ሸቁዳይሳ ዳሚሰ። 28 ኢ አሳኮ፣ «አይሁዴ አሲ ሃራ ዳሬራ ኢሲፋናው ዋይኮ ጋሄታናው ዋጋ ጌዶናይሳ ሂንቴ ኤሬታ። ሺን

ታኒ ኦናካ ቱና ዋይኮ ጌሺ ጊዳና ጎና ሜላ ያሳይ ታና ቤሲስ።
29 ሄሳ ጊሾ፣ ሂንቲ ታኮ ከቲን ኢያይ ባይና ያስ። ሃዲ ታና ኣይሰ
ፃጊሲዳኮ ታው ኦዲቲ» ያጊሰ።

30 ቆርኔሊዮሲ፣ «ታኒ ሃቺ ኦይዲ ጋላሳፔ ካሴ ሃኖዴ ኡዲፋን
ሳቲ ዋሳ ዋሲሺን፣ ጰሊያ ማፖ ማዒዳ ኣሲ ታ ሲንፋን ኤቁስ።
31 ኢ ታኮ፣ «ቆርኔሊዮሳ፣ ያሳይ ኔ ዋሳ ሲዒስ፣ ኔኒ ማንቆታ
ማዲዳይሳካ ሃሳይስ። 32 ሂዛ፣ ኣሴ ዮጴ ኪታዳ፣ ሲሞን ጳዒርሳ
ጌይሳ ፃጊሳ። ኢ፣ ሲሞና ጊያ ጋልባ ሃሺያ ኡራ ሶን ኣባ ዶናን
ሲራቲስ» ያጊሰ። 33 ሄሳ ጊሾ፣ ታኒ ኔኮ ኤሌሳዳ ኪታስ፤ ኔ ሎፖ
ያዳሳ። ሂዛ፣ ያሳይ ኔና ከቲዳባ ኡባ ሲዓናው ሃዲ ኑኒ ኡባይ
ሃይሳን ጎዳ ሲንፋን ዳዖስ» ያጊሰ።

ጳዒርሳ ሃሳያ

34 ካሊዲካ፣ ጳዒርሲ፣ «ያሳይ ኣሳ ሶሞፖ ቤዒዲ ኣሴ ኣሳፔ
ሻኬና። 35 ሺን ኣሴ ኡባ ኦና ጊዲኮካ ባው ያዬይሳኔ ዓሎ ኦሶ
ኦሌይሳን ያሳይ ኡፋይቲይሳ ታኒ ቱማ ኣኮካስ። 36 ያሳይ፣ ኡባ
ጎዳ ጊዲዳ ዬሱስ ከሪስቶሳ ባጋራ ሳሮቱፋ ኦዲሼ ሃ ዋንጌላ
ኢስራዔሌ ኣሳስ ከቲዳይሳ ሂንቲ ኤሬታ። 37 ዮሂሲ ዊንቃቲባ
ጋለላን ሳባኪዳ ዋዲያፔ ዶሚዲ ዪሁዳ ቢታ ኡባ ጋካናው
ሃኒዳባ ሂንቲ ኤሬታ። 38 ያሳይ ናዚሬቲ ዬሱሳስ ጌሻ ኣያናኔ
ዋልቃ ኣሚስ። ያሳይ ኢያራ ዳዒያ ጊሾ ሎፖባ ኢ ኦሊሼ ዓላሄ
ኩሺን ሃሬቲዳ ኡባ ፓሊሼ ዩዩስ።

39 «ኣይሁዴ ቢታኒኔ ዬራሳላሚን ኢ ኦሊዳ ኡባባስ ኑኒ
ማርካታ። ኤንቲ ማስቃሊያ ቦላ ካቁዲ ኢያ ዋዲዳሶና። 40 ሺን
ያሳይ ሄቫንፉ ጋላሳን ሃይቆፔ ኢያ ዳንሳዲ ኣሳስ ቆንጫና ሜላ
ኦሊስ። 41 ሄ ቆንጫላይ ያሳይ ኮይሮ ዶሪዳ ማርካታሳፊ ኣቲን
ኣሳ ኡባስ ጊዳና። ኢ ሃይቆፔ ዳንዲዳፔ ጉዬ ኢያራ ሚዳኔ
ኡዩዳ። 42 ኑኒ ዋንጌላ ኣሳስ ኦዳና ሜላኔ ፓፓ ዳዔይሳታ ቦላኔ
ሃይቆዳይሳታ ቦላ ፐርዳናው ያሳይ ሹሚዳይ ዬሱሳ ጊዳይሳ
ማርካታና ሜላ ኑና ከቲስ። 43 ያሳይ ኢያ ኣማኒያ ኡባ ናጋራይ፣
ኢያ ሱንፋን ኣቶ ጌቲይይሳ ናቤቲ ማርካቶሶና» ያጊሰ።

ኣይሁዴ ጊዳና ኣሳቲ ኣማኒዲ ጌሻ ኣያና ኤኪዳሶና

44 ጳዒርሲ ቡር ሄ ኦዳ ኦንጎናሺን ቃላ ሲዒያ ኡባ ቦላ
ጌሻ ኣያኒ ዋዲስ። 45 ጳዒርሳራ ዮጴፊ ዩዳ ኣማኒያ ቃዓሬቲዳ
ኣይሁዴ ኡባይ፣ ኣይሁዴ ጊዳናይሳታ ቦላ ጌሻ ኣያኒ ጉኪዳ ጊሾ

ማላለቲዶሶና። 46 ጋሶይካ፣ ኤንቲ ዱማ ዱማ ዶናን ሃሳዪሺኒኔ ያሳ ጌታቴላ ሳቢሺን ሲዒዶሶና።

ሄ ዎዴ ጳጳርሲ ዛሪዲ፣ 47 «ሃይሳቲ ቃሲ ኑ ማላ ጌሻ ኣያና ኤኪዳይሳቲ ፃማቄቶና ማላ ሃሌ ዲጋናይ ኦኔ?» ያጊሰ። 48 ኤንቲ ዩሱስ ኪሪሰቶሳ ሱንጎን ፃማቄታና ማላ ኤንታ ኪቲሰ። ሄሳፌ ጉዩ፣ ኤንቲ ባንታራ ጉላ ጋላስ ኡታና ማላ ጳጳርሳ ዎሲዶሶና።

11

ጳጳርሲ ባ ኦሊዳባ ዩሩሳሌም ዎሳ ኬላስ ኦዲሰ

1 ሃዋሪቲኔ ዩሁዳ ኡባን ዴዒያ ኣማኔይሳቲ፣ ኣይሁዴ ጊዶናይሳቲካ ያሳ ቃላ ኤኪዳይሳ ሲዒዶሶና። 2 ጳጳርሲ ዩሩሳሌም ቢዳ ዎዴ ቃፃሬቲዳ ኣማኔይሳቲ፣ 3 ኢያኮ፣ «ኔኒ ቃፃሬቲቦናይሳታኮ ጌላዳ ኤንታራ ካሊ ኣይሰ ማዲ?» ያጊዶሶና።

4 ሺን ጳጳርሲ ሃኒዳባ ኮይሮፔ ዶሚዲ ማራን ማራን ኦዲሰ። 5 «ታኒ ዮጴ ካታማን ያሳ ዎሳሼ ቆንጩሊ ቤዓሰ። ጌታ ኣፊላ ዳኒያባይ ኦይዱ ባጋራ ኦይኬቲዲ ሳሎፔ ዎጲሼ ታኮ ዩሰ። 6 ታኒ ቲሺ ኦላ ኢያ ጊዶ ያሊያ ዎዴ ኦይዱ ቶሆራ ዴዒያ ማሃታ፣ ዎራ ዶዓታ፣ ኡሎራ ጎሼቲያ ማጴቴላታኔ ሳሎ ካፎታ ቤዓሰ። 7 «ጳጳርሳ፣ ዴንዳ፣ ሹካዳ ማ» ጊያ ቃላ ሲዓሰ።

8 «ሺን ታኒ፣ ሳዳው፣ ኣካይ፣ ቴናባይ ዎይኮ ጌዮናባይ ኡባካ ታ ዶናኮ ሸቄ ኤሬና» ያጋሰ።

9 « ሳሳይ ጌሺዳይሳ ኔኒ ቴና ጎጋ» ያጊያ ቃሊ ናሞዓንሉ ሳሎፔ ዩሰ።

10 «ሄሲ ሄሹ ቶሆ ሃኒን፣ ዉርሴላን ኡባባይ ሳሎ ፑዴ ኤኬቲሰ። 11 ሄ ሳቲንካ ሄሹ ኣሳቲ ቁሳሪያፔ ታኮ ኪቲቲዲ ታኒ ዴዒያ ኬላ ጋኪ ኣጊዶሶና። 12 ሲጶና ኤንታራ ባና ማላ ኣያናኢ ታው ኦዲሰ። ቃሲ ሃ ኡሱፑን ኣሻቲ ዮጴፌ ታራ ቁሳሪያ ቢዳይሳታራ ቆርኔሊዮሳ ሶ ጌሊዳ። 13 ኪታንቾይ ኢያ ሶን ኤቂዲ፣ «ዮጴ ኪታዳ ጳጳርሳ ጌቲቲያ ሲሞና ያጊሳ። 14 ኔናኔ ኔ ሶ ኣሳ ኡባ ኣሺያ ቃላ ኢ ኔው ኦዳና» ጊዳይሳ ቆርኔሊዮሰ ኦሰ ኦዲሰ።

15 «ታኒ ሃሳያ ዶሚያ ዎዴ ጌሻ ኣያናይ ኮይሮ ኑ ቦላ ዎጲዳይሳዳ ኤንታ ቦላካ ዎጲ ኣጊሰ። 16 ሄ ዎዴ «ዮሃኒሲ ሃላን ፃማቂሰ፣ ሺን ሂንቲ ጌሻ ኣያናን ፃማቄታና» ያጊዳ ጎዳ ቃላይ ታው ቆፊቲሰ። 17 ያሳይ ኦሰ ጎዳ ዩሱስ ኪሪሰቶሳ ኣማኒዳይሳታሰ

አሚዳ አሞታ አይሁዳ ጊደናይሳታሰካ አሚኮ፣ ያቲን ያሳ ዲጋናው ታኒ ኦኔ?» ያገሰ።

18 ኤንቲ ሄሳ ሲዒዳ ዋዴ ባንታ ፓላማ አገዲ፣ «ሄሳ ገዲኮ፣ ያሳይ አይሁዳ ጊደናይሳቲካ ናጋራፔ ሲሚዲ ዴዎን ዳናዳ ቃዳ አሚሰ» ያገዲ ያሳ ጋላቲዶሶና።

አንጾኪያ ዋሳ ኬፋ

19 ኢሰዊፋናሴ ሃይቆስ ጋሊዳ ጎዳ ጋሶን ላሌቲዳ አማኔይሳቲ ቃላ አይሁዳታ ፃላላሰ ኦዲሼ ሲሮሬንቄ፣ ቆጶሮሳኔ አንጾኪያ ጋካናው ዩዩዶሶና። 20 ሸን ቆጶሮሳፔኔ ቁሬናፔ ዩዳ ኢሲ ኢሲ አማኒያ አሳቲ አንጾኪያ ቢዲ፣ ጎዳ ዬሱሳ ዋንጌላ ገሪኬ አሳሰካ ኦዲዶሶና። 21 ጎዳ ዋልቃይ ኤንታራ ዴዔስ፤ ቃሲ ዳሮ አሳይ አማኒዲ ጎዳኮ ሲሚዶሶና።

22 ሄ ኦዳ ዬሩሳላሚን ዴዒያ ዋሳ ኬፋይ ሲዒዳ ገሾ ባርናባሳ አንጾኪያ ከቲሰ። 23 ባርናባሲ አንጾኪያ ቢዳ ዋዴ ያሳ አጾ ኬሃቴፋ ኦሱዋ ቤዒዲ ኡፋይቲሰ። ኤንቲ ኡባይ ባንታ ኩሜፋ ዋዛናን ጎዳን ሚኒዲ ዳና ሜላ ኤንታ ዞሪሰ። 24 ባርናባሲ ጌሻ አያናይኔ አማናይ ኩሚዳ ሎዎ ኢሲ ገዲያ ገሾ ዳሮ አሳይ ጎዳ አማኒዶሶና።

25 ሄሳሬ ጉዬ፣ ባርናባሲ ሳዎላ ኮያናው ቱርሴሴ ቢሰ። 26 ያን ሳዎላ ዴሚዳ ዋዴ አንጾኪያ ኤኪዲ ዩሰ። ባርናባሲኔ ሳዎላ ዋሳ ኬፋ አሳራ ላይላ ኩሜላ ኡቲዲ ዳሮ አሳ ታማርሲዶሶና። አማኔይሳቲ አንጾኪያን «ከሪሰታኔ» ጌቲቲዲ ኮይሮ ያጌቲዶሶና።

27 ሄ ዋዴ ኢሲ ኢሲ ናቤቲ ዬሩሳላሚፔ አንጾኪያ ዋዲዶሶና። 28 ኤንታ ገደሬ አጋቦሳ ጌይሲ ዴንዲዲ ቢታ ኡባን ገታ ኮሺ ኬያናይሳ አያና ዋልቃን ቲንቢቲ ኦዲሰ። ሄሲ ሃኒዳይ ሮሜ ካዉዋ ቃላዉዲዮሳ ዋዴና። 29 አማኔይሳቲ ሁዒን ሁዒን ባንታ ዋልቃ ሜላ ሚሼ ኬሲዲ ዩሁዳን ዴዒያ አማኔይሳታሰ ማዴ ዬዳናው ቆፋ ቃቺዶሶና። 30 ኤንቲ ሄሳዳ ኦሊዲ፣ ሚሺያ ባርናባሳ ቦላኔ ሳዎላ ቦላ ዋሳ ኬፋ ጨማታሰ ዬዲዶሶና።

12

ዋሳ ኬፋ ቦላ ዋልቃማ ጎዲ ጋኪሰ

11:19 ሃ.ኦ 8:1-4 11:28 ሃ.ኦ 21:10

1 ሄ ዎዴ ካዎይ ሄሮዲሲ * ዋሳ ኬላ አሳፔ ባጋ ጎዳ ደሚሰ። 2 ዮሃንሳ አሻ ያይቆባ ማሻን ዎቋሲሰ። 3 ሄሲ አይሁዳታ ኡፋይሲዳይሳ ቤዒዲ፣ ጉጂዲ ጳዊርሳካ ኦይሊሰ። ሄሲ ሃኒዳይ ፓሲካ ባሌ ቦንቹያ ጋላሳታና። 4 ጳዊርሳ ኦይኪዲ ቃቹሰ። ፓሲካ ቦንቹያ ጋላሳታፔ ጉዬ ዳሪያ ሲንሌ አላናው ቆፒዲ፣ ኦይዲ ኦይዲ ዎታዳሬቲ ኢያ ናጋና ሜላ ታማኔ ኡሱፑን ዎታዳሬታሰ አሌ አሚሰ። 5 ሄሳ ጊሾ፣ ጳዊርሲ ቃሾ ኬላን ናጌቲሰ። ሺን ዎሳ ኬላ አሳይ ኢያው ሚንሊዲ ያሳ ዎሶሶና።

ኪታንቹይ ጳዊርሳ ቃሾ ኬላፊ ኬሲሰ

6 ሄሮዲሲ ጳዊርሳ አሳ ሲንሌ ሺሻናፔ ካሴ ቃማ ጳዊርሲ ናምዑ ባጋራ ናምዑ ዎታዳሬታራ ሳንላላታን ቃሾቲዲ ኤንታ ጊደን ቋሰኪሰ። ናጌይሳቲ ቃሾ ኬላ ፔንጌታን ኤቁዲ ናጎሶና። 7 አኬኮና ዳዒሺን ጎዳ ኪታንቹይ ቆንጨሰ። ቃሾ ኬላን ፖይይ ፖዒሰ። ኪታንቹይ ጳዊርሳ ሚያ ቦቹ ባርኪሲዲ፣ «ኤሌ ዳንዳ» ያጊሰ። ኢራካ ሳንላላታይ ኢያ ኩሺያፔ ዎቋ አጊሰ። 8 ኪታንቹይ ኢያኮ፣ «ኔ ማዑዎ ማዓ፣ ኔ ጫማካ አላ» ያጊሰ። ጳዊርሲ ሄሳዳ ኦሊሰ፤ ኪታንቹይ፣ «ኔ ላፃና ማዓዳ ታና ካላ» ያጊሰ።

9 ጳዊርሲ ቃሾ ኬላፊ ኬዪዲ ኪታንቹዎ ካሊሰ። ኢያው ቆንጨፍሊ ቤዒያባ ዳኒሲፔ ኦቲን ኪታንቹይ ኦሊያባይ ቱማ ዳኒቤና። 10 ኪታንቹይኔ ጳዊርሲ ኮይሩዎኔ ናምዓንሉ ዎታዳሪያ አቋዲ ካታማ ኤፊያ ቢራታ ፔንጊያኮ ጋኪደሶና። ፔንጌይ ኤንታው ባርካ ደዬቲ አጊሰ። ኤንቲ ኬዪዲ ኢሲ ኦጊያራ ቢሺን ኪታንቹይ አኬኮና ጳዊርሳፔ ሻኬቲ አጊሰ።

11 ጳዊርሳሰ ዎዛኒ ሲሚን፣ «ታና ጎዳይ ባ ኪታንቹዎ ከቲዲ፣ ሄሮዲሳ ኩሺፔኔ ናጊዲ ኡቲዳ አይሁዳ አሳ ኡባፊ አሺዳይሳ ሃዒ ቱማ ኤራሰ» ያጊሰ።

12 ኢ ሄሳ አኬኪዳ ዎዴ ዳሮ አሳይ ኢሲፊ ሸቁዲ ያሳ ዎሲያ ቤሳ፣ ማርቆሳ ጊያ ዮሃንሳ አዬ ማይራሚ ሶ ቢሰ። 13 ያን ካሬን ኤቁዲ ያጊሰ። ኢሲ ሮዳ ጊያ ኦሳንቹያ ፔንጊያ ዳያናው ያሱ። 14 ሮዳ ጳዊርሳ ቃላ ጊዲዳይሳ ኤሪዳ ዎዴ ኡፋይሳን ኩማዳ ካሪያ ደዬና ጉዬ ዎፃ ባዳ፣ «ጳዊርሲ ካሬን ኤቁሰ» ያጋዳ አሳሰ ኦዳሱ።

* 12:1 ካዎይ ሄሮዲሲ፣ ሃይሲ ካዎይ ሄሮዲሲ፣ ሄሮዲሳ አገርጳ ጊያ ኮይሩዎ። ኢ፣ 37-44 ማርቆሳ ላይላ ጋካናው ሃሪሰ። ኢ ካወዋ ሄሮዲሳሰ ናዓ ናዓ 12:4 ኬላ 12:1-27

15 አሳይ አኮ፡ «ኔኒ ጎያይ!» ያጊደሶና። ሮዳ ጳጳሮሳ ጊዲዳይሳ ገሻዳ ኦዳሱ። ኤንቲ፡ «ሄሲ አያ ናጊያ ኪታንቹዋ» ያጊደሶና።

16 ሺን ጳጳሮሲ ካሬን ኤቁዲ ጭዲ አጎና አዲን አሳይ ካሪያ ዶዩዲ አያ ቤዒዲ ማላሌቲደሶና። 17 ሺን ኤንቲ ሲዒ ጋና ማላ ጳጳሮሲ ባ ኩሺያን ማሊዲ ጎዳይ ቃሾ ከላፌ አያ ዋቲ ከሲዳኮ ኤንታው ቆንጨሲ ኦዲዲ፡ «ሃይሳ ያይቆባሲኔ አማኒያ አሳታሰ ኦዲቲ» ጊዲ ያፔ ከዩዲ ሃራሶ ቢሰ።

18 ሳዒ ዋንቲያ ዋዴ «ጳጳሮሲ አው ቢዴ» ጊዲ ዋታዳሬቲ ዋሊ ጊደን ዳሮ ካጨደሶና። 19 ሄሮዲሲ ጳጳሮሳ ኮዩሲን፡ ኢ ቆዩዳ ዋዴ ናጌይሳታ ቆሪዲ፡ ኤንታ ዋቆና ማላ ከቲሰ። ሄሳፌ ጉዬ፡ ሄሮዲሲ ዪሁዳፔ ቁሳሪያ ዋቋዲ ያን ጉላ ዋዴ ኡቲሰ።

ሄሮዲሳ ሃይቁዋ

20 ሄሮዲሲ ጃሮሳ አሳ ቦላኔ ሲደና አሳ ቦላ ዳሮ ሃንቁቲሰ። ኤንታ ቢታይ ካሌ ሄሮዲሳ ቢታፌ ዴሚያ ጊሾ ኤንቲ አሲፌ ጊዲዲ አያ ዋሪና ቢላሰጻሳ ባንታው ጨማ ኦሌዲ ጊጋናው ሄሮዲሳኮ ቢደሶና።

21 ሄሮዲሲ ሱንሌዳ ጋላሳን ባ ካዋቲላ አፊላ ማዒዲ፡ አራታ ቦላ ኡቲዲ አሳሰ ኦዲሰ። 22 አሳይ፡ «ሄሲ ጻሳ ቃላ፡ አሳ ቃላ ጊዳና» ያጊዲ ዋሲደሶና። 23 ሄሮዲሲ ጻሳ ቦንቹቦና ጊሾ ኢራካ ጎዳ ኪታንቹይ አያ ዴቹን ጉፁኔን ማቴቲዲ ሃይቁሰ።

24 ሺን ጻሳ ቃላይ ዲጨሽኔ ዳልጊሽ ቤሰ።

25 ባርናባሲኔ ሳያሊ ባንታ ኦሱዋ ፖሊዲ ማርቆሳ ጊያ ዮሃኒሳ ባንታራ ኤኪዲ ዬሩሳላሜፔ ሲሚደሶና።

13

ባርናባሲኔ ሳያሊ ከቲቲደሶና

1 አንጾኪያን ዴዒያ ዋሳ ከላን ናቤቲኔ አሰታማሬቲ ዴዎሶና። ኤንቲ ባርናባሳ፡ ካሬሌ ጌቲቲያ ሲሞና፡ ቁሪናፔ ዪዳ ሉኪዮሳ፡ ካወዋ ሄሮዲሳራ ዲጨዳ ሚናሄኔ ሳያላ። 2 ኤንቲ ጎዳ ጎይኒሺኒኔ ያሚሽን ገሻ አያናይ፡ «ታኒ ጭዳ ኦሱዋሰ ባርናባሳኔ ሳያላ ታው ዲማዩቲ» ያጊሰ።

3 ሄሳ ጊሾ፡ ኤንቲ ያሚዳፔኔ ዋሲዳፔ ጉዬ ባንታ ኩሺያ ኤንታ ቦላ ዋሌዲ ዬዲደሶና።

ባርናባሲኔ ሳያሊ ቆጶሮሳ ቢደሶና

4 ሄሳ ገሸ፡ ገሻ አያሌ ከንታ ከተሰ። ሴሌወቄ ቢደሰና፤ ያፔ ማርባቤን ገሌዲ ቆጶሮሳ ሃላን ቴቄተዳ ቢታ ቢደሰና። 5 ኤንቲ ሲልማና ጋኪዲ አይሁዳ ዋሳ ከላታን ያሳ ቃላ ኦዲደሰና። የሃሊሲ * ማዲሼ ከንታራ ዳዕስ።

6 ኤንቲ ቆጶሮሳ ሃላን ቴቄተዳ ቢታ ካንሉዲ ጳፉ ጋኪያ ዋዳ ኢሲ ዋርዳንቸ ናቢያ ባር-ዩሱሳ ጊያ አይሁዳ ማሩዋ ዳሚደሰና።

7 ሄ ማርይ ዳሪያ አይሲያ ሳርጊዮስ ጳውሎሳ ጊያ አከካንቸ አዲያራ ዳዕስ። ሳርጊዮስ ጳውሎሲ ባርናባሳኔ ሳያላ ባኮ ያጊዲ ያሳ ቃላ ሲዓናው ኮዩስ። 8 ሺን ጊሪኬ ዶናን ማሩዋ ሱንላይ «ኤልማሳ» ጌቲቲስ። ኢ ዳሪያ ሃሪይሲ አማናና ሜላ ዲጋናው ኮዩዲ ባርናባሳኔ ጳውሎሳራ ኤቄተስ።

9 ሺን ጳውሎሳ ጊያ ሳያሊ ገሻ አያናን ኩሚዲ ማሩዋ ጫዲ ያሊዲ፣ 10 «ላ፣ ያላሄ ናዓው፣ ኢታቲሉ ኡባይ ኩሚዲይሶ፣ ያሎቴላ ኡባስ ዋርኪያው፣ ሱሬ ጎዳ ኦጊያ ሚርቄይሳ ኣገኪ? 11 ሄኮ፣ ሃዲ ጎዳ ኩሼይ ኔ ቦላ ዳዕስ። ኔኒ ቆቄ ጊዳና፤ ጉላ ዋዳስ አዋ ፖያ ቤዓካ» ያገሰ።

ኢራ ጫጋናይኔ ጳማይ ኢያ አይፊያ ጎዘን፣ ባ ኩሺያ ኦይኪዲ ካሌሌያ አሲ ኮዩሼ ዩዩስ። 12 ዳሪያ ሃሪይሲ ሄሳ ቤዒዳ ዋዳ ጎዳባ ታማርሴይሳን ማላሌቲዲ አማኒስ።

ባርናባሳኔ ጳውሎሲ ጲሲዲያ አንጾኪያ ቢደሰና

13 ጳውሎሳኔ ኢያራ ዳዕይሳቲ ጳፉፔ ዳንዲዲ፣ ጲንፊሊያን ዳዒያ ጳርጌ ማርባቤራ ቢደሰና። የሃሊሲ ከንታፊ ቫኬቲዲ ዩሩሳላሜ ሲሚስ። 14 ሺን ኤንቲ ጳርጌፊ አዲዲ ጲሲዲያን ዳዒያ አንጾኪያ ጋኪደሰና። ሳምባታ ጋላስ አይሁዳ ዋሳ ከሌ ገሌዲ ኡቲደሰና። 15 ሙሴ ሂጌይኔ ናቤታ ማፃፋይ ናባቤቲዳፔ ጉዩ አይሁዳ ዋሳ ከላ ሃላቃቲ፣ «ኑ ኢሻቶ፣ አሳ ሚንሌሌያ ቃሊ ሂንቲው ዳዒያኮ አሳስ ኦዳርኬቲ» ያገዲ ከንታኮ ከቲደሰና።

16 ጳውሎሲ ዳንዲ ኤቄዲ ባ ኩሼ ማሊዲ፣ «ኢሰራዔሌ አሳታው፣ ቃሲ ያሳ ጎይኒያ አይሁዳ ጊደና አሳው፣ ሲዒቲ። 17 ሃ ኢሰራዔሌ አሳ ያሳይ፣ ኑ ማይዛታ ዶሪስ። ጊብፄ ቢታን አማላቴላን ኤንቲ ዳዒሺን፣ ኤንታ ዳርሲዲ ባ ጊታ ዋልቃን ጊብፄ ቢታፊ ኤንታ ኬሲስ። 18 ባዞ ቢታን ኦይታው ላይላ ሜላ ኤንታ ዳንዳዒስ። 19 ካናኔ ቢታን አይሁዳ ጊደና ላፑን

* 13:5 የሃሊሲ፡ ሃ ቤሳን ያፊቲዳ የሃሊሲ፡ ሃዋሪያ የሃሊሳ ጊደናሺን የሃሊሲ ማርቆሳ ጌቲቲያ ማርቆሳ ዋንጌላ ያፊዳይሳ። 13:17 ከሳ 1:7፤ ከሳ 12:51 13:18 ታይ 14:34፤ ዛሬ 1:31

ካዎቱላታ ዲጊዲ ኤንታ ቢታ ባ አሳ ላቲሲስ። 20 ሄሳፌ ጉዬ፥
 ናቢያ ሳሙዔል ዋዴ ጋካናው ኦይዲ ጭታኔ አሻታሙ ላይላ
 ሜላ አይሲያ ዳይናታ ኤንታው ኢሚስ። 21 ሄሳፌ ጉዬ፥ ኤንቲ
 ባንታው ካዎ ኢማና ሜላ ዋሲን፥ ያሳይ ቢኒያሜ ሼሻፕ ዊሴ
 ናዓ፥ ሳዖላ ኦይታሙ ላይላ ካዎታና ሜላ ኤንታው ኢሚስ።
 22 ያሳይ ሳዖላ ሻሪዳፔ ጉዬ ኤንታ ቦላ ዳዊቲ ካዎሊስ። ያሳይ
 ዳዊቲባ ማርካቲሼ፥ ታኒ ኮያ ኡባ ታ ዎዛና ሜላ ኦሊያ ኢሴዬ
 ናዓ ዳዊቲ ዴማስ) ያገሰ።

23 «ያሳይ፥ ታኒ ዳዊቲ ሼሻፕ ኢሰራዔሌ ዴሪያ አሼይሳ ኤሃና
 ጊዳይሳ ሜላ ዬሱሳ ኤሂስ። 24 ዬሱሲ ያናፔ ሲንሐ ኢሰራዔሌ
 አሳ ኡባይ ባንታ ናጋራፔ ሲሚዲ ፃማቂታና ሜላ ዮሃኒሲ ቃላ
 ኦዲስ። 25 ቃሲ ዮሃኒሲ ባ ኦሱዋ ወርሳና ሃኒሼ አሳኮ፥ ታና
 ኦና ጊዲ ቆፔቲ? ታኒ ሂንቲ ናጊያ ኪሪስቶሳ ጊዲኬ፥ ሺን ታኒ
 ኢያ ጫማ ቢርሻናው ታው ቤሶናይሲ ታፔ ጉዬራ ዬስ) ያገሰ።

26 «አሻቶ፥ አብራሃሜ ሼሻቶ፥ ቃሲ ሃይሳን አይሁዴ ጊደናሺን
 ያሳስ ያዬይሳቶ፥ ሃ አቶቱላ ቃላይ ኮስ ከቲቲስ። 27 አይስ
 ጊኮ፥ ዬሩሳላሜን ዴዲያ አሳይኔ ኤንታ ሃላቃቲ ዬሱሳ ኤሪቦኮና።
 ሳምባታ ኡባን ናባቤቲያ ናቤታ ቃላ አኮኪቦና ጊሽ ኢያ ቦላ
 ፐርዲዲ ናቤቲ ኦዲዳ ቃላ ፖሊደሶና። 28 ዬሱሳ ዎዲሳናው ኢሲ
 ጋሶይካ ቆዩን ጲላዖሲ ኢያ ዎዳና ሜላ ዋሲደሶና። 29 ኤንቲ
 ዬሱሳባይ ጌሻ ማፃፋን ፃፌቲዳባ ኡባ ፖሊዳ ዎዴ ማስቃሊያፔ
 ኢያ ዎዲሲዲ ሞጊደሶና። 30 ሺን ያሳይ ሃይቆፔ ዬሱሳ ዴንሊስ።
 31 ሄሳፌ ጉዬ፥ ኢ ባራ ጋሊላፔ ዬሩሳላሜ ዬዳይሳታስ ዳር ቶሆ
 ቤንቲስ። ኤንቲ ሃዒ ኢያባ አሳስ ማርካቶሶና።

32 «ያሳይ ኦ አዎታስ ኢማና ጊዳ ዎንጌላ ኦኒ ሂንቲው ኦደስ።
 33 ዳዊቲይ ባ ማዝሙራ ማፃፋን ናምዓንሖ ሸምፑዋን፥

ኦኔ፥ ታ ናዓ፥
 ታኒ ሃቺ ኔና ዬላስ)

13:19	ዛሬ 7:1፤ ኢያ 14:1	13:20	ዛሬ 2:16፤ 1ሳሙ 3:20	13:21	
	1ሳሙ 8:5፤ 10:21	13:22	1ሳሙ 13:14፤ 16:12፤ ማዝ 89:20	13:24	
	ማር 1:4፤ ሉቃ 3:3	13:25	ማቶ 3:11፤ ማር 1:7፤ ሉቃ 3:16፤ ዮሃ 1:20፤		
27	13:28	ማቶ 27:22-23፤ ማር 15:13-14፤ ሉቃ 23:21-23፤ ዮሃ 19:15			
	13:29	ማቶ 27:57-61፤ ማር 15:42-47፤ ሉቃ 23:50-56፤ ዮሃ 19:38-42			
	13:31	ሃ.ኦ 1:3			

ጌቴቲዲ ፃፊቲዳ ዩሱሳ፣ ያሳይ ሃይቆፔ ዳንሊዲ ኑ ማይዛታስ ኢማና ጊዳይሳ ኑስ ኤንታ ናይታስ ፖሊስ። 34 ኢ ዋቆና ሜላ ያሳይ ሃይቆፔ ኢያ ዳንሶን ኤሪሳናው።

ታኒ ዳዊቲስ ኢማና ጊዳ

አማኔቲዳ ጌሻ አንጂዋ ሂንቲው ኢማና) ያጊዲ ኦዲስ።

35 ሄሳ ጊሾ፣ ማዘሙሬ ማፃፋን ሃራሶን ቃሲ።

ሴ ጌሻ ናዓ አሃ ዋቂሳካ) ያጌስ።

36 «ዳዊቲይ ባ ዎዳ ያሳ ቆፋ ፖሊዳፔ ጉዬ ሃይቂዲ ባ አዋታራ ሞጌቲዲ ዋቂስ። 37 ሺን ያሳይ ሃይቆፔ ዳንሊዳይሲ ዋቂቤና።

38 «ሄሳ ጊሾ፣ ታ ኢሻቶ፣ ናጋራ አቶቴላይ ዩሱሳ ባጋራ ካሴቲዲ ሂንቲው ኦዴቲዳይሳ ኤሪቲ። ሙሴ ሂጌይ ናጋራፔ ዒሊሳናው ዳንዳዔና። 39 ሺን ዩሱሳ አማኒያ ኡባይ ናጋራፔ ዒሊስ። 40 ሄሳ ጊሾ፣ ናቤቲ ጊዳይሲ ሂንቲ ቦላ ጋኮና ሜላ ናጌቲቲ።

41 «ያሳይ ጊዳባ ለቂሴይሳቶ! ቤዒቲ! ማላሌቲቲ! ቆዩቲ!

ኦኒካ ኦዲን፣ ሂንቲ አማናና ኦሱዋ

ታኒ ሂንቲ ዋዲያን ኦላና » ያጌስ።

42 ጳውሎሴኔ ባርናባሲ አይሁዴ ዎሳ ኩላፌ ኩዩሺን፣ ካሊያ ሳሞባታን ሄሳ ጉጂዲ ኦዲና ሜላ አሳይ ኤንታና ዎሲዶሶና።

43 ሺቆይ ላሌቲዳፔ ጉዬ ዳሮ አይሁዴቲኔ አይሁዴታ አማኑዋን ጌሊዲ ያሳ ጎይኒያ ዳሮቲ ጳውሎሳኔ ባርናባሳ ካሊዶሶና። አማኒዳይሳቲ ያሳ አቶ ኩሃቴላን ሚኒዲ ዳና ሜላ ኤንታ ዘሪዶሶና።

44 ካሊያ ሳሞባታን ካታማን ዴዒያ አሳፔ ዳሮቲ ያሳ ቃላ ሲዓናው ሸቂዶሶና። 45 ሺን አይሁዴቲ ዳሮ አሳ ቤዒዳ ዎዳ ጳውሎሳ ቃናቲዲ ኢያ ሃሳያ ኢዲዲ ኢያ ጫዩዶሶና።

46 ጳውሎሴኔ ባርናባሲ ያዮና፣ «ያሳ ቃላይ ኮይሮቲዲ ሂንቲው ኦዴታናው ኮሺስ። ሺን ሂንቲ ቃላ ኢዲዲ ሜሪና ዴቡዋ ኤካናው ኑስ ቤሴና ጊዲ ሂንቲ፣ ሂንቲ ሁዒን ፒርዲዳ ጊሾ ሂዛ ኑኒ አይሁዴ ጊዶናይሳታኮ ሲሞስ። 47 ጋሶይካ ጎዳይ፣

«አላሜ ኩሜላይ ኔ ባጋራ አታና ሜላ፣

ታኒ ኔና አይሁዴ ጊዶና ዴሪያስ ፖዎ ኦላስ) ያጊዲ ኑና ከቲስ» ያጌዶሶና።

48 አይሁዴ ጊዶናይሳቲ ሄሳ ሲዒዳ ዎዳ ኡፋይቲዲ ያሳ ቃላ ቦንቺዶሶና። ቃሲ ሜሪና ዴቡዋስ ዶሬቲዳ ኡባይ አማኒዶሶና።

13:33 ማዘ 2:7 13:34 ኢሳ 55:3 13:35 ማዘ 16:10 13:41 ኢብ 1:5 13:47 ኢሳ 42:6፤ 49:6

49 ጎዳ ቃላይ ሄ ቢታ ኡባ ጋኪሰ። 50 ሺን አይሁዳቲ፣ አይሁዳ ጊደና ያሴ ጎይኒያ ዱሬ ማጫሳታኔ ካታማን ዳዒያ ጊታ አሳታ ጳዉሎሳ ቦላኔ ባርናባሳ ቦላ ዳንጹሊደሶና። ሄ አሳቲ ኤንታ ጎዳ ደሚዲ ባንታ ቢታፊ ኬሲደሶና። 51 ሺን ጳዉሎሳራኔ ባርናባሳራ ኢዳይሳታሰ ማላ ጊደና ማላ ባንታ ቶሁዋፔ ባና ፒቲዲ ኢቆኒዮኔ ካታማ ቢደሶና። 52 ቃሲ አንዮኪያን ዳዒያ አማኔይሳቲ ጌሻ አያናኒኔ ኡፋይሳን ኩሚደሶና።

14

ጳዉሎሲኔ ባርናባሲ ኢቆኒዮኔ ቢደሶና

1 ካሴይሳዳካ፣ ጳዉሎሲኔ ባርናባሲ ኢቆኒዮኔን አይሁዳታ ዋሳ ኬሊ ጌሊዲ ዳሮ አይሁዳቲኔ አይሁዳ ጊደናይሳቲ አማናና ጋካናው ቃላ ኦዲደሶና። 2 ሺን አማኒቦና አይሁዳቲ፣ አይሁዳ ጊደናይሳታ ዋዛና ላሚዲ ኢሻታ ቦላ ዳንጹሊደሶና። 3 ሃዋሬቲ ያን ዳሮ ዋዳ ጋምዒደሶና። ኤንቲ ያዮና ጎዳባ ኦዲደሶና። ጎዳይ ማላታታኔ ኦራሳባ ኤንቲ ኦላና ማላ ኤንታው ማታ አሚዲ ባ አጼ ኬሃቴላ ቃላይ ቱማ ጊዳይሳ ቆንጨሲሰ። 4 ሺን ሄ ካታማ አሳይ ሻኬቲዲ፣ ባጋይ አይሁዳታራ ባጋይ ቃሲ ሃዋሬታራ ጊዲሰ።

5 አይሁዳ ጊደናይሳቲኔ አይሁዳቲ ባንታ ሃላቃታራ ኢሲፊ ጊዲዲ ሃዋሬታ ቆሃናውኔ ሹቻን ጫዳናው ኮዪደሶና። 6 ሃዋሬቲ ሄሳ ኤሪዲ፣ ሊሰዲራኔ ዳርቤ ጊያ ሊቃዖኒያ ካታማታኔ ኤንታ ሄራን ዳዒያ ቢታ ባቃቲደሶና። 7 ያን ዋንጌላ ኦዲደሶና።

ጳዉሎሲኔ ባርናባሲ ሊሰዲራኔ ዳርቤን

8 ዩሌቶሳፔ ደሚዲ ናምዑ ቶሆይ ዋቢን ሃሙቲ ኤርና ኢሲ አዳይ ሊሰዲራን ዳዒሰ። 9 ሄ አዳይ ጳዉሎሲ ኦዲሺን ኡቲዲ ሲዒሰ። ጳዉሎሲ ኢያ ጫዲዲ ያሊያ ዋዳ ፓዳናው ኢያው አማናይ ዳዒይሳ ቤዒዲ፣ 10 ባ ቃላ ጶቁ ኦሊዲ፣ «ሲቲ ጋዳ ኔ ቶሁዋን ኤቃ» ያጊሰ። ያቲን፣ ጉፔ ዳንዲ ኤቁዲ ሃሙላ ደሚሰ።

11 ጳዉሎሲ ኦሊዲይሳ አሳይ ቤዒዲ ባንታ ቃላ ጶቁ ኦሊዲ ሊቃዖኒያ ደናን፣ «ያሳቲ አሴ ዳኒዲ ኑኮ ዋጲደሶና» ያጊደሶና። 12 ባርናባሳ፣ «ዲያ» ጊዲ፣ ጳዉሎሲ ሃሳያን ዋናቲያ ጊሾ ኢያ፣ «ሄርሜሳ» ጊዲ ሱንጹደሶና። 13 ካታማፔ ጋዳን ዳዒያ ኤቃ ዲያ ኬላ ካሂኔይኔ አሳይ ኮርማታኔ አሌቆ ጨሻታ ሃዋሬታሰ ያርሻናው ኮዪዲ ካታማ ፔንጌ ኤሂደሶና።

14 ሺን ባርናባሲኔ ጳውሎስ ሄሳ ሲዲዳ ዎዴ ኤንቲ ኦላናው ቆፒዳይሳ ኢዲዳ ባንታ ማዑዋ ፔዲደሶና። አሳ ገዶ ዎዲ ጌሊዲ።
 15 ባንታ ቃላ ጾቁ ኦሊዲ። «አሳው፣ ሃይሳ አይሰ ኦሴት? ኩካ ሂንቲ ማላ አሴ። ሃ ፓሶናባፔ ሳሉዋኔ ሳዓ። አባኔ ኤንታ ገዶን ዴዲያ ኡባባ ማዲዳ ዴዎ ያሳኮ ሂንቲ ሲማና ማላ ሂንቲው ኩካ ዎንጌላ ኦደሰ። 16 ኢ ቤኒ አሳ ባንታ ኦጊያ ባና ማላ ዬዲ አጊሰ። 17 ሺን ኢራ ሳሉዋፔ ቡኪሲሰ። ካላካ ዎዴን ዎዴን ኢሚሰ። ካላ ኢሚዲ ሂንቲና ዳሮ ኡፋይሲሰ። ያቲዲ ሂንቲው ሎዎባ ኦሊዲ ባው ማርካ ጳይሲቤና» ያጊደሶና። 18 ሃዋሪቲ ሄሳ ገዲ ባንታው አሳይ ያርሾና ማላ ዋዪዲ ዲጊደሶና።

19 አንዮኪያፔኔ ኢቆኒዮኔፔ ዩዳ አይሁዳቲ። አሳ ባንታ ባጋ ዛሪዲ ሹቻን ጳውሎሳ ጫዲደሶና። ኤንታው ኢ ሃይቁዳባ ዳኒን ካታማፔ ጋዓ ጎቲ ኤፊዲ ዩጊደሶና። 20 ሺን አማኔይሳቲ ዩዲ፣ ኢያ ዩቲዋን ኤቁዳሺን ኢ ዴንዲዲ ካታማ ጌሊሰ። ዎንቲላ ጋላሰ ባርናባሪ ኢሲፌ ዳርቤ ቢሰ።

ጳውሎሲኔ ባርናባሲ ሶሪያ አንዮኪያ ሲሚደሶና

21 ኤንቲ ዳርቤ ካታማን ዎንጌላ ኦዲዲ ዳሮታ አማንሊዳፔ ጉዬ ሊሰደራ፣ ኢቆኒዮኔኔ ጳሲዲያ አንዮኪያ ሲሚደሶና። 22 ያን አማኔይሳታ ሚንሐሊሼኔ ኤንቲ አማኖን ሚኒዲ ዴዓና ማላ ዘሪሼ። «ያሳ ካዎቲላ ጌላናው ኩካ ዳሮ ዋዬ ኤካናው ቤሴሰ» ያጊዲ ታማርሲደሶና። 23 ቃሲ ዎሳ ኬላታሰ ሁዔን ሁዔን ጨማታ ደሪደሶና። ያሚዳፔኔ ዎሲዳፔ ጉዬ ኤንቲ አማኒዳ ጎዳሰ ኤንታ ሃዳራ ኢሚደሶና።

24 ጳሲዲያ ቢታ ካንሊዲ አዲዲ ጳንፊሊያ ቢደሶና።
 25 ጳርጌን ቃላ ኦዲዳፔ ጉዬ አፃሊያ ቢደሶና። 26 ያፔ ኤንቲ ባንታ ፖሊዳ ኦሎቆሰ ያሳ አዶ ኬሃቲላሰ ኤንታ ሃዳራ ኢሚዳ አንዮኪያ ማርካቤራ ሲሚደሶና።

27 አንዮኪያ ጋኪዳ ዎዴ ዎሳ ኬላ አሳ ሺሺዲ ያሳይ ኤንታራ ኦሊዳ ኦሎቆ ኡባኔ አይሁዳ ገደና አሳይ አማናና ማላ ኤንታው ዋቲ ፔንጌ ደዩዳኮ ኦዲደሶና። 28 ሄሳን አማኔይሳታራ ዳሮ ዎዴ ጋዎዲደሶና።

15

ዬሩሳሌም ሺቁዎ

1 ኢሲ ኢሲ አሳቲ ዩሁዳፔ አንዮኪያ ቢዲ፣ «ሙሴ ዎጋሶ ሂንቲ ቃፃሬቶና ኢዲኮ አታናው ዳንዳዔኬታ» ገዲ አማኔይሳታ

14:15 ኬሳ 20:11፤ ማዝ 146:6

ታማርሶ ደሚደሶና። 2 ሄሲ ጳውሎሳኔ ባርናባሳ ኤንታራ ዳር ፓላማናዳኔ ካጫናዳ ኦሊስ። ሄሳ ጊሾ፣ ኣንዮኪያን ዴዒያ ኢሲ ኢሲ ኣሳቲ ጳውሎሳራኔ ባርናባሳራ ዩሩሳላሜ ቢዲ ሃዋሬታራኔ ጨማታራ ጋሄቲዲ ሄ ኦዳ ቢላና ሜላ ቆፋ ቃቹደሶና።

3 ዋሳ ኬላይ ኤንታ ኪቲን ቢደሶና። ኤንቲ ሲርፊንቄ ሳማሬራ ኣጲሼ ኣይሁዴ ጊደናይሳቲ ያሳኮ ዋኒዲ ሲሚዳኮ ኦዲደሶና። ሄሲ ኣማኔይሳታ ኡባ ዳር ኡፋይሲስ። 4 ኤንቲ ዩሩሳላሜ ጋኪዳ ዋዴ ዋሳ ኬላይ፣ ሃዋሬቲኔ ጨማቲ ኤንታ ሞኪደሶና። ያሳይ ባንታራ ኦሊዳባ ኡባ ኦዲደሶና። 5 ሺን ፋሪሳዊታ ባጋፌ ኣማኒዳ ኢሲ ኢሲ ኣሳቲ ዴንዲ ኤቁዲ፣ «ኣይሁዴ ጊደናሺን ኣማኒዳ ኣሳቲ ቃፃሬታናወኔ ሙሴ ሂጊያ ናጋናው ቤሴስ» ያጊደሶና።

6 ሃዋሬቲኔ ጨማቲ ሄሳ ዞሬታናው ሺቁደሶና። 7 ዳር ሃሳዬዳፕ ጉዬ፣ ጳዲርሲ ዴንዲ ኤቁዲ፣ «ታ ኢሻቶ፣ ኣይሁዴ ጊደናይሳቲ ዋንጌላ ቃላ ታ ደናፔ ሲዒዲ ኣማናና ሜላ ካሴቲዲ ታና ያሳይ ሂንቲ ጊደፌ ደሪዳይሳ ሂንቲ ኤሬታ። 8 ኣሳ ዋዛና ኤሪያ ያሳይ ጌሻ ኣያና ኑስ ኣሚዳይሳዳ ኤንታወካ ኣሚዲ ቱማይስ። 9 ኣማኖን ኤንታ ዋዛና ጌሺዳ ጊሾ ኑ ጊደኒኔ ኤንታ ጊደን ዳማቴላ ዋሊቤና። 10 ሄሳ ጊሾ፣ ኑ ኣዋቲኔ ኑኒ ቶካናው ዳንዳዒሶና ቃዋባራ ኣማኔይሳታ ሞርጌን ዋሊዲ ሃዒ ኣይስ ያሳ ፓጩቲ? 11 ጎዳ ዩሱስ ኪሪስቶስ ኣጶ ኬሃቴላን ኤንቲ ኣቲዳይሳዳ ኑካ ኣቲዳይሳ ኣማኖስ» ያጊሰ።

12 ኣሳይ ሲዒ ጊዲ፣ ባርናባሲኔ ጳውሎሲ ኣይሁዴ ጊደና ኣሳ ጊደን ባንታ ባጋራ ያሳይ ኦሊዳ ማላታታኔ ኦራላባ ኡባ ኦዲሺን ሲዶሶና።

13 ኤንቲ ሃሳያ ኣንጊዳፔ ጉዬ ያይቆቢ፣ «ኢሻቶ፣ ታ ጌይሳ ሲዒቲ። 14 ያሳይ ኣይሁዴ ጊደናይሳታ ጊደፌ ባ ኣሴ ደራናው ኮዬዲ ኤንታና ኮይሮ ዋቲዲ ቆፕዳኮ ሲሞኒ ኦዲስ። 15 ናቤታ ቃላይ ሃይሳራ ጌኔስ። ጌሻ ማፃፋን፣

16 ሳይሳፌ ጉዬ፣ ታኒ ሲማና፣
ኩንዲዳ ዳዊቲ ካዎቴላ ዴንላና።
ላሌቲዳ ኬላካ ዛራ ኤሳና።

17 ኣቲዳ ኣሳ ኡባይ ታኮ ያና፣
ታኒ ያጊዳ ኣይሁዴ ጊደና ኣሳ ኡባይ ታና ኮያና። 18 ቤኒፔ ደማዳ ሄሲ ኤሬታና ሜላ ኦሊዳ ያሳይ፣ ታኒ ያጋይስን ያጊሰ።

15:1 ሉዌ 12:3 15:7 ሃ.ኦ 10:1-43 15:8 ሃ.ኦ 2:4፤ 10:44 15:16 ኣዋ 9:11-12

19 «ሄሳ ጊሾ፣ ታ ቆፋይ ያሳኮ ሲሚያ ኣይሁዴ ጊደናይሳታ ኮኒ ዋይሶናኮ ሎዎ። 20 ሺን ኤንቲ ኤቃሰ ያርሼቲዲ ቱኒዳባ ሞና ማላ፣ ላይማቶና ማላ፣ ባዉታ ሞና ማላኔ ሱሉ ኡዮና ማላ ኤንታው ኮኒ ዳብዳቤ ዓፋናው ኮሼሰ። 21 ሙሴ ሂጌይ ቤኒፔ ደሚዲ ሳምባታን ሳምባታን ኣይሁዴ ዋሳ ኬላታን ናባቤቲሼ ካታማ ኡባን ሳባኬቲሰ» ያጊሰ።

22 ሄሳፊ ጉዬ፣ ሃዋሪቲኔ ጨማቲ ዋሳ ኬላ ኣሳ ኡባራ ኢሲፊ ባንታ ጊደፊ ጉላ ኣሳታ ደሪዲ ጳውሎሳራኔ ባርናባሳራ ኣንጾኪያ ዬዳናው ቆፋ ቃቺደሶና። ኤንቲ ዳሮ ቦንቹቲዳ ናምቡ ኣሳታ ባርሳባሳ ጌቲቲያ ዪሁዳኔ ሲላሴ ደሪደሶና። 23 ሃይሳዳ ጌቲቲ ያፊቲዳ ዳብዳቤያ ኤንታ ቦላ ዬዲደሶና። «ኮኒ ሃዋሪቲኔ ጨማቲ ሂንቲ ኣሻቲ፣ ኣንጾኪያን፣ ሶሪያኒኔ ኪልቂያን ዴዒያ ኣይሁዴ ጊደና ኣሻታሰ ኮ ሳርሉዋ ኪቶሰ።

24 «ኮኒ ኪቶና ኣሳቲ ኮ ጊደፊ ቢዲ፣ ሂንቲ ቃዓሪታናዉኔ ሂጊያ ናገናው ቤሴሰን ጊዲ፣ ሂንቲና ዋይሲደይሳኔ ዪሎዪዳይሳ ሲዒዳ። 25 ኮኒ ደሲያ ባርናባሳኔ ጳውሎሳ ደሪቲዳ ኣሳታራ ኢሲፊ ሂንቲኮ ኪታናው ኢሲ ዋዛናን ኮ ቆፋ ቃቺዳ። 26 ኤንቲ ኮ ጎዳ ዬሱሰ ኪሪሰቶሳ ጊሾ ባንታ ዴቡዋ ኣሉ ኣሚደሶና። 27 ሄሳ ጊሾ፣ ኮኒ ያፊዳይሳ ኤንቲ ባንታ ደናን ጉጂዲ ሂንቲው ኦዳና ማላ ዪሁዳኔ ሲላሴ ኪቲዳ።

28 «ሃ ኮሼይሳታፔ ኣቲን ሃራ ቶሆ ሂንቲና ቶሶና ማላ ኮኔ ጌሻ ኣያናይ ኦዳ ቃቺዳ። 29 ኤቃሰ ያርሼቲዲ ቱኒዳባ ሞፒቲ፣ ሱሉ ኡዮፒቲ፣ ባዉታ ሞፒቲ፣ ላይማቶፒቲ፣ ሃ ኡባፊ ሂንቲ፣ ሂንቲ ሁዒያ ናጊኮ ሎዎባ ኦሌታ» ያጊደሶና።

30 ሄሳ ጊሾ፣ ከቲቲዳይሳቲ ሞይዜቲዲ ኣንጾኪያ ቢዲ ኣማኒያ ኣሳ ሺሺዲ፣ ዳብዳቤ ኣሚደሶና። 31 ኤንቲ ሄ ሚንሌሌያ ዳብዳቤያ ናባቢዳ ዋይ ኡፋይቲደሶና። 32 ቃሲ ዪሁዳኔ ሲላሴይ ባንታ ሁዒን ናቤ ጊዲያ ጊሾ ኣማኔይሳታ ሎይሉ ዘሪዲ ሚንሌሌደሶና። 33 ኤንቲ ኣንጾኪያን ጉላ ጋላሰ ኡቲዳፔ ጉዬ ኣሻቲ ሎዎራ ሞይዚን ባንታና ከቲዳይሳታኮ ሲሚደሶና። 34 * [ሺን ሲላሴይ ያን ኣታናው ኮዪሰ።]

35 ቃሲ ጳውሎሲኔ ባርናባሲ ሃራ ዳሮ ኣሳታራ ኢሲፊ ጎዳ ቃላ ታማርሲሼኔ ዋንጌላ ኦዲሼ ኣንጾኪያን ጋምዒደሶና።

ጳውሎሲኔ ባርናባሲ ሻኬቲደሶና

15:20 ኬሳ 34:15-17፤ ሉዌ 17:10-16፤ 18:6-23 * 15:34 ኢሲ ኢሲ ማፃፋታን ፓይዶ 34 ባዋ።

36 ጉላ ጋላሳ፣ ጉዬ ጳውሎስ ባርናባሳ፡ «ኮኒ ጎዳ ቃላ ኦዲዳ ካታማ ኡባን አማኔይሳቲ ዋኒዲ ዴዲያኮ ጉዬ ሲሚሽ ጾሞሳና» ያገሰ። 37 ባርናባሲ ማርቆሳ ጌቴቲያ ዮሃንሳ ባንታራ ኤፋናው ኮዪስ። 38 ሺን ጳውሎስ ማርቆሳ ባንታራ ኤፋናው ኮዪቤና። ጋሶይካ፡ ኢ ጲንጌሊያን ሻኬቲዲ ኤንታራ ኦላናው ቢቤና። 39 ኤንታ ጊዶን ኢታ ኦሺ ኮዪን ኢሶይ ኢሱዋሬ ሻኬቲዶሶና። ባርናባሲ ማርቆሳ ኤኪዲ ማርካቤራ ቆጲሮሳ ቢስ። 40 ሺን ጳውሎስ ሲላሴ ዶሪስ፤ አማኔይሳቲ ጳውሎሳ ያሳ ኦጵ ኬሃቴላስ ሃዳራ ኢሚዳ፣ ጉዬ ኢ ኬዪዲ ቢስ። 41 ያቲዲ፡ ዋሳ ኬላታ ሚንጮሲሽ ሶሪያራኔ ኪልቂያራ ኦጲስ።

16

ዲሞቲዮሲ ጳውሎሳራኔ ሲላሴራ ጋሂቲስ

1 ጳውሎስ ዳርቤኔ ሊስዲራ ቢስ። ያን ዲሞቲዮሳ ጊያ አማኒያ ኣሲ ዴዴስ። ኢያ ኣያ አማኒያ ኣይሁዴ ማጫስ፡ ኢያ ኣዋይ ጌሪኬ ኣሲ። 2 ሊስዲራኔ ኢቆኒዮኔን ዴዲያ አማኔይሳቲ ዲሞቲዮሳ ባሎይሊዲ ማርካቲዶሶና። 3 ጳውሎስ ዲሞቲዮሳ ባራ ኤፋናው ኮዪዲ፡ ኢያ ኣዋይ ጌሪኬ ኣሲ ጊዲዲይሳ ሄ ቤሳን ዴዲያ ኣይሁዴ ኡባይ ኤሪያ ጊሾ ኢያ ቃፃሪስ። 4 ኤንቲ ካታማታራ ቢሽ ዬሩሳሌሜን ዴዲያ ሃዋርያቲኔ ጨማቲ ዋሊዳ ሂጊያ አማኔይሳቲ ናጋና ሜላ ኤንታው ኦዲሽ ኦጲዶሶና። 5 ሄሳ ጊሾ፡ ዋሳ ኬላቲ አማኖን ሚኒሽ፡ ታይቦንካ ጋላስ ጋላስ ዳሪ ዳሪ ቢዶሶና።

ጳውሎስ ማቄዶኒያ ባናዳ ዪጌቲስ

6 ኢሲያን ቃላ ኦዶና ሜላ ጌሻ ኣያናይ ኤንታ ዲጊዳ ጊሾ ጲርጌራኔ ጋላቲያ ቢታራ ኦጲዶሶና። 7 ኤንቲ ሚሲያ ዛዋ ጋኪዳ ዋዳ ቢቲኒያ ባናው ኮዪዶሶና። ሺን ዬሱሳ ኣያናይ ኤንታ ዲጊስ። 8 ሄሳ ጊሾ፡ ኤንቲ ሚሲያ ማታራ ኦጲሽ ዪሮዳ ዋጲዶሶና። 9 ጳውሎስ ቃማ ቆንጮፋን ኢሲ ማቄዶኒያ ኣሲ ባኮ፡ «ማቄዶኒያ ፒናዳ ኦና ማዳርኪ» ያገሽ ኤቂዲ ዋሲሺን ቤዲስ። 10 ቆንጮፋ ኢ ቤዲዳ፣ ጉዬ ኤሌሲዲ ኮኒ ማቄዶኒያ ባናው ኮዪዲ። ሄሲካ፡ ዋንጌላ ያን ዴዲያ ኣሳስ ኦዳናው ያሳይ ኦና ዪጊዲይሳ ኤሪዳ ጊሾሳ።

ሊዲያ ኪሪስቶሳ አማናሱ

11 ደርዳዳ፣ ደንዲዲ ማርካቤን ጌሊዲ ሳምቲራቄ ቢዳ፣
ዋንቱላ ጋላስ ናጹሌ ቢዳ። 12 ያፔ ደንዲዲ ማቄደኒያ ቢታን
ደዒያ ፊልጲሲዩሳ ጊያ ኮይሮ ካታማ ቢዳ። ቃሲ ፊልጲሲዩሲ
ሮሜ አሳይ ደዒያ ካታማ። ኩኒ ሄ ካታማን ጉላ ጋላስ ኡቲዳ።

13 ሳምባታ ጋላስ ካታማ፣ ጋፃን ሻፋ ዶናን አይሁዳቲ ያሳ
ዋሲያ ቤሲ ደዒይሳ ኤሪዲ ያ ቢዳ። ሄ ቤሳን ሺቄዳ ማጫሳስ
ቃላ ኦዲዳ።

14 ኑና ሲዒያ አሳ፣ ኢሲ ሊዲያ ጌቲቲያ ቲያቲሮና ካታማ፣
ዪዳ፣ ያሳ አማኒዳ ዘያ አፊላ ዛልዒያ፣ ማጫሲያ ደዒወሱ።
ጳውሎሲ ኦይይሳ ኢያ ሲዒና ሜላ ያሳይ ኢ ዋዛና ዶዩሰ።

15 ሊዲያ ባ ሶ አሳራ ኢሲፊ ፃማቄቲዳ፣ ጉዬ ኑሶ። «ሂንቲ
ታና ጎዳ ቱማ አማናሱ ጊኮ ታ ሶ ዬጲቲ» ጋዳ ሚንላዳ ዋሳሱ።

ጳውሎሲኔ ሲላሲ ቃሼቲዶሶና

16 ኩኒ ያሳ ዋሲያ ቤሳ ቢሺን ኢታ አያኒ ኢ ቦላ ደዒዲ
ካይሲያ ኢሲ ጌላዎ አይሌይ ኑራ ጋሄታሱ። ኢያ ካያዳ ዳሮ ሚሼ
ባ ጎዳታስ ኤሃወሱ። 17 ጳውሎሳኔ ኑና ካላዳ፣ «ሃይሳቲ ኡባፊ
ቦላ ያሳ አይሌታ! ኤንቲ ሂንቲ አታና ኦጊያ ኦይይሳታ» ጋዳ
ዋሳሱ።

18 ኡባ ጋላስ ሄሳዳ ጋወሱ። ሺን ጳውሎሲ ዪሎቲዲ ጉዬ
ሲሚዲ፣ ሄ አያና፣ «ዬሱሰ ኪሪሰቶሳ ሱንላን ኢፔ ኬያ» ጊዲ
ኪቲሰ። ኡራካ ኢታ አያናይ ኢፔ ኬዪ ኣገሰ።

19 ሺን ኢ ጎዳቲ ባንታው ሚሼ ደሚያ ኦጊይ ቆዩዳይሳ
ቤዒዲ፣ ጳውሎሳኔ ሲላሲ ኦይኪዲ፣ ዳባባ ዳይናታ ሲንፍ ጎቺ
ኤፊዶሶና። 20 ዳይናታ ሲንፍ ኤንታ ኤፊዲ፣ «ሃይሳቲ አይሁዳ
አሲ ጊዲሼ ኑ ካታማ አሳ ዳሮ ዋይሶሶና። 21 ኩኒ ሮሜ ቢታ አሲ
ጊዲሼ ኤካናወኔ ኦላናው ዋጋ ጊዶናባ ታማርሶሶና» ያጊዶሶና።

22 አሳይ ኢሲ ባጋ ጊዲዲ፣ ጳውሎሳ ቦላኔ ሲላሲ ቦላ
ደንዲዶሶና። ዳይናቲ ኤንታ ማዑዋ ቃሪዲ ፃምዒን ኤንታ
ሾጫና ሜላ ኪቲዶሶና። 23 ኤንታ ዳሮ ዋጲዳ፣ ጉዬ ቃሾ
ኬላ ጌልሲዶሶና። ቃሾ ኬላ ናጌይሲ ኤንታ ሚንፊ ናጋና ሜላ
ኪቲዶሶና። 24 ቃሾ ኬላ ናጌይሲ ሄ ኪታ ኤኪዲ፣ ጳውሎሳኔ
ሲላሲ ቃሾ ኬላሰ ቆልዓ ጌልሲሰ። ኤንታ ቶሁዋ ዲዒሰ

25 ሺን ጊዲ ቢላሂ ጊዲያ ዋዴ ጳውሎሳኔ ሲላሲራ ዋሲሼኔ
ማዘሙሬ ዩዒሼ ያሳ ጋላቶሶና። ቃሾ ኬላን ደዒያ ሃራ አሳቲካ
ኤንቲ ጊያባ ሲዶሶና። 26 ቆፖና ቃሾ ኬላ ባሶይ ቃፃና ጋካናው ቢታ
ቃይይ ሃኒሰ። ሄ ሳቴንካ ፔንጌ ኡባይ ዶዬቲ ኣገሰ፤ ቃሼቲዳ አሳ

ኡባ ሳንጥላታይ ቢርሼቲ ዋዲሰ። 27 ቃሾ ኩፋ ናጌይሲ ዲሰኮሬ ባርኪዳ ዋዴ ቃሾ ኩፋ ፔንጌ ኡባይ ዶዩቲዳይሳ ቤዒዲ ቃሾ ኣሳይ ኬሲ ኤኪ ቢዳባ ዳኒን ባና ዋዲናው ማሹ ኤኪሰ። 28 ሺን ጳውሎሲ ቃላ ጶቁ ኦሊዲ «ኮ ኡባይ ሃይሳን ዴዒያ ጊሾ ኔኒ ኔና ቆሆፓ» ያገሰ።

29 ቃሾ ኩፋ ናጌይሲ ያምፔ ዋሲ ኤኪዲ ኤሌሲዲ ጋሊ ዋዲሰ። ኮኮሪሽ ጳውሎሳ ሲንጻኒኔ ሲላሴ ሲንጻን ጉፋኒሰ። 30 ኤንታ ካሬ ኬሲዲ፣ «ታ ጎዳቶ፣ ታኒ ኣታናው ኣይ ኦላናው ቤሲ?» ያገሰ።

31 ጳውሎሳራኔ ሲላሴራ ኢያኮ፣ «ጎዳ ዩሱስ ኪሪሰቶሳ ኣማና፤ ኔራኔ ኔ ሶ ኣሳራ ኣታና» ያገደሶና። 32 ኤንቲ ኢያሲኔ ኢያ ሶን ዴዒያ ኡባሰ ጎዳ ቃላ ኦዲደሶና። 33 ቃማ ሄ ሳቲንካ ቃሾ ኩፋ ናጌይሲ ኤንታ ኤፊዲ ኤንታ ማዲንጻ ማጨሰ። ኤሌሲዲ ባ ሶ ኣሳ ኡባራ ምቐቲሰ። 34 ጳውሎሳኔ ሲላሴ ባ ሶ ኤፊዲ ኤንታው ካሊ ኣሊሰ። ኢ ባ ሶ ኣሳ ኡባራ ያሳ ኣማኒዳ ጊሾ ኡፋይቲሰ።

35 ሳዒይ ዋንቲን ዳይናቲ፣ «ሄ ኣሳታ ቢላ» ያገዲ ፖሊሴ ሃላቃታ ኢያኮ ከቲደሶና። 36 ቃሾ ኩፋ ናጌይሲ፣ «ሂንቲ ቢሌታና ማላ ዳይናቲ ከቲደሶና። ሂዛ፣ ኬዩዲ ሳር ቢቲ» ያገዲ ሄ ከታ ጳውሎሳሰ ኦዲሰ።

37 ሺን ጳውሎሲ ሄ ፖሊሴ ሃላቃታኮ፣ «ኮኒ ሮማ ኣሲ * ገዲሺን ኤንቲ ኦና ፐርዲ ባይና ኣሳ ሲንጻን ዋዲዲ፣ ቃሾ ኩፋን ዩገደሶና። ሃዒ ኦና ጌማን ኬዩዲ ሶ ጎና? ሃኔና፣ ኤንቲ ባንታ ሁዒን ዩዲ ኦና ኬሶ» ያገሰ።

38 ፖሊሴ ሃላቃቲ ዳይናታሰ ሄሳ ኦዲን፣ ጳውሎሳራኔ ሲላሴራ ሮማ ቢታ ኣሲ ገዲዳይሳ ሲዒዳ ዋዴ ያዩደሶና። 39 ሄሳ ጊሾ፣ ዳይናቲ ዩዲ ኤንታኮ፣ «ኮኒ ሂንቲና ቆሂዳ» ገደሶና። ቃሾ ኩፋፊ ካሬ ኤንታ ኬሲዲ፣ ካታማፔ ኬዩዲ ባና ማላ ዋሲደሶና። 40 ጳውሎሳራኔ ሲላሴራ ቃሾ ኩፋፊ ኬዩዲ ሊዲያ ሶ ቢደሶና። ያን ኣማኔይሳታራ ጋሂቲዲ ኤንታ ሚንጹሊዲ ኬዩዲ ቢደሶና።

17

ጳውሎሲ ቴሴሎንቄን ታማርሲሰ

* 16:37 ሮማ ኣሲ፡ ጳውሎሲ ሮማ ኣሲ ያገዲ ባና ግጌይይ ሄ ዋዴ ኣይሁዴ ቢታ ሃራይ ሮማ ካዎቱላ ገዲዳ ጊሾሳ። ሄ ዋዴ ሮማ ቢታን ዴዒያ ኣሳይ ፐርዲ ባይና ጋራፊቶና።

አሳታራ ኡባ ዋዴ ፓላሜስ። 18 ኤጲቆሮሳኔ ኢስቶይኬ ጌቲቲያ ጨጋታፔ ኢሲ ኢሲ ኤራንቸቲ ጳውሎሳራ ፓላሚዶሶና። ኤንታፊ ኢሶቲ ኢሶቲ፣ «ሃ ዮያማይ አይ ኦዳናው ኮዩ?» ያገደሶና።

ሃራቲ ጳውሎሲ ዬሱሳባኔ ሃይቆፔ ኢ ዴንዲዳይሳ ባንታው ኦዲዳ ገሾ «ኦራላ ያሳታባ ኦዲያ ዳኔስ» ያገደሶና።

19 ጳውሎሳ ኦይኪዲ አርዮስፓጎሳ ገያ ሺቆ ቤሳ ኤፊዲ፣ «ሃ ኔኒ ታማርሲያ ኦራላባይ አይቤኮ ኦና ኤሪሲኪ? 20 አይስ ጊኮ፣ ኔኒ ኦስ ኦራላባ ኦዳሳ፤ ሂዛ ሄሲ አይቤኮ ኦኒ ኤራናው ኮዮስ» ያገደሶና። 21 አቲና አሳ ኡባይኔ ያን ዴዲያ ኢማላቲ ኦራላባ ኦዴቶናኔ ሲያና ፔያኮና።

22 ጳውሎሲ አርዮስፓጎሳን ሸቁዳ አሳ ሲንላን ኤቁዲ፣ «አቲና አሳው፣ ሂንቴ ያሳታስ ኡባባን ዳሮ ያዬይሳ ታኒ ቤዓይስ። 23 ታኒ ሂንቴ ካታማራ ዩያሼ ሂንቴ ጎይኒያ ቤሳታ ቤዲያ ዋዴ ሳኤፊና ያሳስን ጌቲቲ ያፊቲዳ ያርሾ ቤሳ ዴማስ። ሃ ሂንቴ ኤሮናሺን ጎይኔይሳ ታኒ ሂንቴው ኦዲይስ። 24 ሳዓኔ ሳዓን ዴዲያ ኡባባ ሜዲዳ ያሳይ፣ ሳሉዋኔ ሳዓ ጎዳይ፣ አሲ ከዲዳ ከላን ዴና። 25 ኢ ዴያ፣ ሹምፖኔ ኡባባ አሳ ኡባስ ኢሚያ ገሾ ፓጪ ዴዲያ አሳዳ አሳ ማዴ ኮዩና። 26 ያሳይ አሳ ዜሬሲ ኡባ ኢሲ አዲያፊ ሜዲዳ ቢታ ኡባን ዋሲስ። ያቲዲ ኤንቲ ዴዳና ዋዲያሲኔ ቤሳስ ዛዋ ኢሚስ። 27 ኢ ሄሳ ኦሲዳይ አሲ ኢያ ኮያና ሜላኔ ፒልጊዲ ዴማና ሜላሳ። ሃኒኮካ ኢ ኦፔ ጌሚቤና። 28 ሂንቴፊ ኢሲ ኢሲ ዬጃይሳቲ፣ ሳኒ ኢያ ናይታ ገዳይሳዳ፣ ሳኒ ኢያን ፓፃ ዴያስ፣ ቃያስ። 29 ሂዛ፣ ኦኒ ያሳ ናይታ ገዲያ ገሾ ሳሳይ አሳ ሂላቴላኒኔ ቆፋን ዋርቃፊ ዋይኮ ቢራፔ ዋይኮ ሹቻፊ ኦሴቲዳባ ዳኔስን ያገደዲ ቆፓናው ቤሴና። 30 ሄሳ ገሾ፣ ያሳይ ካሴ ዋዴ አሳይ ኤሮና ኦሲዳይሳ አገዲ አዲስ፣ ሺን ሃዲ ኡባሶን ዴዲያ አሲ ኡባይ ናጋራፔ ሲማና ሜላ ከቴስ። 31 አይስ ጊኮ፣ ያሳይ ባ ዶሪዳ አዲያን ሳዓን ዴዲያ አሳ ኡባ ቦላ ዊሎ ፒርዳ ፒርዳናው ቃማ ገገሲ ዋሲስ። ኢያ ሃይቆፔ ዴንሲዲ ሄሳ አሳ ኡባስ ቱማዩስ» ያገሰ።

32 ኤንታፊ ኢሲ ኢሲ አሳቲ ሃይቆፔ ዴንደባ ጳውሎሳፔ ሲዲዲ፣ ኢያ ቦላ ቁልቁሲዶሶና። ሺን ሃራቲ፣ «ኦኒ ሄሳ ኔፔ ፑጂዲ ሲዳናው ኮዮስ» ያገደሶና። 33 ሄሳ ገሾ፣ ጳውሎሲ ኤንታ ገዶፊ ከዩስ። 34 ሺን ኢሲ ኢሲ አዴቲ ጳውሎሳራ ጋሂቲዲ አማኒዶሶና። ኤንታ ገዶፊ አርዮስፓጎሳን ሸቁዋን ዴዲያ ዲዮናስዮሳ ገያ አዴይ፣ ዳማርሶ ገያ ኢሲ ማጫሲያኔ ሃራቲ ዴያሶና።

17:24 1ካዋ 8:27፤ ኢሳ 42:5፤ ሃ.ኦ 7:48

18

ጳውሎስ ቆርንቶሳ ቢስ

1 ሄሳፌ ጉዬ፣ ጳውሎስ አቴና፣ ከዩዲ፣ ቆርንቶሳ ቢስ። 2 ያን አቀላ ጊያ ጳጳሳን ዩሌቲዳ ኢሲ አይሁዳ አሲ ዳሚስ። አይሁዳ አሳ ኡባይ ሮሜ፣ ከያና ሜላ ካዎይ ቃላወዲዮሲ ከቲዳ ጊሾ ጉላ ዎዴ፣ ካሴ ኢ ባ ማቺ ጲሪስቁላራ ፃሌ፣ ዩስ። ጳውሎስ ኤንታራ ጋሃታናው ቢስ። 3 ኢያ ኦሶይ ኤንታይሳዳ ዲንካኔ ሲኮ ጊዲያ ጊሾ ኤንታራ ኡቲዲ ኢሲፌ ኦሊስ። 4 ጳውሎስ ሳምባታ ኡባን አይሁዳታኔ ገሪኬታ አማንላናው አይሁዳ ዎሳ ከላን ፓላሜስ።

5 ሲላሴይኔ ዓሞቲዮሲ ማቄዲያ፣ ዩዲ ዎዴ ጳውሎስ ባ ኩሜላ ዎዲያ አሚዲ አይሁዳታስ ዩሱሲ ኢ፣ ከሪስቶሳ ጊዲ ቃላ ኦዲስ። 6 ሺን ኤንቲ ጳውሎሳ ኢዲዲ ኢያ ጫዩን ጳውሎስ ባ ማዑዋ፣ ባና ቆቆፊሼ፣ «ሂንቴ ጎሜይ ሂንቴና ኦይኮ፣ ታኒ ሄሳን ዳዒኬ። ሂዛ፣ ጉዬ፣ ታኒ አይሁዳ ጊዶና አሳኮ ባይስ» ያጊስ።

7 ያ፣ ከዩዲ ዎሳ ጎይኒያ ቲቶስ ዮስዎሳ ጊያ ኡራ ሶ ቢስ። ዮስዎሳ ከላይ አይሁዳ ዎሳ ከላ ማታን ዳዒስ። 8 አይሁዳ ዎሳ ከላ ሃላቃይ ቃሪስጲስ ባ ሶ አሳ ኡባራ ጎዳ አሚኒስ። ቆርንቶሳ አሳታፕካ ዳሮቲ ዎሳ ቃላ ሲዒዳ ዎዴ አሚኒዲ ፃማቄቲዶሶና።

9 ጎዳይ ኢሲ ቃማ ጳውሎሳስ ቆንጨዲ፣ «ያዮፋ፣ ኦዳ፣ ሲዒ ጎፓ። 10 ታኒ ኔራ ዳዒይስ። ታው ሃ ካታማን ዳሮ አሲ ዳዒያ ጊሾ ኔና ቆሂዲ ኢታባን ዩጋና አሲ ኦኒካ ባዎ» ያጊስ። 11 ሄሳ ጊሾ፣ ጳውሎስ ዎሳ ቃላ አሳ ታማርሲሼ ኢሲ ላይሌኔ ኡሱፑን አኔና ኤንታራ ኡቲስ።

12 ጋሊዮሲ አካያ ቢታ አይሲያ ዎዴ አይሁዳቲ ኢሲፌ ጳውሎሳ ቦላ ዳንዲዲ ፒርዳ ከሌ ኢያ ኤፊዲ። 13 «ሃ አዳይ ሂጊያ ኢዲዲ፣ አሳይ ዎሳ ጎይናና ሜላ ኦፊስ» ያጊዶሶና።

14 ጳውሎስ ሃሳያና ሃኒሺን፣ ጋሊዮሲ አይሁዳታኮ፣ «አይሁዳቶ፣ ሄሲ ኢታ ኦሶ ዎይኮ ናቆ ጊዲያኮ ታኒ ሂንቴባ ዳንዳዳዳ ሲዳናው ቤሴስ። 15 ሺን ቃላስ፣ ሱንሳሲኔ ሂንቴ ሂጊያስ ሂንቴ ፓላሚያባ ጊዲኮ ሂንቴ፣ ሂንቴው ቢሊቴ፣ ሄሳ ታኒ ፒርዲኬ» ያጊስ። 16 ያቲዲ፣ ኤንታ ፒርዳ ከላፊ ካሪ ከሲስ። 17 ሄሳፌ ጉዬ፣ ገሪኬ አሳ ኡባይ አይሁዳ ዎሳ ከላ ሃላቃ ሶስቲኒሳ ኦይኪዲ ፒርዳ ከላ ሲንላን ዎዲዶሶና። ሺን ጋሊዮሲ ሄሳ ፓፃባ ጊቤና።

ጳውሎስ እንደሆነ ቢሰ

18 ጳውሎስ ዳር ጋላስ ቆርንቶሳን ኡቲዳፔ ጉዬ አማኒያ አሳ ሳርሊዲ፣ ጲሪስቁሊራኔ አቁላራ ማርካቤራ ሶሪያ ቢሰ። ሺን ኢ ባናፔ ሲንፍ ባው ጋሶይ ዳዒያ ጊሾ ኪንኪሪያ ካታማን ባ ሁዒያ ቡሉሴቲሰ። 19 ኤንቲ ኤፌሶና ጋኪዳ ዋዴ ጳውሎስ ጲሪስቁሎኔ አቁላ ያን አጊሰ። ሺን ባው አይሁዴ ዋሳ ኬሊ ፔሊዲ አይሁዴታራ ኦዴቲሰ። 20 ኤንቲ ባንታራ ዳር ዋዴ ኡታና ማላ ጳውሎሳ ዋሲዶሶና ሺን ኢ ኢዳሰ። 21 ኤንታፌ ሻኬቲሹ፣ «ታኒ ያ ባሊያ ዬሩሳላሜን ቦንቻናው ቤሴሰ። ሺን ያሲ ጊኮ ሂንቴኮ ሲማዳ ያና» ያጊዲ ኤፌሶናፔ ማርካቤራ ቢሰ። 22 ቁሳሪያ ጋኪዳ ዋዴ ዬሩሳላሜ ቢዲ ዋሳ ኬላ አሳ ሳርሊዲ ጉዬ እንደሆነ ቢሰ።

23 ያን ጉላ ዋዴ ጋሞዒዳፔ ጉዬ አማኒያ አሳታ ኡባ ሚንፍሊሽ ጋላቲያራኔ ጲርጌራ አዲሰ።

አጲሎስ ኤፌሶናኔ ቆርንቶሳን

24 ኢሲከንዲሪያን ዬሌቲዳ ኢሲ አጲሎሳ ጊያ አይሁዴ አሲ ኤፌሶና ቢሰ። ኢ ኦዳ ኤሪያ አሲኔ ያሳ ቃላ ዳር ኤሪያ አሲ። 25 ኢ ጎዳ ኦጊያ ታማሪዲ፣ አያናን ፀጉቲዲ ዬሱሳባ ሱሬ ታማርሴሰ። ጊዶሺን፣ ዮሃንሳ ዲንቃቲያ ዓላላ ኤሬሰ። 26 ኢ አይሁዴ ዋሳ ኬላን ያዮና ታማርሴሰ። ጲሪስቁሊኔ አቁሊ ኢ ኦዴይሳ ሲዒዳ ዋዴ ኢያ ባንታራ ሶ ኤፊዲ ያሳ ኦጊያ ካሴይሳፌ ፔሺዲ ኢያው ኦዲዶሶና።

27 አጲሎስ አካያ ባናው ኮዩን ኤፌሶናን ዳዒያ አማኒያ አሳይ ኢያ ቆፋ ኤኪዲ አካያን ዳዒያ አማኔይሳቲ ኢያ ሞካና ማላ ኤንታው ዳብዳቤ ፃፊዶሶና። ኢ ያ ጋኪዳ ዋዴ ያሳ አጼ ኬሃቲላ ባጋራ ዬሱሰ ኪሪስቶሳ አማኒዳይሳታ ዳር ማዲሰ። 28 አይሰ ጊኮ፣ ዬሱሰ ኢ ኪሪስቶሳ ጊዳይሳ አይሁዴታሰ ያሳ ቃላፔ ቆንጨሲዲ ዴሪያ ሲንላን ሚንፍ ኦዲዲ ኤንታ ላሊሰ።

19

ጳውሎስ ኤፌሶና ቢሰ

1 አጲሎስ ቆርንቶሳን ዳዒሺን፣ ጳውሎስ ቆሞ ባጋራ አዲዲ ኤፌሶና ቢሰ። ያን ኢሲ ኢሲ አማኒያ አሳታ ዳሚሰ። 2 ኤንታኮ፣ «ሂንቴ አማኒዳ ዋዴ ጌሻ አያና ኤኪዴቲ?» ያጊዲ ኦይቺሰ።

ኤንቲ፡ «አካይ፡ ኤኪቦኮ፤ ሃሪ አቶሺን፡ ጌሻ አያኒ ዳዲያባካ ሲዲቦኮ» ያጊደሶና።

3 ጳውሎሲ ኤንታኮ፡ «ያቲን፡ አይቢን ፃማቄቲዳቲ?» ያጊሰ።

ኤንቲ፡ «ኦኒ ዮሃንሳ ዊንቃቲያን ፃማቄቲዳ» ያጊዲ ዛሪደሶና።

4 ጳውሎሲ፡ «ዮሃንሲ ባፔ ጉዬራ ያ ዩሱሰ ኪሪሰቶሳን አሳይ አማናና ሜላ አሳሰ ኦዲሼ፡ ናጋራፔ ሲሞ ቤሲያ ዊንቃቲያን ፃማቄሰ» ያጊሰ።

5 ኤንቲ ሄሳ ሲዲዳ ዋዳ ጎዳ ዩሱሰ ኪሪሰቶሳ ታማሬ ጊዳናው ፃማቄቲደሶና። 6 ጳውሎሲ ባ ኩሺያ ኤንታ ቦላ ዋሊዳ ዋዳ ጌሻ አያኒ ኤንታ ቦላ ዋሊን፡ ዲማ ዲማ ደናን ኦዳቲደሶና፤ ቃሲ ቲንቢቲ ኦዲደሶና። 7 ሄ ቤሳን ታማኔ ናሞዓ ጊዲያ አሳቲ ዴዖሶና።

8 ጳውሎሲ አይሁዴ ዋሳ ኬላ ጌሊዲ፡ ያሳ ካዋቲላባ ያዮና ፓላሚሼኔ ሎይሌ ቆንጨሲሼ ኤንታራ ሄቭ አጌና ጋካናው ጋሞዲሰ። 9 ሺን ኤንታፌ ኢሶቲ ኢሶቲ ቆቤ ጊዲዲ ዳሮ አሳ ሲንላን ጎዳ ኦጊያ ጫዩዲ አማናና ኢዲደሶና። ጳውሎሲ አማኔይሳታ ኤንታፌ ሻኪ ኤኪዲ ዊራኖሳ ጊያ ቲሚርቲ ኬላን ኡባ ዋዳ ኤንታ ታማርሲሰ። 10 ጳውሎሲ ናሞዑ ላይሌ ጋካናው ቃላ ኦዲሰ። ሄሳ ጊሹ፡ ኢሲያን ዳዲያ አሳ ኡባይ፡ አይሁዴቲኔ አይሁዴ ጊደናይሳቲ ጎዳ ቃላ ሲዲደሶና።

ያሳይ ጳውሎሳ ኩሺን ኦሊዳ ማላታታ

11 ያሳይ ጳውሎሳ ኩሺን ዋልቃማ ማላታታ ኦሊሰ። 12 ሄሳ ጊሹ፡ አሳይ ኢያ ቦላ ቦቺዳ ማራቢያ ዋይኮ ማዑዋ ሃርጋንቾታሰ ኤፎሶና። ኤንቲካ ፓዖሶና፤ ቱና አያናቲካ ኤንታፌ ኬዮሶና።

13 ቱና አያናታ ኬሲሼ ዩያ አይሁዴታፔ ኢሶቲ ኢሶቲ፡ «ጳውሎሲ ሳባኪያ ዩሱሳ ሱንላን ኬዩቲ ጊዲ ሂንቴና ኪቶሰ» ያጊዲ፡ ቱና አያናቲ ኦይኪዳ አሳታ ቦላ ጎዳ ዩሱሳ ሱንላ ዊጊደሶና 14 ካሄኔ ሃላቃ አሰቁዌ ጊያ ኢሲ አይሁዴ አዲያሰ ሄሳ ኦሊያ ላፑን ናይቲ ዴዖሶና።

15 ሺን ቱና አያናይ ኤንታኮ፡ «ታኒ ዩሱሳካ ጳውሎሳካ ኤራይሰ፡ ሺን ሂንቴ ኦናንቴ?» ያጊሰ።

16 ቱና አያናይ ኦይኪዳ አዳይ ኤንታ ቦላ ጉፒ ዋሊዲ፡ ኤንታ ማዲንዊሲዲ፡ ሄ ኬላፌ ካሎ ባቃታና ጋካናው ዋልቃሚሰ።

17 ኤፌሶናን ዳዲያ አይሁዴቲኔ አይሁዴ ጊደናይሳቲ ኡባይ ሄሳ ሲዲዲ ዳሮ ያዩደሶና። ጎዳ ዩሱሳ ሱንላይ ዳሮ ቦንቺቲሰ።

19:4 ማቶ 3:11፤ ማር 1:4፣ 7-8፤ ሉቃ 3:4፣ 16፤ ዮሃ 1:26-27

18 አማኔይሳታፔ ዳርቲ ባንታ ኦሊዳ ኢታ ኦሱዋ ፓገሼኔ ቆንጨን ኦዲሼ ዮሶና። 19 ቢቴይሳታፔ ዳርቲ ባንታ ማፃፋታ ሺሺዲ አሳ ኡባ ሲንፋን ፀጊዶሶና። ሄ ማፃፋታ ጋቲያ ቆዳይ አሻታሙ ሙኩሉ ቢራ ሳንቲሜ * ገዲሰ። 20 ሄሳዳ ሃኒዲ ያሳ ቃላይ ዲጨሽኔ ዳልገሼ ቢሰ።

ኤፌሶና ካታማን ኦሺ ዳንዲሰ

21 ሄሲ ፖሌቲዳፔ ጉዬ ጳውሎስ፣ «ታኒ ዬሩሳላሜ ባ ሲማዳ ሮሜካ ባናው ቤሴስ» ያገዲ ማቆደኒያራኔ ኣካያራ ኣጲዲ ዬሩሳላሜ ባናው ቆፋ ቃቸሰ። 22 ቃሲ ባና ማዳይሳታፔ ናምዓታ ግሞቲዮሳኔ ኤራሰያሳ ማቆደኒያ ከቲዲ፣ ባው ኢሲያን ጉላ ዎዴ ጋምዒሰ።

23 ሄ ዎዴ ጎዳ ኦጊያ ገሾ ኤፌሶናን ዎልቃማ ካቸ ከዩሰ።

24 ኢሲ ቢራ ኦሊያ ዳሜዲሮሳ ጊያ ኡራይ ኣርፃሚሲ ኤቃ ኩላ ሚሲሊያ ቢራፔ ኦሊዲ ዳር ዎዴ ዳሜሰ። 25 ሄሳ ገሾ፣ ሄሳ ሜላ ኦሶ ኦሊይሳታ ኢሲፌ ሺሺዲ፣ «አሳው፣ ኑ ዱራቴላይ ሃ ኦሱዋን ጊዳይሳ ሂንቴ ኤሪታ። 26 ሃይሲ ጳውሎስ፣ (አሳ ኩሼን ኦሴቲዳይሳቲ ያሳታ ገዶኮና) ያገዲ፣ ኤፌሶናኒኔ ጉላ ቢታታፔ ኣቲን ኩሜላ ኢሲያ ኡባን ዳዒያ ዳር አሳ ኦዲ ኣማንላዳይሳኔ ባሌላዳይሳ ሂንቴ ቤዒዳታኔ ሲዒዳታ። 27 ሜቶ ገዲዳይ፣ ኑ ኦሶይ ካዴቴይሳ ፃላላ ገዶናሺን ኢሲያኒኔ ቢታ ኡባን ዳዒያ ኣሲ ጎይኒያ ጊታ ያሴ ኣርፃሚሲ ኩላይ ቦንቸቶና ኣቴይሳኔ ኢ ጊታቴላይካ ኩንዳናይሳ» ያገሰ።

28 አሳይ ሄሳ ሲዒዳ ዎዴ ሸኔን ፀጊቲዲ፣ «ኤፌሶና ኣርፃሚሳ ጊታ» ያገዲ ዎሲዶሶና። 29 ሄ ዎሶይ ካታማ ኡባ ጋኪሰ። ጳውሎሳራ ሃሙቲያ ማቆደኒያ አሳታ፣ ጋዮሳኔ ኣርሰፂሮኮሳ ኦይኪዲ ጎቸሼ ካሳ ቤሳ ዎፂዶሶና። 30 ጳውሎስካ አሳይ ሸቆዳሱዎ ጌላናው ኮዩሰ፣ ሸን ኣማኔይሳቲ ኢያ ዲጊዶሶና። 31 ኢሲያ ቢታ ሃላቃታፔ ጳውሎሳ ላጌ ገዲዳ ኢሶቲ ኢሶቲ ጳውሎሳኮ ከቲዲ፣ «ካሳ ቤሳ ቆንጨን ኬያዳ ቤንቶፋ» ገዲ ኢያ ዎሲዶሶና።

32 ሸቆዳ አሳሰ ሃናናባይ ጳይሰ፤ ዳሪያ ባጋ አሳይ ሃሪ ኣቶሺን ኣይሰ ሸቆዳኮ ኤሮና ገሾ ኢሶይ ኢሲባሰ ዎሲያ ዎዴ ሃንኮይ ሃራባሰ ዎሴሰ። 33 ኣይሁዴቲ ኢሰከንዲሬ ጊያ ኣዲያ ኣላ ቤሲን፣ ኢሲ ኢሲ አሳይ ኢ ጋናባ ኦዲዲ ኢያ ሲንፎ ኣላዶሶና። ኢ አሳይ ሲዒ ጋና ሜላ ባ ኩሺያን ማሊ ቤሲዲ፣ አሳሰ ሞቲታናው

* 19:19 ቢራ ሳንቲሜ፡ ማቶሳ 26:15 ጻሊቲ።

ኤቂስ። 34 ሺን ኢስኪንዲሬይ አይሁዳ አሲ ጊዲዳይሳ አሳይ ኤሪዳ ዋዴ ናምዑ ሳቲ ጊዳናይሳ ማላ ኡባይ ኢሲ ቃላን። «ኤፌሶና ኣርፄሚሳ ጊታ» ያጊዲ ዋሲዶሶና።

35 ወርሴላን ካታማ ፃፊይ አሳ ሲዒ ኦሊዲ፣ «ኤፌሶና አሳው! ኤፌሶና ካታማይ ጊታ ኣርፄሚሲ ኤቃ ኩላኔ ሳሎፔ ዋቋዳ፣ ኢ ሹቻ ሚሲሊያ ናጌይሳ ጊዳይሳ ኤርና አሲ ባዋ።

36 ሃይሳ ካሺ ጊያ አሲ ባይና ጊሾ ሂንቲ ሲዒ ጋናወኔ ዲርጊዲ አይኮ ኦላና አጋናው ቤሴስ። 37 ሂንቲ ሃ አሳታ፣ ኤቃ ኩላ ሚሼ ካይሶተቦናይሳታኔ ኑ ያሳታ ጫይቦናይሳታ ኤሃዴታ። 38 ሃሳ ጊሾ፣ ዲሜዒርሲኔ ኢያራ ዳዒያ አሳንቸቲ አሳ ሞታናው ኮይኮ።

ፐርዳ ኩላይ ዶያ ዳዒስ፤ ዳይናቲካ ዳይሶና፤ ኤንቲ ሞታናው ዳንዳይሶና። 39 ሺን ሂንቲ ሃራ ኦዳ ኮይኮ፣ ሻንጎ ሺቆን ኦዳይ ቤዔቶ። 40 ሃሳ ጊዳና ኢዳኮ ሃቹ ሃኒዳባሰ ሮሜ ካዎቲላይ ኑና ኦይቻና። ሃ ቡቁላሰ ጋሶይ ባይና ጊሾ ኑኒ ጋሶ ኦዳናው ዳንዳይሶ»

41 ያጊዲ ሺቁዋ ላሊስ።

20

ጳውሎሲ ማቁደኒያኔ ጊሪኬ ቢስ

1 ዋሶይ ዳጩዳፔ ጉዬ ጳውሎሲ አማኒያ አሳታ ፀጊሲዲ ኤንታ ዘሪዳፔ ጉዬ ሳርሊዲ ማቁደኒያ ባናው ኩዩስ። 2 ኢ አዲያ ቢታታን ዳዒያ አማኒያ አሳ ቃላ ኦዲዲ ሚንሌሊዳፔ ጉዬ ጊሪኬ ቢታ ቢስ። 3 ኢ ያን ሃቸ ኣጌና ኡቲዲ፣ ማርካቤራ ሶሪያ ባናው ቆፐዲ ዳዒሺን፣ አይሁዳቲ ባና ዋቋናው ኮይይሳ ኤሪዳ ማቁደኒያራ ጉዬ ሲማናው ኮዩስ።

4 ጳውሎሳ ሞይዚዳይሳቲ ቤሪያፔ ጳርሁሳ ናዓ ሶጳዒርሳ፣ ቲሴሎንቁሬ ኣርሰዒርኮሳኔ ሲኮንዲሳ፣ ዳርቤሬ ጋዮሳ፣ ኢሲያፔ ቲኪቆሳ፣ ዒርፊሞሳኔ ዒሞቲዮሳ። 5 ሃሳቲ ሲንሌ ቢዲ ኑና ዒርዓዳን ናጎሶና። 6 ኑኒ ኡይላ ባሊያ ቦንቹዳፔ ጉዬ ፊልጲሲዩሳፔ ማርካቤራ ዳንዲዲ፣ ኢቻሻንሎ ጋላሳን ኤንታ ዒርዓዳን ጋኪዲ ያን ላፑን ጋላስ ጋምዒዳ።

ጳውሎሲ ዒርዓዳን

7 ሳሚንታሬ ኮይሮ ጋላሳን ኑኒ ኡይላ ማንላናው ሺቁዲ ዳዒሺን፣ ጳውሎሲ ዋንቲሌ ባናው ቆፐዳ ጊሾ ኤንታው ቃላ ኦዲሺ ጊዲ ቢላሃ ጋካናው ኦዳ አዲሲስ። 8 ኑኒ ሺቁዲ ኡቲዳ ፖቂያን ዳሮ ፖይይ ዳዒስ። 9 ኤወዒኮሳ ጊያ ኢሲ ናሳቲላይ ማሰኮቲ ቦላ ኡቲዲ፣ ባና ዶጊዲ ጲስኪስ። ጳውሎሲ ኦዳ

አዲሲዳ ዎዴ ኤወዲኮሲ ጳሰኮ ኤዩዲ ሃቫንሶ ፖቂያፔ ኩንዲዲ ሃይቂዳይሳ አሳይ ዳንሉስ። 10 ሺን ጳወሎሲ ዎጲዲ፣ ኢያ ቦላ ጉፋኒስ። ኢያ ኢዲሚዲ፣ «ኢ ሃይቂቤና፣ ሂርጎፊቴ» ያገሰ። 11 ሃሳፌ ጉዬ፣ ፑዴ ፖቂያ ቦላ ከዩዲ ኤይሳ ማንሲዲ ሚስ። ሳዒ ዎንታና ጋካናው አሳስ ኦዲዳፔ ጉዬ ዴንዲዲ ቢስ። 12 ሄ ፓዲዳ ናቴላ ሶ ኤፊዲ ዳሮ ኡፋይቲዶሶና።

ጳወሎሲ ዓርዓዳፔ ሚሊዳ ቢስ

13 ሺን ጳወሎሲ ባና ያፔ ሞካና ማላ ኦስ ኦዲዳ ጊሾ ካሴቲዲ ማርካቢያኮ ቢዲ፣ አሶሳ ባናው ዴንዲዳ። አይስ ጊኮ፣ ኢ ቶሆን ባናው ቆፒዳ ጊሾ ኦና ሃሳሶ ከቲስ። 14 ኢ ኦራ አሶሳን ጋሂቲን ማርካቢያን ኢያ ኤኪዲ ሚዲሊኔ ቢዳ። 15 ዎንቴላ ጋላስ ያፔ ዴንዲዲ ማርካቤራ ከዮሳ ሲንጼን ዴዒያ ቤሳ ጋኪዳ፤ ቃሲ ዎንቴላ ጋላስ ሳሞሳ ፒኒዲ ካሊያ ጋላስ ሚሊዳ ጋኪዳ። 16 ጳወሎሲ ኢሲያን ዳሮ ጋሞዖና ኤፊሶና ማታራ አጳናው ቆፒስ። ባው ዳንዳዔቲኮ ጳንዩቆስዩ ባሊያ ጋላስ ዬሩሳላሜ ጋካናው ኤሶቴስ።

ጳወሎሲ ኤፊሶና ጨማታ ዞሪስ

17 ጳወሎሲ ሚሊዳፔ ኤፊሶና ከቲዲ ዎሳ ኬላ ጨማታ ያገሰሰ። 18 ዎሳ ኬላ ጨማቲ ኢያኮ ዪን፣ ኤንታኮ ሃይሳዳ ያገሰ። «ታኒ ኢሲያ ጌሊዳ ኮይሮ ጋላሳፔ ዶሚዳ ሂንቴራ ዴዒዳ ዎዴ ኡባን ዋና ዴዒዳኮ ሂንቴ ኤሬታ። 19 አይሁዴቲ ዲላቲዲ ታ ቦላ ሚቶ ጋሊኮካ ታኒ አሽኬቴላኒኔ ዳሮ አፋላን ጎዳስ ኦላስ። 20 ዳባባንካ ሂንቴ ኬላን ኬላን ሂንቴና ታማርሲሼ ሂንቴና ማዲያባፔ ኢሲባካ ፓጨሳቢኬ። 21 ታኒ አይሁዴታሲኔ አይሁዴ ጊዶናይሳታስ ናጋራፔ ያሳኮ ሲማና ማላኔ ኦ ጎዳ ዬሶሳ አማናና ማላ ማርካታስ።

22 «ያን ታና አይቢ ጋካኔኮ ኤሪኬ፣ ሺን ሃዒ ታኒ ጌሻ አያናሰ ከቲታዳ ዬሩሳላሜ ባይስ። 23 ጌሻ አያናይ ቃሾይኔ ዋዬይ ታና ናጌይሳ ካታማ ኡባን ታው ማርካቲስ። 24 ሺን ታ ዎላ ፖላናወኔ ጎዳ ዬሶስ ኪሪሰቶሳፔ ኤኪዳ ኦሱዋ፣ ያሳ አጼ ከሃቴላ ዎንጌላ ማርካቴይሳ ፖላናው ታ ሼምፒው ፓሶናባዳ ቆዳይስ።

25 «ታኒ ሃዒካ ያሳ ካዎቴላ ማርካታሼ ሂንቴ ኡባ ጊደን ዩያስ። ሂዛፔ ጉዬ ሂንቴፌ ኦኒካ ታና ቤዖናይሳ ኤራይስ። 26 ሃሳ ጊሾ፣ ሂንቴፌ ኢሲ ኡራይ ጳዩኮካ ታ ኦይሼቶናይሳ ሃቺ ሂንቴው ጌሻዳ

ኦዲይስ። 27 እይስ ጊኮ፣ ያሳይ ኦላናው ቆፒዳባ ኡባ ሂንቴው አይቢባካ አሾና ኦዲስ።

28 «ባ ናባ ሱላን ዋዚዳ ያሳ ዋሳ ከላ ናጊቴ። ጌሻ አያናይ ሂንቴና ሃላቃ ኦሲዲ ደሪዳ ዉዲያሲኔ ሂንቴ ሁዒያስ ናጊቴቴ። 29 ታኒ ቢዳፔ ጉዬ፣ ዉዲያስ ቃጼቶና ኢታ ሱጵሜቴ ሂንቴ ጊዶ ጌላናይሳ ታ ኤራይስ። 30 አማኔይሳታ ባንታ ጌዶ ካሌላናው ዋርዶ ታማርሲያ አሳቲ ሂንቴ ጊዶፌ ዴንዳና። 31 ሄሳ ጊሾ፣ ታኒ ሄሹ ላይሴ ቃማኔ ጋላስ አፋላን ሂንቴና ሁዒን ሁዒን ሚንሌሴዳይሳ ቆፒሼ ናጊቴቴ።

32 «ሃዒካ ሂንቴና ሚንላናዉኔ ጌሻ አሳራ ላቲሳናው ዳንዳዒያ ያሳሲኔ ኢያ አጼ ከሃቴላ ቃላስ ሂንቴና ሃዳራ ኢማይስ።

33 «ታኒ ኦፐካ ቢራ ዋይኮ ዋርቃ ዋይኮ አፊላ አዋታቢከ።

34 ታኒ ታ ኩሼን አላዳ ታናኔ ታራ ዴዒይሳታ ኮሺዳባ ማዲዳይሳ ሂንቴ፣ ሂንቴ ሁዒን ኤሬታ። 35 ሂንቴ ሃይሳዳ ዳቡሪዲ ኦሲሼ ዳቡራንቸታ ማዳናይሳኔ ጎዳ ዩሱሲ፣ ላኬይሳፌ ኢሜይሲ አንጃቲዳይሳ» ጊዳ ቃላ ሂንቴ ቆፓናው ቤሴይሳ ታኒ ሂንቴና ኡባባን ቤሳስ» ያገሰ።

36 ጳዉሎሲ ሄሳ ኦዲ ኦንጊዲ ኤንታ ኡባራ ጉልባቲዲ ያሳ ዋሲስ። 37 ኤንገቲ ኡባይካ ጳዉሎሳ ኢዲሚዲ ዩኪዲ ዩሪዶሶና። 38 ኢ ዛሪዲ፣ «ታና ቤዒኬታ» ያገዲ ቃላይ ኤንታ ዳር አዛንሴስ። ኤንገቲ ማርካቢያ ጋካናው ኢያ ሞይዚዶሶና።

21

ጳዉሎሲ ዩሩሳሌሜ ቢስ

1 ኑኒ ኤፌሶና ጨማታፔ ሻኬቲዳ ሜላ ቆሴ ቢዳ። ዋንቴላ ጋላስ ሮዳ ጋኪዲ ያፔ ጳፃራ ቢዳ። 2 ሲሮፊንቄ ፒኒያ ማርካቤ ዴሚዲ ኢያን ጌሊዲ ባናው ዴንዲዳ። 3 ኑኒ ቆጲሮሳ ቤዳናው ዳንዳዒያ ሶ ዩዲ፣ ቆጲሮሳ ሃዲሮሳ ባጋ ኦጊዲ ሶሪያ ቢዳ። ማርካቤይ ባ ጫና ያን ዋላናው ኮዩዳ ጊሾ ዲሮሳ ቢዳ። 4 ያን አማኒያ አሳታ ዴሚዲ ኤንታራ ላፑን ጋላስ ኡቲዳ። ጳዉሎሲ ዩሩሳሌሜ ሶና ሜላ ኤንገቲ ኢያው አያናን ኦዲዶሶና። 5 ኑኒ ኤንታራ ኡቲያ ዋይይ ዉሪን ከዩዲ ቢዳ። ኤንገቲ ኡባይ ባንታ ማጫሳታራኔ ባንታ ናይታራ ኢሲፌ ካታማፔ ካሪ ከሲዲ ኑና ሞይዚዶሶና። ኑኒ አባ ዶናን ጉልባቲዲ ያሳ ዋሲዳ። 6 ሄሳፌ ጉዬ፣ ዋሊ ሳርሴዲ ኑ ማርካቢያን ጌሊዳ፤ ኤንገቲ ባንታ ሶ ሲሚዶሶና።

7 ኑኒ አባ ኦጊያ ኦንጊዲ፣ ዲሮሳፔ ጳጳሌማይሳ ጋኪዳ። ያን አማኒያ አሳታ ሳርሊዲ፣ ኤንታ ማታን ኢሲ ጋላስ ፔሲዳ።
 8 ዋንቴላ ጋላስ ከዪዲ፣ ቁሳሪያ ቢዳ። ሳባኪያ ፊልጶሳ ሶ ጋኪዲ ኢያ ማታን ኡቲዳ። ኢ ዬሩሳሌሜን ካሴ ዶሪቲዳ ላፑናታፔ ኢሱዋ። 9 ፊልጶሳስ ናቤ ጊዲዳ ኦይዲ ጌላፆ ናይቲ ዴፆሶና።

10 ኑኒ ኡንዴና ጋላስ ያን ኡቲዲ ዴሲሺን አጋሶሳ ጊያ ናቤይ ዪሁዳፔ ቁሳሪያ ዪሰ። 11 ኑኮ ዪዲ ጳውሎሳ ሳቁያ ኤኪዲ ባ ኩሺያኔ ባ ቶሁዋ ቃቺዲ፣ «ጌሻ አያናይ ሃ ሳቁያ ጎዳ፣ ዬሩሳሌሜን አይሁዴቲ ሃይሳዳ ቃቺዲ፣ አይሁዴ ጊዶና አሳስ አሊዲ ኢማና ያጌሰ» ያጌሰ።

12 ኑኒ ሄሳ ሲዲዳ ዋዴ ኑኔ ያን ዴሲያ አሳቲ ጳውሎሲ ዬሩሳሌሜ ቦና ማላ ዋሲዳ። 13 ሺን ጳውሎሲ ዛሪዲ፣ «ሂንቲ ሃይሳዳ ዩኪሼ አይስ ታ ዋዛና ሹጊሴቲ? ታኒ፣ ጎዳ ዩሱሳ ሱንላ ጊሹ ቃሹቴላ ፃላላ ጊዶናሺን ዬሩሳሌሜን ሃይቃናዉካ ጊጌታስ» ያጌሰ።

14 ኑ ዞሪያ ኢ ኤኮና ኢዲን፣ «ጎዳ ሸኔይ ሃና» ያጊዲ ሲዲ ጊዳ።

15 ያን ጉላ ዋዴ ጋምሲዳፔ ጉዬ ጊጌቲዲ ዬሩሳሌሜ ባናው ከዪዲ። 16 ቁሳሪያን ዴሲያ አማኒያ አሳታፔ ጉላቲ ኑራ ቢዶሶና። ኤንቲ ኑኒ ሸምፓናሱዋ ሚናሶና ጊያ ቆጶሪሳ አዲያ ሶ ኤፊዶሶና። ሚናሶኒ ኮይሮ አማኒዳ አሳፔ ኢሱዋ።

ጳውሎሲ ዬሩሳሌሜ ጋኪሰ

17 ኑኒ ዬሩሳሌሜ ጋኪዳ ዋዴ አማኒያ አሳቲ ኑና ኡፋይሳን ሞኪዶሶና። 18 ዋንቴላ ጋላስ ጳውሎሲኔ ኑኒ ያይቆባራ ጋሄታናው ቢዳ። ዋሳ ኬላ ጨማቲ ኡባቲካ ያን ዴፆሶና። 19 ጳውሎሲ ኤንታ ሳርሊዳፔ ጉዬ አይሁዴ ጊዶና አሳ ጊዶን ባ ባጋራ ያሳይ ኦሊዳባ ኡባ ኤንታው ኡዲሰ።

20 ኤንቲ ሄሳ ሲዲዳ ዋዴ ያሳ ጋላቲዲ ጳውሎሳኮ ሃይሳዳ ያጊዶሶና፣ «ኑ አሻው፣ አይሁዴታ ጊዶን አፑን ሙኩላቲ ያሳ አማኒዳኮ ኔ ቤዓሳ፤ ኤንቲ ኡባይካ ሂጊያ ሚንሊ ናጎሶና። 21 ኑኒ አይሁዴ ጊዶናይሳታ ቢታን ዴሲያ አይሁዴ ኡባይ ባንታ ናይታ ቃፃሮና ማላ፣ አይሁዴታ ዋጋ ካሎና ማላኔ ሙሴ ሂጊያ ኢፃና ማላ ኔኒ ታማርሴይሳ ዬሩሳሌሜን ዴሲያ አይሁዴቲ ሲዲዶሶና። 22 ያቲን አይቤ ሎፆ? ኔኒ ዪዳይሳ ዳሮቲ ሲዳና።

23 «ሄሳ ጊሹ፣ ኑኒ ኔው ኦዳይሳ ሲባ፤ ጋሶይ ዳዒያ ኦይዱ ኣሳቲ ኑ ማታን ዳዖሶና። 24 ኤንታ ኤካዳ ኤንታራ ጌያ፤ ቃሲ ኤንቲ ባንታ ሁዒያ ማዳታና ማላ ኤንታው ሚሼ ኢማ። ኤንቲ ካሴ ኔባ ሲዒዳይሲ ቱማ ጊዶናይሳኔ ኔኒ ኔ ሁዒንካ ሂጌ ናጊያ ኣሲ ጊዳይሳ ኡባይ ኤራና።

25 «ሺን ኣማኒዳ ኣይሁዳ ጊዶና ኣሳታ ጊዲኮ፣ ኤንቲ ኤቃሰ ያርሹቲዳባ ሞና ማላ፣ ሱፉ ኡዮና ማላ፣ ባዉታ ሞና ማላኔ ላይማቶና ማላ፣ ኑኒ ኦዳ ቃቹዲ፣ ኤንታው ዳብዳቤ ፃፊዳ» ያጊደሶና።

26 ሄሳፊ ጉዬ፣ ጳውሎሲ ዋንቱላ ጋላስ ኣሳታ ኤኪዲ፣ ኤንታራ ጌዩስ። ኢ ባንታ ጌያ ጋላሳይ ኣዉዳ ፖሌቲያኮ ኤሪሳናዉኔ ባንታ ያርሹዋ ኣዉዳ ያርሻኑኮ ኤሪሳናው ያሳ ኬሌ ጌሊሰ።

ጳውሎሲ ኣይኬቲሰ

27 ላፑን ጋላሳይ ዉራና ሃኒሺን፣ ኢሲያፔ ዩዳ ኣይሁዳቲ ያሳ ኬላን ጳውሎሳ ቤዒዲ፣ ኣሳ ኡባ ዳንሌሊዲ ጳውሎሳ ኦይኪደሶና። 28 «ኢሰራዔሌ ኣሳው፣ ኑና ማዲቲ፤ ሃ ኡራይ፣ ኑ ዳሪያ፣ ኑ ሂጊያኔ ሃ ያሳ ኬላ ኢፃና ማላ ኣሳ ኡባ ታማርሴስ። ሄሲካ ጊዶና ኢፃን ኣይሁዳ ጊዶናይሳታ ያሳ ኬሌ ጌልሲዲ፣ ሃ ጌሻ ቤሳ ቱኒሲስ» ያጊዲ ዋሲደሶና። 29 ኤንቲ ሄሳ ጊዳይ ካሴ ኤፊሶና ፃሪፊሞሳ ጳውሎሳራ ካታማን ቤዒዳ ጊሾ ሃዒ ጳውሎሲ ያሳ ኬሌ ኢያ ኤኪ ጌሊዳባ ኤንታው ዳኒስ።

30 ካታማ ኡባይ ቡቁቲስ፤ ኣሳ ኡባይ ሸቂዲ ጳውሎሳ ኦይኪዲ ያሳ ኬላፊ ካሬ ጎቹደሶና። ያሳ ኬላ ፔንጌቲ ኤሌሲዲ ጎርዳቲደሶና። 31 ኣሳይ ጳውሎሳ ዋጳና ሃኒሺን፣ «ዩሩሳላሜ ካታማይ ኩማሌ ቡቁቲስ» ጊያ ኦዳይ ሮሜ ሻላቃኮ ጋኪስ። 32 ሻላቃይ ዋታዳሬታኔ ማቶ ሃላቃታ ኤኪዲ ዋፂሹ ዩስ። ኣሳይ ሻላቃኔ ዋታዳሬታ ቤዒዳ ዋዴ ጳውሎሳ ዋጲይሳ ኣጋጊደሶና።

33 ሄ ዋዴ ሻላቃይ ሸቂዲ፣ ጳውሎሳ ኦይኪዲ፣ ናሞቡ ሳንላላታን ቃሹታና ማላ ከቲስ። ያቲዲ፣ ኢ ኦኔኮኔ ኣይ ኦሊዳኮ ኣሳ ኦይቹስ። 34 ኣሳፔ ባጋይ ኢሲባ ጊዲ ዋሲያ ዋዴ ሃራቲ ሃራባ ጊዲ ዋሴስ። ዋሶይ ዳሪዳ ጊሾ ሻላቃይ ቱማ ሻካንው ዳንዳዔቶና ኢፃን፣ ዋታዳሬቲ ጳውሎሳ ባንታ ዳዒያሶ ኤፋና ማላ ከቲስ። 35 ጳውሎሲ ዩጲ ኬያ ዳላ ጋኪያ ዋዴ ኣሳ ሱጌላ ጊሾ

ዎታዳሬቲ ኢያ ቶኪደሶና። 36 ዳር አሳይ፡ «ኢ ሃይቆ!» ያጊዲ ዋሲሽ ካሎሶና።

ጳውሎሲ ሞቱዋሰ ዛር ኢሚስ

37 ዎታዳሬቲ ጳውሎሳ ባንታ ዳዒያሱዋ ጌልሳና ሃኒሺን፡ ጳውሎሲ ሻላቃኮ፡ «ታኒ ኔው ኢሲባ ኦዶ?» ያጊሰ።

ኢ ጳውሎሳኮ፡ «ኔኒ ገሪኬ ዶና ኤራይ? 38 ኔኒ ሃይሳፌ ሲንጼ ቡቁሊ ሜዲዲ ሸምፖ ዎዲዳ ኦይዲ ሙኩሉ አሳታ ኤኪዲ ባዞ ጌሊዲ ገብፃ ኡራ ገዲኪ?» ያጊሰ።

39 ሺን ጳውሎሲ፡ «ታኒ፡ ኪልቂያን ዳዒያ ኤሬቲዳ ቲርሴሴ ካታማን ዩሉቲዳ አይሁዳ አሲ። ሃያና ታና ኦዲሳርኪ?» ያጊሰ።

40 ሻላቃይ ኢያኮ፡ «ኦዶ» ያጊን ጳውሎሲ ዳፋ ቦላ ኤቂዲ፡ አሳይ ሲዒ ጋና ሜላ ባ ኩሺያን ማሊሰ። አሳይ ሲዒ ጊን ኢብራይስጻ ዶናን ሃይሳዳ ያጊሰ።

22

1 «ታ ኢሻቶ፡ ታ አዋቶ፡ ታኒ ሃዒ ሂንቴው ኢሚያ ዛሩዋ ሲዒቲ።» 2 ጳውሎሲ ኤንታው ኢብራይስጻ ዶናን ኦዳይሳ ሲዒዲ ካሴይሳፌ አሊዲ ሲዒ ገደሶና። ኢ ካሊዲ፡

3 «ታኒ ኪልቂያን ዳዒያ ቲርሴሴን ዩሉታዳ ሃ ካታማን ዲጫሰ። ታ አሰታማሬይካ ጋማሊያሌ፤ ታኒ ኦ አዋታ ሂጊያ ሚንላ ታማሪዳ፡ ሃቺ ሂንቴ ኡባይ ሃኔይሳዳ ያሳሰ ሚሼቲያ አይሁዳ አሲ። 4 ታኒ ሃ ኦጊያ ካሊያ ማጫታኔ አዳታ ኦይካዳ ቃሾ ኬላን ዩጋሼን ኤንታ ዎዲሳና ጋካናው ዋዬ ቤሲዳ አሲ። 5 ሂሳዳካ፡ ካሂኔ ሃላቃይኔ ሻንጎ ኡባይ ታባ ማርካታናው ዳንዳዴሰ። ታኒ ዳማሰቆን ዳዒያ ኤንታ ኢሻታሰ ኤንታፌ ዳብዳቤ ኤካዳ ያን ዳዒያ አሳቲ ቃሹቲዲ ሴሬታና ሜላ ዩሩሳላሜ ኤንታ ኤሃናው ያ ባሰ።

6 «ታኒ ባዳ ዳማሰቆ ማቲዳ ዎዴ ሴታ ጋላሰ ቆፖና ሳሎፔ ጊታ ፖይይ ታ ዩሹዋን ፖዒሰ። 7 ታኒ ሳዒን ኩንዳ ዳዒሺን፡ (ሳይላ፡ ሳይላ፡ ታና አይሰ ጎዳይ?) ጊያ ቃላ ሲዒሰ። 8 ታኒ ዛራዳ፡ (ሳዳው፡ ኔኒ ኦኔ?) ያጋሰ።

ኢ ዛራዳ፡ (ታኒ፡ ኔኒ ጎዲያ ናዚሬቲ ዩሱሳ) ያጊሰ። 9 ታራ ዳዒይሳቲ ፖዑዋ ቤዒደሶናፔ አቲን ታው ኦዳይሳ ቃላ አኬኪቦኮና።

22:3 ሃ.ኦ 5:34-39 22:4 ሃ.ኦ 8:3፤ 26:9-11

10 «ታኒ፥ ሳዳው፥ ታ ኣይ ኦሎ?» ያጋሰ።
 «ሳዳይ ታኮ፥ ሳዳዳ ዳማሰቆ ባ። ኔኒ ኦላና ሜላ ያሳይ ቆፒዳባ ኡባይ ያን ኔው ኦዳታና» ያገሰ። 11 ሄ ዋልቃማ ፖዑዋ ጋሶን ታ ኣይፊይ ቆቂን፥ ታራ ዳዒያ ኣሳቲ ታ ኩሺያ ኦይኪዲ፥ ታና ሳቲን ዳማሰቆ ጋካሰ።

12 «ዳማሰቆን ዳዒያ ኣይሁዳ ኡባይ ዳሮ ቦንቲያ ኢሲ ሃናኒያ ጊያ ኣዳይ፥ ኦ ሂጊያ ቦንቲይሲኔ ያሳ ሚንሲ ዋሴይሲ ዳዒሰ። 13 ሃናኔይ ታኮ ዪዲ፥ ታ ማታን ኤቂዲ፥ ታ ኢሻው ሳጶላ፥ ያላ» ያገሰ። ኤሌሳዳ ታኒ ኢያ ያላ ኣጋሰ።

14 «ኢ ታኮ፥ ሱ ኣዋታ ያሳይ ኔኒ ኢያ ሺኒያ ኤራና ሜላ፥ ኢያ ያሎ ናባ ቤዓና ሜላኔ ኢያ ደናፔ ቃላ ሲዓና ሜላ ካሴቲዲ ኔና ደሪሰ። 15 ኔኒ ቤዒዳባኔ ሲዒዳባ ኣሳ ኡባ ሲንሳን ኢያው ማርካታና። 16 ሃዒ ኣይሰ ጋምዓይ? ዳንዳዳ ፃማቂታ፤ ኢያ ሱንሳ ያጋዳ ኔ ናጋራፔ ሜጩታ» ያገሰ።

17 «ታኒ ጉዬ ዬሩሳላሜ ሲማዳ ያሳ ኬላን ዋሲሺን፥ ታው ቆንጩሲ ቤንቲሰ። 18 ቆንጩሳን ሳዳይ ታኮ፥ ሱ ታው ማርካቲያ ማርካቲሳ ኣሳይ ኤኮና ጊሾ ኤሌሳዳ ዬሩሳላሜፔ ኬያ» ያገሺን ቤዓሰ።

19 «ታኒ፥ ሳዳው፥ ኣይሁዳ ዋሳ ኬላ ኡባን ኔና ኣማኔይሳታ ኦይካዳ ዋዲዳይሳኔ ቃሾ ኬላን ዬጊዳይሳ ኤንቲ ኤሮሶና። 20 ኤንቲ ኔ ማርካ ኢሰዲፋኖሴ ዋዲያ ዋዳ ታኒ ሄ ኦዳን ኢሲፋሰ። ቃሲ ኤንታ ማታን ኤቃዳ ኢያ ዋዲይሳታ ማዑዋ ናጋይሰ» ያገሰ።

21 «ሳዳይ ታኮ፥ ታኒ ኔና ኣይሁዳ ጊደና ኣሳኮ ሃሆሶ ኪቲያ ጊሾ ዳንዳዳ ባ » ያገሰ።

ጳውሎሲ ሮሜ ኣሲ ጊዳይሳ ቆንጩሲሰ

22 ጳውሎሲ ሄ ቃላ ኦዲዲ ኦንጋና ጋካናው ኣሳይ ኢ ጌይሳ ሲጶሶና። ሃሳፊ ጉዬ፥ ባንታ ቃላ ቶቁ ኦሲዲ፥ «ሃይሳ ቢታፊ ቆይሳ! ኢ ዳናው ቤሰና» ያገደሶና።

23 ኤንቲ ዋጫሚሺን፥ ባንታ ማዑዋ ቦላ ሆሊሺኒኔ ባና ቦላ ላሊሺን፤ 24 ሻላቃይ ቤዒዲ ዋታዳሬቲ ጳውሎሳ ባንታ ዳዒያሱዋ ኤፋና ሜላ ከቲሰ። ቃሲ ኣሳይ ኣይሰ ሃሳዳ ዋጫሚደኮ ኤራናው ኮዪዲ ጳውሎሳ ሊሶን ጋራፊዲ ፒልጋና ሜላ ኤንታ ከቲሰ። 25 ሺን ዋታዳሬቲ ጳውሎሳ ዳፎን ሚንሲ ቃቲዲ ጋራፋና ሃኒያ

ዎዴ ጳውሎሲ ባ ማታን ኤቁዳ ማቶ ሃላቃኮ፡ «ሮሜ ኣሲ * ፒሮዲ ባይና ጋራፌይሲ ሂንቴው ዎጌ?» ያጊሰ።

26 ማቶ ሃላቃይ ሄሳ ሲዒዳ ዎዴ ሻላቃኮ ቢዲ፡ «ሃ ኣዳይ ሮሜ ኣሲ። ኔኒ ኣይ ኦላናው ቆፓይ?» ያጊዲ ኦይቺሰ።

27 ሻላቃይ ጳውሎሳኮ ሸቁዲ፡ «ኔኒ ሮሜ ኣሲ? ኣኔ ታው ኦዳ» ያጊሰ።

ጳውሎሲ፡ «ኤ» ያጊሰ።
28 ሻላቃይ ዛሪዲ፡ «ታኒ ሃ ጋዴቴላ ዳሮ ሚሼን ሻማስ» ያጊሰ።

ሺን ጳውሎሲ፡ «ታ ሃ ጋዴቴላ ዬሌቴላን ዳማ ኤካሰ» ያጊሰ።
29 ሄሳ ጊሾ፡ ጳውሎሳ ፒልጋናው ቆፒዳይሳቲ ኢራ ኢያፔ ሻኬቴዶሶና። ሻላቃይ ሮሜ ኣሲ ሳንላላታን ቃቺዳይሳ ኤሪዳ ዎዴ ያዩሰ።

ጳውሎሲ ኣይሁዴ ሻንጎ ሲንጼ ሸቁሰ

30 ዎንቴላ ጋለስ ሻላቃይ፡ ኣይሁዴቲ ጳውሎሳ ኣይስ ሞቲዳኮ ጌሺ ኤራናው ኮዩሰ። ካሂኔ ሃላቃቲኔ ሻንጎ ኡባይ ሸቃና ሜላ ከቲሰ፤ ቃሲ ጳውሎሳ ቃሾፔ ቢሊሲዲ ኤንታ ሲንላን ኤሲሰ።

23

1 ጳውሎሲ ሸቁዋ ጫዲ ጃሊዲ፡ «ታ ኢሻቶ፡ ታኒ ሃቺ ጋካናው ያሳ ሲንላን ታ ዴፆ ኡባን ሎፆ ዎዛናን ዴዓስ» ያጊሰ።

2 ካሂኔ ሃላቃይ ሃናኔይ፡ ጳውሎሳ ዶናን ባቃና ሜላ ኢያ ማታን ኤቁዳይሳታ ከቲሰ።³ ሄ ዎዴ ጳውሎሲ ኢያኮ፡ «ላ ኔ ቦቁንቴ ቲዩዳ ጎዳ ዳኔይሶ፡ ያሳይ ኔና ባቃና። ኔኒ ታ ቦላ ሂጊያላ ፒሮዳናው ኡታዳ ዴዓሼ ሂጌይ ባይና ታና ባቃና ሜላ ከታይ?» ያጊሰ።

4 ጳውሎሳ ማታን ኤቁዳይሳቲ ኢያኮ፡ «ኔ ያሳ ካሂኔ ሃላቃ ጫያይ?» ያጊደሶና።

5 ጳውሎሲ፡ «ታ ኢሻቶ፡ ኢ ካሂኔ ሃላቃ ጊዲዳይሳ ታኒ ኤራቢኬ፤ ኣይስ ጊኮ ያሳ ቃላን፡ ሳይ ዴሪያ ኣይሴይሳ ቦላ ኢታ ቃላ ሃሳዮፓ፡ ጌቴቲ ፃፊቲሰ» ያጊሰ።

6 ሺን ጳውሎሲ ሄ ቤሳን ዴዒያ ኣሳፔ ባጋቲ ሳዲቃዌታ፡ ባጋቲ ፋሪሳዌታ ጊዴይሳ ቤዒዲ፡ «ታ ኢሻቶ፡ ታኒ ፋሪሳዌኔ ፋሪሳዌ

* 22:25 ሮሜ ኣሲ፡ 16:37 ጃሊቲ። 23:3 ማቶ 23:27-28 23:5 ኬሳ 22:28

ናዓ፤ «ሃይቂዳይሳት ሃይቆፔ ዳንዳና» ጋዳ ታኒ ኡፋይሳን ናጊያ ጊሾ ኤንቲ ታ ቦላ ፐርደሶና» ያጊዲ ኦዲስ።

7 ጳውሎስ ሄሳ ጊዳ ዎዴ ፋሪሳዊታ ጊዳኒኔ ሳዲቃዊታ ጊዳን ኦሺ ከዩን ቫኬቲደሶና። 8 ኣይስ ጊኮ፣ ሳዲቃዊቲ፣ «ሃይቂዳ ኣሲ ዳንዳና፤ ኪታንቸይካ ኣያኒካ ባዋ» ያገሶና። ሺን ፋሪሳዊቲ ናምዓይካ ዳዔይሳ ኣማኖሶና። 9 ጊታ ካቲ ኬዩስ፤ ፋሪሳዊታ ባጋ ጊዲዳ ሂጌ ኣስታማሬቲ ዳንዲ ኤቂዳ፣ «ሃ ኡራ ቦላ ኣይቢ ባላካ ዳሚቦኮ፤ ኢያው ኣያኒ ዎይኮ ኪታንቸይ ሃሳዮና ኣጌና» ያጊዲ ፓላሚደሶና።

10 ኦሻይ ዳሪን ኣሳይ ጳውሎሳ ቫቂሬሶና ማላ ጊዲ፣ ቫላቃይ ባ ዎታዳሬቲ ዎዲዲ ኤንታ ጊደሬ ኢያ ኤሌሲ ኬሲዲ ባንታ ዳዒያሱዋ ኤፋና ማላ ከቲስ።

11 ሄ ቃማ ጎዳይ ጳውሎሳ ማታን ኤቂዲ፣ «ጳውሎሳ፣ ኔኒ ታው ዩሩሳላሜን ማርካቲዳይሳዳ ሮሜንካ ማርካታናው ቤሴስ፤ ሚና፤ ኣይኮይ ባዋ» ያጊስ።

ጳውሎሳ ዎዳናው ማቂቲደሶና

12 ዎንቴሳ ጋላስ ኣይሁዳቲ፣ «ጳውሎሳ ዎዶና ዳዒሾ ሞኮ ኡዮኮ» ጊዲ ጫቂደሶና። 13 ጳውሎሳ ቦላ ሄሳ ማቂቲዳ ኣሳቲ ኦይታማፔ ዳርሶና። 14 ኤንቲ ካሂኔ ሃላቃታኮኔ ዳሪያ ጨማታኮ ቢዲ፣ «ኦኒ ጳውሎሳ ዎዶና ዳዒሾ ካላ ጊያባ ሞኮ ጊዲ ጫቂዳ። 15 ሂዛ፣ ሂንቴኔ ቫንጎይ ኢያባ ጌሺዲ ፐልጊያባይ ዳዒያ ዳኒሲዲ፣ ጳውሎሳ ሂንቴኮ ኤሃና ማላ ቫላቃ ኦይቲቴ። ኦኒ ኢ ሃ ሸቁዋ ጋካናፔ ሲንሐ ኢያ ዎዳናው ጊጊዲ ኡቲዳ» ያጊደሶና።

16 ሺን ጳውሎሳ ሚቹ ናዓይ ሄ ማቁዋ ሲዒዳ ዎዴ ቢዲ ዎታዳሬቲ ዳዒያሱዋ ጌሊዲ፣ ጳውሎሳስ ኦዲስ። 17 ጳውሎስ ማቶ ሃላቃታፔ ኢሱዋ ጃጊዲ፣ «ሃ ናዓይ ቫላቃስ ኦዲያባይ ዳዒያ ጊሾ ኢያ ቫላቃኮ ኤፋ» ያጊስ።

18 ማቶ ሃላቃይ ናዓ ቫላቃኮ ኤፊዲ፣ «ቃሾ ኬፋን ዳዒያ ጳውሎስ ታና ባኮ ጃጊዲ፣ ሃ ናዓይ ኔው ኦዲያባይ ዳዒያ ጊሾ ኢያ ኔኮ ኤሃና ማላ ታና ዎሲስ» ያጊስ።

19 ቫላቃይ ናዓ ኩሺያ ኦይኪዲ፣ ዳማ ካሬ ኬሲዲ፣ «ኔኒ ታው ኦዳናባይ ኣይቤ?» ያጊዲ ኦይቲስ።

20 ናዓይ ቫላቃኮ፣ «ኣይሁዳቲ ጳውሎሳባ ካሴፔ ሚንሐ ፐልጋናው ኮዩዳባ ዳኒሲዲ ኔኒ ዎንቶ ኢያ ሸቁዋ ኤሃና ማላ

23:6 ሃ.ኦ 26:5፤ ፊል 3:5 23:8 ማቶ 22:23፤ ማር 12:18፤ ሉቃ 20:27

ኔና ዋሳናው ዘሬታ ቃቺደሶና። 21 ሺን ኔኒ ኤንቲ ጊያባ ሲያገ። አይስ ገኮ፣ ኦይታማፕ ዳሪያ አሳቲ ጳውሎሳ ዋቋና ዳዲሼ ሳሊ ሞኮ፣ ሃሌ ኡዮኮ ጊዲ ጫቁዲ፣ ቆሴቲዲ ኢያ ናጎሶና። ሃዲ ኔ ጊያባ ፃላላ ሲዓናው ናጎሶና» ያገሰ።

22 ሻላቃይ ዛሪዲ፣ «ሃ ኦዲ ኔ ታው ኦዲዳይሳ ሃራ ኦዴሰካ ኦደገ» ያገዲ ናባ ጉዬ ዬዲሰ።

ጳውሎሲ ዳሪያ አይሲያ ፊልኪሳ ሲንጼ ሸቁስ

23 ሻላቃይ ማቶ ሃላቃታፕ ናምዓታ ግጊዲ፣ «ቃማሬ ሄዡ ሳቲን ቁሳሪያ ባናው፣ ናምዑ ጭቱ ዋታዳሬታ፣ ላፕን ታሙ ፓራ አሳታኔ ናምዑ ጭቱ ቶራንቸታ ገገሲቱ። 24 ዳሪያ አይሲያ ፊልኪሳኮ ጳውሎሳ ሳር ጋላናው ቶጋ ሜሄ ገገሲቱ» ያገዲ ኤንታ ከቲስ። 25 ሻላቃይ ፊልኪሳስ ሃይሳዳ ጊያ ዳብዳቤ ፃፊስ።

26 «ቃላዉዲዮሳ ሉሲዮሳፕ ዳሪያ አይሲያ ቦንቸ ፊልኪሳስ፣ ሳርይ ኔው ገደ። 27 አይሁዴቲ ሃ ኡራ ኦይኪዲ ዋቋና ሃኒሺን፣ ኢ ሮሜ ቢታ አሲ ገደይሳ ኤራዳ ዋታዳሬታራ ጋካዳ ኢያ አሻስ። 28 ኤንቲ ኢያ አይስ ሞቲያኮ ኤራናው ኮያዳ ኤንታ ሸቁዋን ኢያ ሸሻስ። 29 ኤንቲ ባንታ ሂጊያስ ኢያ ሞቲዳይሳፊ አቲን ኢያ ዋቋሲያባ ዋይኮ ቃሺሲያባ ገደናይሳ ታ ዳማስ። 30 ኤንቲ ሃ ኡራ ቦላ ማቄቲዳ ዘገርሳይ ታና ጋኪን፣ ታኒ ኤሌሳዳ ኢያ ኔኮ ዬዳስ። ኢያ ሞቲይሳቲ ኔ ሲንጻን ቢዲ ሞታና ሜላ ከታስ» ያገሰ።

31 ሄሳ ገሾ፣ ዋታዳሬቲ ከቲቲዳይሳዳ ጳውሎሳ ኤኪዲ፣ ቃማ አንቲጳጺሪሳ ጋሊደሶና። 32 ዋንቴላ ጋላስ ፓራ አሳቲ ኢያራ ባና ሜላ ኦሊዲ ቶሆ አሳቲ ጉዬ ሲሚደሶና። 33 ቶጋይ ቁሳሪያ ጋኪዲ ዳብዳቤያ ዳሪያ አይሴይሳስ አሚዲ፣ ጳውሎሳ ኢያ ሲንጼ አሊደሶና። 34 ዳሪያ አይሴይሲ ዳብዳቤያ ናባቢዳፕ ጉዬ «ጳውሎሳ፣ ኔ አው አውራጃ አሴ?» ገዲ ኢያ ኦይቸስ። ኢ ከልቁያ አሲ ገደይሳ ኤራዳ ዋቋ 35 «ታኒ ኔባ ኔና ሞቲይሳቲ ያ ዋቋ ሲዓና» ያገሰ። ዋታዳሬቲ ጳውሎሳ ሄሮዲሳ ኬላን ናጋና ሜላ ከቲስ።

24

ጳውሎሳ አይሁዴቲ ሞቲደሶና

1 ኢቻሹ ጋላሳፕ ጉዬ ካሂኔ ሃላቃይ፣ ሃናኔይ፣ ጨማታራኔ ጸርጻሉሳ ጊያ ኢሲ ፃባቃራ ቁሳሪያ ቢስ። ኤንቲ ዳሪያ አይሴይሳ

ቦላ ጳውሎስን ሞተደሶና። 2 ጳውሎስ ዪጌቲዲ ጌሊዳ ዋዴ ዪርዪሎስ ኢያ ሃይሳዳ ያጊዲ ሞተሰ።

«ቦንቾ ፊልኪሳ፣ ኮኒ ኔ ባጋራ ዳሮ ሳርቴላ ዳሚዳ፣ ኔ ሎዎ አይሱዋን ኮ ቢታይ ዳሮ ላሜቲሰ። 3 ቦንቾ ፊልኪሳ፣ ኮኒ አወንካ አወዴ ጊዲን ዳሮ ጋላታን ሃሳ ኤኮሰ። 4 ታኒ ኔና ጋሞዲሶናሺን ኔኒ ኔ ኬሃቴላን ኮባ ቃንላን ሲባና ማላ ኔና ዋሳይሰ። 5 ሃ ኡራይ ቆቤ ጊዲዲ ቢታ ኡባን ዳዲያ አይሁዳታ ጊደን ቡቁላ ማዲዲ ናዚራዌታ ባጋ አሳ ካሌጼይሳ ጊደይሳ ኤሪዳ። 6 ሃሪ አቶሺን፣ ያሳ ኬላ ቱኒሳና ሃኒሺን ኮኒ ኢያ ኮይኪዳ፤ ኮ ሃጊያዳ ኢያ ቦላ ፐርዳናው ቆፒዳ። 7 ሺን ሻላቃ ሉሲዮሲ ዩዲ፣ ዋልቃን ኮ ኩሼፔ ኢያ ዋላ ኤኪሰ። 8 ኢያ ሞቴይሳቲካ ኔኮ ያና ማላ ከቲሰ። ኔኒ ኔ ሁዔን ሃ ኡራ ፐልጋዳ ኮኒ ኢያ ሞቴያ ሞቴዋ ኡባ ኤራናው ዳንዳባ» ያጊሰ።

9 አይሁዳቲካ፣ «ሃ ኦዳይ ቱማ» ጊዲ ኢያ ቆፋ ማዲደሶና።

ጳውሎስ ሞቱዋስ ዛሮ አሚስ

10 ዳሪያ አይሴይሲ ጳውሎስ ኦዳ ጊዲ ማሊሰ። ጳውሎስ ሃይሳዳ ጊዲ ዛሪሰ። «ኔኒ ዳሮ ዋዴፔ ደማዳ፣ ሃ አሳስ ፐርዳሼ ዳዔይሳ ኤራዳ ታ ኦዳስ ኡፋይሳን ዛሮ አሚይሰ። 11 ታኒ ጎይናናው ዩሩሳላሜ ከዩን ታማኔ ናሞ፡ ጋላሳፔ አዲይሳ ኔኒ ኔ ሁዔን ኤራናው ዳንዳባ። 12 አይሁዳቲ ታና ያሳ ኬላን ጊዲን አይሁዳ ዋሳ ኬላን ጊዲን ካታማን ጊዲን ኦዴራካ ፓላሚሺን ዋይኮ አሴ ሺሻዳ ማቂሺን ኢሲ አሲካ ዳሚቤና። 13 ሃዒካ ኤንቲ ታና ሞቴያባስ ማርካ ዳማናው ዳንዳባና።

14 «ሺን ታኒ ኢሲባ አማናይሰ፤ ታኒ ሂጌን ዳዲያባኔ ናቤቲ ዓፊዳ ኡባባ አማናዳ፣ ኮ አዋታ ያሳ፣ ኤንቲ ዋርዶ ጊያ ኦጊያን ጎይናይሰ።

15 ኤንቲ ባንታ ሁዔን አማኔይሳ ማላ ዪሎቲኔ ናጋራንቾቲ ሃይቆፔ ዳንዳናይሳ ታካ አማናይሰ። 16 ሃሳ ጊሾ፣ ታኒ ያሳ ሲንላኒኔ አሳ ሲንላን ኡባ ዋዴ ሎዎ ካሂ ታው ዳና ማላ ሚናይሰ።

17 «ታኒ ዩሩሳላሜፔ ኬዮሳፔ ዳሮ ላይላፌ ጉዬ ታ ቢታ ማንቆታስ ማዴ አማናዉኔ ያርሾ ያርሻናው ዩሩሳላሜ ባስ። 18 ታኒ ያሳ ኬላን ሃሳ ኦላዳ ጌሻ ዋጋ ፖላ ሲሚን ታና ዳሚደሶና። ሄ ዋዴ ታራ አሲ ባዋ፣ ኦሺካ ኬዩቤና። 19 ሺን ኢሲያፔ ዩዳ ኢሲ ኢሲ አይሁዳቲ ያን ዳዎሶና፤ ኤንቲ ታ ቦላ ኦዳ ኮይኮ ዩዲ ታና ኔ ቦላ ሞታናው ዳንዳባና። 20 ዋይኮ ታኒ ሻንጉዋ ሲንጼ ሸቂዳ ዋዴ ኦላዳ ባሊ ዳዒኮ ሃይሳቲ ኔ ሲንላን ዳዔይሳቲ ኦዳና።

21 ታኒ ኤንታ ጊደን ኤቃዳ፣ «ሃይቂዳይሳቲ ዴንዳና ጋዳ ዋሳዳ ኦዲዳ ጊሾ ሃቺ ሂንቲ ሲንፋን ታ ቦላ ፐርዶሶና» ጋሰ፤ ሄሳፊ ሃራባ ኦላቢኬ» ያገለገለ።

22 ሺን ፊልኪሲ ያሳ ኦጊያባ ጌሺ ኤሪዳ ጊሾ «ታኒ ሂንቲ ኦዳ ሻላቃ ሉሲዮሲ ያ ዎዴ ፐርዳና» ያገለገለ ሞይዚሰ። 23 ፊልኪሲ ቃሲ ጳውሎሳ ቃቸና ናጋና ሜላኔ ኢያ ዳቦታፔ ኦኒካ ኢያ ኦይቻናው ዩሺን ዲጎና ሜላ ማቶ ሃላቃስ ኦዲሰ።

ጳውሎሲ ፊልኪሳ ሲንፎኔ ዲሩሲላ ሲንፎ ሸቂስ

24 ጉላ ጋላሳፔ ጉዬ፣ ፊልኪሲ ኣይሁዳ ባጋ ጊዲዳ ባ ማቸ ዲሩሲላራ ዩዲ ጳውሎሳ ከቲ ኤሂሲዲ ዩሱስ ኪሪሰቶሳን ኣማኖባ ኢያፔ ስዒሰ። 25 ጳውሎሲ ጂሎቴላባ፣ ባ ሁዒ ሃርባኔ ያናው ዴዒያ ፐርዳባ ኦዲሺን፣ ፊልኪሲ ያዩዲ፣ «ኔኒ ሃዒሰ ባ፤ ታው ኢንጃቲዳ ዎዴ ኔና ጂሊሳና» ያገለገለ። 26 ሄ ዎዴ ጳውሎሳፔ ጉቦ ኤካናው ቆፒዲ ኢያ ዛሪ ዛሪ ጂሲዲ ኢያራ ኦዴቲስ።

27 ናዎው ላይሳፊ ጉዬ፣ ፊልኪሳ ቤሳ ጳርቂዮስ ፊስፆሲ ኤኪሰ። ፊልኪሲ ኣይሁዳታ ኡፋይሳናው ኮዩዲ ጳውሎሳ ቢሎና ኣጋገሰ።

25

ጳውሎሲ ሮሜ ካወዋስ ኣቤት ገሰ

1 ፊስፆሲ ካዎቲዳ ሂቹ ጋላሳፔ ጉዬ ቂሳሪያፔ ዩሩሳላሜ ቢሰ። 2 ያን ካሂኔ ሃላቃቲኔ ኣይሁዳታ ካሌጼይሳቲ ጳውሎሳ ሞቲዶሶና። 3 ጳውሎሳ ዩሩሳላሜ ኤሂሺን ኦጊን ቆሴቲዲ ኢያ ዎቆናው ኤንታው ኢንጃታና ሜላ ባንታና ማዶ ጊዲ ፊስፆሳ ዎሲዶሶና። 4 ፊስፆሲ ኤንታኮ፣ «ጳውሎሲ፣ ቂሳሪያን ቃሾ ከፋን ዴዒስ፤ ታኒ ታ ሁዒንካ ኤሌሳዳ ጉዬ ሲማና ሃናይሰ። 5 ኢ ባሊዳባይ ዴኒኮ ሂንቲ ጊደን ኣዎቲይሳቲ ታራ ቂሳሪያ ቢዲ ኢያ ሞቶና» ያገለገለ ዛሪሰ።

6 ፊስፆሲ ኤንታ ማታን ሆስፑን ዎይኮ ታው ጋላሳ ሜላ ጋዎዲዳፔ ጉዬ ቂሳሪያ ቢሰ። ዎንቴላ ጋላስ ፐርዳ ኦይዲያን ኡቲዲ ጳውሎሳ ኤሃና ሜላ ከቲሰ። 7 ኢ ዩን ዩሩሳላሜፔ ዩዳ ኣይሁዳቲ ኢያ ዩሹዋን ኤቂዲ ኤንቲ ላሳናው ዳንዳያና ዳር ዴዎ ሞቶ ኢያ ቦላ ሺሺዶሶና። 8 ጳውሎሲ ዛሪዲ፣ «ታኒ ኣይሁዳ ሂጊያ ጊደን ያሳ ከፋ ዎይኮ ሮሜ ካወዋ ቂሳሬ ናቃቢኬ» ያገለገለ።

9 ሺን ፊስጾሲ አይሁዳታ ኡፋይሳናው ኮዪዲ ጳውሎሳኮ፡ «ዩሩሳሌም ባዳ ሃ ሞቱዋባ ያን ታ ሲንላን ፐርዳታናው ኮያይ?» ያጊዲ ኦይቹስ።

10 ሺን ጳውሎሲ፡ «ታኒ ፐርዳታናው ቤሲያ ቄሳሬ ፐርዳ ኬላን ኤቃ ኪቻስ። ኔኒ ሎይላ ኤሬይሳዳ ታኒ አይሁዳታ አይቢንካ ናቃቢኬ። 11 ሂዛ፡ ታኒ ናቄዳባይ ዎይኮ ሃይቆስ ጋሊያባ ኦሊዳባ ጊዲኮ ሃይቆፔ ታና አሻ ጊኬ። ሺን ኤንቲ ታና ሞቲያ ሞቶይ ጮ ጊዳፔ ጉዬ ኦኒካ ታና ኤንታው አሊ ኢማናው ዳንዳዔና። ቄሳሬይ ታባ ፐርዳ ጋዳ ኦይቻይስ» ያጊሰ።

12 ሄ ዎዴ ፊስጾሲ ባ ዘራንቸታራ ዘሬቲዲ፡ «ኔኒ ቄሳሬይ ታባ ፐርዳ ጋዳ ኦይቻዳሳ፤ ቄሳሬኮ ባሳ» ያጊዲ ዛሪስ።

ጳውሎሲ አገርጳ ሲንሌኔ ባርኒቄ ሲንሌ ሺቂስ

13 ጉላ ጋላሳፔ ጉዬ ካዎይ አገርጺኔ ባርኒቄይ ፊስጾሳ ሳርላናው ቁሳሪያ ቢደሶና። 14 ያን ኤንቲ ዳር ጋላስ ጋምዒን፡ ፊስጾሲ ካወዋስ ጳውሎሳባ ሃይሳዳ ያጊዲ ኦዲስ፤ «ፊልስቲ ቢሎና ኦጊዲ ቢዳ ኢሲ አዳይ ሃይሳን ዴዔስ። 15 ታኒ ዩሩሳሌም ቢዳ ዎዴ ካሂኔ ሃላቃቲኔ አይሁዳ ጨማቲ ኢያ ቦላ ፐርዳና ማላ ታና ዎሲዲ ኢያባ ታው ኦዲደሶና። 16 ታኒ፡ «ሞቲቲዳ ኡሪይ ባና ሞቲይሳታ ሲንላን ኤቂዲ ባ ሞቲዳባስ ዛር ኢሞናሺን፡ ኦና ጊዲኮካ አጲዲ ኢማቴይሲ ሮማ ሂጌ ጊዴና» ያጋዳ ኤንታው ዛሪስ።

17 «ሂሳ ጊሾ፡ ኤንቲ ሃይሳን ሺቂዳ ዎዴ ታኒ ጋምዎና ዎንቴላ ጋላስ ፐርዳ ኬላ ጌላዳ ጳውሎሳ ኤሃና ማላ ኪታስ። 18 ኢያ ሞቲይሳቲ ኢያ ማታን ኤቂዲ፡ ኢታባን ኢያ ሞቶና አሳኮና ጋዳ ታኒ ቆፐዳይሳ ማላ ኢያ ሞቲቦኮና። 19 ሺን ኤንቲ ባንታ አማናባኔ ጳውሎሲ፡ «ፓፃ ዴዔስ» ጊያ ኢሲ ሃይቂዳ ዬሱሳ ጌቲቲያ አዲያባ ኢያራ ፓላሞሶና። 20 ሃ ኦዳይ ታና ሻካናው ማቲዳ ጊሾ ጳውሎሲ ዩሩሳሌም ቢዲ፡ ያን ፐርዳታናው ኮያኮ ጋዳ ኢያ ኦይቻስ። 21 ሺን ጳውሎሲ ባ ኦዳ ቄሳሬይ ቤዓና ጋካናው ቃሾ ኬላን ጋምዳናው ኦይቹስ። ታኒ ኢያ ቄሳሬኮ ዬዳና ጋካናው ኢ ቃሹታና ማላ ኪታስ» ያጊሰ።

22 ሂሳ ጊሾ፡ አገርጺ ፊስጾሳኮ፡ «ታኒ ታ ሁዔንካ ሄ ኡራይ ጊያባ ሲዓናው ኮያይስ» ያጊሰ።

ፊስጾሲ ኢያኮ፡ «ኔኒ ዎንቶ ኢ ጊያባ ሲዓና» ያጊሰ።

23 ዎንቴላ ጋላስ አገርጺኔ ባርኒቄይ ጌታ ቦንቸን ሻላቃታራኔ ካታማን ዴዒያ ጌታ አሳታራ ዪዲ ፐርዳ ኬሊ ጌሊደሶና። ፊስጾሲ

ጳውሎስ ግንቢዲ ኤሃስ። 24 ፊስጾስ፡ «ካዋው ኣገርጳ፡ ሃይሳን ኑራ ዳዊያ ኣሳው፡ ኣይሁዳቲ ዩሩሳላሚንካ ሃይሳንካ ዋሲዲ፡ ሲ ሂዛፔ ጉዬ ገፃ ዳናው ቤሴና) ያገዲ፡ ታና ዋሲዲ ኡራ ሃይሳ ቤዔታ። 25 ሺን ኢያ ሃይቆስ ጋሊያባ ኣይቢባካ ታኒ ዳማቢኬ። ኢ ባ ሁዔን፡ ‹ቁሳሬይ ታባ ፒርዶ ያገዳ ኣይቻይስ) ገዳ ገሾ ቁሳሬኮ ኢያ ዩዳናው ቆፋ ቃቻስ። 26 ታኒ ኢያባ ታ ጎዳ ቁሳሬስ ፃፋናው ገዲያ ጋሶይ ኣይቢካ ባዋ። ሄሳ ገሾ፡ ኢያባ ሂንቲ ቤዒኮ ታ ፃፊያባይ ቤንታኔኮ ጋዳ ሂንቲ ሲንጤ ኡባራካ ካዋው፡ ኣገርጳ፡ ኔ ሲንጤ ኢያ ኤሃስ። 27 ኣይስ ገኮ፡ ቃሼቲዳ ኣሲ ቦላ ዳይናስ ኣሊያ ዋዴ ኢ ኣይስ ሞቲቲዳኮ ቆንጨሶና ኣጌይሲ ታው ኤያቴሊ ዳኔስ» ያገሲ።

26

ጳውሎስ ኣገርጳ ሲንጻን ዛሪዳ ዛሩዋ

1 ኣገርጳ ጳውሎስ፡ «ኔኒ ኔባ ኦዳናው ዳንዳዓሳ» ያገሲ። ሄ ዋዴ ጳውሎስ ባ ኩሺያ ዳንጤዲ ሃይሳዳ ያገሲ።

2 «ካዋው፡ ኣገርጳ፡ ኣይሁዳቲ ታና ሞቲዳባስ ዛሮ ኢማናው ሃቺ ኔ ሲንጻን ኤቃሼ ታ ቃዳይ ሎፆ ጋዳ ቆገይስ። 3 ኔኒ ኣይሁዳ ዋጋኔ ፓላማ ሎይጻዳ ኤሪያ ገሾ ታና ሳሌቶና ሲዓና ሚላ ዋሳይስ።

4 «ታኒ ናዓቴጻፌ ዶማዳ ታ ኣሳ ገደኒኔ ዩሩሳላሚን ዳዒዳ ታ ዴዑዋ ኣይሁዳ ኡባይ ኤርሶና። 5 ታኒ ኮይሮፔ ዶማዳ፡ ኑ ኣማኖ ሂጊያ ሚንጤዲ ናጊያ ፋሪሳዌታ ያራፔ ገዴይሳ ኤንቲ ማርካታናው ኮይኮ ኤርሶና። 6 ሃዒካ ታኒ ያሳይ ኑ ኣዋታስ ኢማና ገዳ ኡፋይሳ ናጊያ ገሾ ሞቲታዳ ሃይሳን ኤቃስ። 7 ቃሲ ታማኔ ናሞዑ ኑ ኣዋታ ሹሻይ ያሳ ቃማኔ ጋላስ ሚንጤዲ ጎይኒሹ ያሳይ ኢማና ገዳይሳ ኤካናው ኡፋይሳን ናጎሶና። ካዋው ኣገርጳ፡ ኣይሁዳቲ ታና ሞቲይ ታኒ ኡፋይሳን ሄሳ ናጊያ ገሾሳ። 8 ኣይሁዳቶ፡ ያሳይ ሃይቁዳይሳታ ዴንጤይሳ ኣይስ ኣማኔኬቲ?

9 «ካሴ ታኒ ታ ሁዔንካ ናዚሬቴ ዩሱሳ ሱንጻ ቴቃናው ዳንዳዔቲዳባ ኡባ ኦፋናው ቤሴስ ጋዳ ቆገሶ። 10 ታኒ ዩሩሳላሚን ኦሊዳይ ሃይሳ፡ ካሂኔ ሃላቃታፔ ማታ ኤካዳ ያሳ ኣሳታፔ ዳርታ ቃሺሳስ። ኤንታ ዋዲያ ዋዴካ ኤንታ ሃይቁዋ ዶሳስ። 11 ዳር ዋዴ ኣይሁዳ ዋሳ ኬሳ ኡባን ኤንቲ ሴሬታና ሚላኔ ዩሱሳ

26:5 ሃ.ኦ 23:6፤ ፊል 3:5 26:9 ሃ.ኦ 8:3፤ 22:4-5

ጫዬዲ ካዳና ማላ ኡንዔላሰ። ታኒ ዋጊ ባይና ኡንታ ሃንቂታዳ ሃሪ ኣቶሺን፣ ሃሪ ቢታ ካታማታ ጋካናው ኡንታ ጎዳሰ።

12 «ታኒ ሃ ኦዳሰ ካሂኔ ሃላቃታፕ ማታኔ ኪታ ኤካዳ ዳማሰቆ ባይሰ። 13 ካዋው፣ ታኒ ሴታ ጋላሰ ኦጊያን ዳዒሺን ኣዋ ፖፖፕ ዳሮ ኣጁያ ፖፖይ ታ ዩቩዋኒኔ ታራ ቤይሳታ ዩቩዋን ሳሎፕ ፖዒሰ። 14 ኑኒ ኡባይካ ሳዓን ኩንዲዳ ዋዴ ኢብራይሰ፤ ደናን፣ ሳፖላ፣ ሳፖላ፣ ታና ኣይሰ ጎዳይ? ኑኒ ኔና ጫዲያ ፃምዓ ቃኪኮ ኔና ቆሃሳ) ያጊዲ ታው ኦዲሺን ሰዓሰ።

15 «ታኒ፣ ሳዳው፣ ኔኒ ኦኔ?) ያጋሰ።

«ጎዳይ፣ ሳታ፣ ኔኒ ጎዲያ ዩሱሳ፤ 16 ሺን ዴንዳ ኤቃ። ሃቺ ኔኒ ታና ቤዒዳይሳኒኔ ሲንፋፌ ታ ኔና ቤሳኛሳ ሃራታሰ ማርካታና ማላ ታ ኦሳንቸ ኦላዳ ኔና ቩማናው ኔው ቤንታሰ። 17 ኢሰራዔሌ ኣሳታፔኔ ታኒ ኔና ኡንታኮ ኪቲያ ኣይሁዴ ጊደናይሳታፔ ኔና ኣሻና። 18 ኔኒ ኡንታ ኣይፊያ ደያና፣ ጁማፕ ፖፖኮ፣ ፃላሂ ኩሹፕ ፖሳኮ ኡንታ ዛራና። ኡንቲ ታናን ኣማኒዲ ናጋራ ኣቶቴላ ኤካና። ፖሳይ ደራዳ ኣሳ ጊደን ባንታ ላታ ዳማና) ያጊሰ።

19 «ካዋው ኣጊርጸ፣ ሃሳ ጊሾ፣ ታው ሳሎፕ ቤንቲዳ ቆንጩላሰ ኪቲታናይሳ ኢያቢኬ። 20 ሺን ታኒ ኮይርታዳ ዳማሰቆን ሃሳፌ ጉዬ ዩሩሳላማኒኔ ዩሁዳ ቢታ ኡባን ዳዔይሳቲኔ ኣይሁዴ ጊደናይሳቲ ባንታ ናጋራፕ ፖሳኮ ሲማና ማላኔ ናጋራፕ ሲሙዋ ቤሲያ ኦሶ ኦላና ማላ ቃላ ኦዳሰ። 21 ሃሳ ጊሾ፣ ኣይሁዴቲ ታና ፖሳ ኬላን ኮይኪዲ ዋጃናው ኮዩደሶና። 22 ሃቺ ጋካናው ፖሳ ማዴይ ታፕ ሻኬቲቤና፤ ያኒያ ጊሾ፣ ጉላሲኔ ጊታሰ ማርካታሾ ሃይሳን ኤቃሰ። ናቤቲኔ ሙሴይ ሃናና ጊዲ ኦዲዳይሳፌ ሃራ ኢሲባካ ታኒ ኦዲዳይሳ ባዋ። 23 ሃሲካ፣ ሳኪሪሰቶሲ ዋዩ ኤካናው ቤሴሰ፤ ቃሲ ሃይቆፕ ኮይር ዳንዲዲ ኣይሁዴታሲኔ ኣይሁዴ ጊደናይሳታሰ ኣቶቴላ ፖፖ ኦዳናው ቤሴሰ) ጊዳይሳ» ያጊሰ።

24 ጳውሎሲ ሃሳ ያጊዲ ዛሪሺን፣ ፊሰፖሲ ባ ቃላ ጶቁ ኦሊዲ፣ «ጳውሎሳ፣ ኔ ጎያዳሳ፤ ኔ ዳሮ ቲሚርቲይ ኔና ጎሻሰ ጋሊሰ» ያጊሰ።

25 ሺን ጳውሎሲ፣ «ቦንቸ ፊሰፖሳ፣ ታኒ ቱማባኔ ቤሲያባ ኦዳይሲፕ ኣቲን ጎያቢኬ። 26 ታኒ ቆንጩን ኦዲያ ኦዳ ካዋይ ኤሬሰ። ሃ ኦዳይ ጎማን ኦሴቲቦና ጊሾ ኢሶይካ ኢያፕ ጌሞናይሳ ታኒ ጌሻዳ ኤራይሰ።

27 «ካዋው አገርጸ፥ ኔኒ ናቤታ ኣማናሳ ጊዲኪ? ኔኒ ኣማኔይሳ ታኒ ኤራይሰ» ያገሰ።

28 ካዋይ ኣገርጸ፥ ጳውሎሳኮ፥ «ሃ ጉላ ሳቴን ታና ኣማንላናው ኮያይ?» ያገሰ።

29 ጳውሎሰ፥ «ዳር ዋዴ ጊዲን ጉላ ዋዴ ኔ ፃላላ ጊደናሺን ሃቺ ታና ሰዒያ ኡባይ ሃ ቃሹዋፔ ኣቲን ታ ማላ ጊደና ማላ ያሳ ዋሳይሰ» ያገሰ።

30 ሄሳፌ ጉዬ፥ ካዋይ ፊሰጎሰ፥ ባርነቄይኔ ኤንታራ ኡቲዳ ኡባይካ ዴንዲደሶና። 31 ያፔ ከዪዲ ቢሼ ኢሶይ ኢሱዋራ፥ «ሃ ኡራይ ሃይቆስ ዋይኮ ቃሹስ ጋሊያባ ኣይኮካ ኦሊቤና» ያገዲ ኦዴቲደሶና። 32 ኣገርጸ ፊሰጎሳኮ፥ «ሃ ኡራይ ቀሳሬይ ታባ ፒርዶ ጎናኮ ቢሌታናው ዳንዳዔሰ፥ ሺን ኣቲሰ» ያገሰ።

27

ጳውሎሰ ሮሜ ቢሰ

1 ኔኒ ማርካቤራ ፃሌ ባናው ቃቺዳ ዋዴ ኣወገሰጎሳ ዋታዳሬታ ጌቴይሳታፔ ኢሲ ዩሊዮሳ ጊያ ማቶ ሃላቃስ ጳውሎሳኔ ሃራ ጉላ ቃሹ ኣሳታ ኢሚደሶና። 2 ኢሲያ ጋፃን ዴዒያ ቢታታ ቢያ ኣዲራሚዲኦኔ ማርካቤን ጌሊዲ ዴንዲዳ። ማቄዲያ ኣሲ ጊዲዳ ቴሴሎንቄ ኣርሰዲሮኮሲ ኑራ ዴዔሰ።

3 ዋንቴላ ጋላስ ኔኒ ሲደና ጋኪሺን፥ ዩሊዮሲ ጳውሎሳስ ከሃዲ ባ ላጌታኮ ቢዲ ኮሺያባን ማዴታና ማላ ኤንታኮ ዩዲሰ። 4 ያፔ ዴንዲዲ ሲንላራ ኑ ቦላ ጫርኪያ ጊሾ ሃላን ቴቄቲዳ ቢታ፥ ቆጶርሳን ዘምፒዲ ኣጲዳ። 5 ኪልቄያኔ ጸንፊሊያ ማታን ዴዒያ ኣባ ፒኒዲ ሊቄያን ዴዒያ ሙራ ጋኪዳ። 6 ያን ማቶ ሃላቃይ ፃሌ ቢያ ኢሰኪንዲሪያ ማርካቤ ዴሚዲ፥ ኢያን ኑና ጌልሲሰ።

7 ኔኒ ዳሮ ጋላስ ሎዳራ ቢዲ፥ ዳሮ ሜቶን ቃንደሳ ካታማ ማታ ጋኪዳ። ያራ ባናው ኑና ጫርኮይ ዲጊን ሳልዋናራ ኣጲዲ ሃላን ቴቄቲዳ ቢታ፥ ቃርፃሳን ዘምፒዲ ኣጲዳ። 8 ዳሮ ሜቶን ጋፃ ጋፃ ኦይኪዲ ላሲያ ካታማ ማታን ዴዒያ ኣባ ደናን «ማርካቤይ ዋፑ ጊዲ ሸምፒያሶ» ጊያ ቤሳ ጋኪዳ።

9 ኔኒ ያን ዳሮ ዋዲያ ጋምዒዳፔ ጉዬ ያሚ ቢሌቲን፥ ማርካቤራ ቡሲ ሜቲያ ጊሾ ጳውሎሰ ኤንታ ዘሪሰ። 10 «ኣሳው፥ ኑ ቡሳን ጌታ ቦሺኔ ዳሮ ቆሆይ ዴዔይሲ ታው ቤንቴሰ፤ ቆሆይ ጫና ቦላኔ ማርካቤያ ቦላ ፃላላ ጊደናሺን ኑ ዴዐዋ ቦላካ ጋካና» ያገሰ። 11 ሺን ማቶ ሃላቃይ ጳውሎሰ ጊዳይሳፌ ኣሊዲ ማርካቤያ ላጌይሲኔ ማርካቤያ ጎዳይ ጌይሳ ኣማኒሰ። 12 ሄ

አባ ደናን ደዒያ ካታማይ ባልጎ አገና አፋናው ኤንታው ኢንጃቶና ጊሾ ዳሪያ አሳቲ ባንታው ዳንዳዔቲኮ ፊንቄ ካታማ ጋኪዲ ባልጎ አገና ያን አፋናው ዘሬቲዶሶና። ፊንቄይ ፑዴሃ-ወሎሃፔኔ ዲጌሃ-ወሎሃፔ ጊዶን አባ ደናን ደዒያ ካታማ።

አባ ቦላ ጎቴይ ዴንዲሰ

13 ካወሻ ዲጌሃ ጫርኮይ ሎዳራ ጫርኪዳ ዋዴ ባንታ ቆፕዳይሳዳ ሃኒዳባ ዳኒን ዴንዲዲ፣ ማርካቤይ ቃቃና ማላ ኦይኪያ ቢራታ ፑዴ ኤኪዲ ቃርጻሳ ማታራ አዲዶሶና። 14 ሺን ዳሮ ጋምዖና «አዉራቂሰ» ጊያ ዋልቃማ ጎቴይ ሃላን ቴቄቲዳ ቢታፊ ዲጌ ኤንታ ቦላ ዴንዲሰ። 15 ሄ ጎቴይ ማርካቤያ ሱጊዲ ኤፎና ዲጊዳ ጊሾ ጫርኮይ ማርካቤያ ባ ዶሲዳ ሶ ኤፊሰ።

16 ኦኒ ቄዳ ጊያ ሃላን ቴቄቲዳ ቢታ ዜምፒዲ ቢሽ ዳሮ ማቶቴቲዲ ማርካቤያ ዋጎሉዋ አሻናው ዳንዳዒዳ። 17 ኤንቲ ዋጎሉዋ ፑዴ ኬሲዳፔ ጉዬ ዋዶሩዋን ማርካቤያ ቦላ ፃዒዲ፣ ማንሐ ቃቲዶሶና። ሱርቲሳ ጊያ ሻፊያን ባንታና ደምዔላና ጊዲ ሂርጊዲ፣ ማርካቤያ ሻራ ዋዲሲዲ ማርካቤያ ጮ ዬዲ አጊዶሶና።

18 ጎቴይ ዋልቃሚሽ ቢን ዋንቴላ ጋላሰ ጫናፔ ባጋ አባን ሆሎ ኦይኪዶሶና። 19 ሄቫንሎ ጋላሰ ማርካቤያ ሚሺያ ኤኪዲ ባንታ ኩሽን ሆሊዶሶና። 20 ኦኒ ዳሮ ጋላሰ አዋ ኦይፊኔ ያሊንቶ ቤዖና ጊሾኔ ዋልቃማ ኡሾይ ኦ ቦላ ኡሺዳ ጊሾ ሲንላፊ ሽምፖራ አታና ጊዲ ቆፕሶኮ።

21 ሄ ዋዴ ኤንቲ ዳሮ ጋላሰ ካሐ ዋና ጋምዒዳ ጊሾ ጳዉሎሲ ኤንታ ጊዶን ዴንዲ ኤቄዲ፣ «አሳው፣ ሂንቴ ታ ዘሪያ ኤኪዲ ቃርጻሳፔ ዴንዶና አጊዳኮ ሃ ማቶይኔ ቆሆይ ኦና ጋኬና። 22 ሺን ታኒ ሂንቴና ያዮፊቴ ጋዳ ዘራይሰ፤ አይሰ ጊኮ፣ ሃ ማርካቤይ ዳያናፔ አቲን ሂንቴፊ ኢሲ አሳ ሽምፖይካ ዳዩና። 23 ዚኔ ቃማ ታ ኢያባ ጊዲዳይሲኔ ታ ጎይኒያ ያሳይ ኪቲዳ ኪታንቸይ ታ ማታን ኤቄዲ፣ 24 «ጳዉሎሳ፣ ያዮፋ፤ ኔኒ ሮሜ ካወዋ ቄሳሪ ሲንላን ኤቃናው ቤሴሰ። ሄኮ ያሳይ ኔ ጊሾ ኔራ ቢያ አሳ ኡባ ሽምፑዋ አሽሲ» ያጊሰ። 25 ሃሳ ጊሾ፣ አሳው፣ ያዮፊቴ፣ ሄ ኪታንቸይ ታው ኡዲዳይሲ ሃናናይሳ ታኒ አማናይሰ። 26 ሺን ጫርኮይ ኦና ኤፊዲ ኢሲ ሃላን ቴቄቲዳ ቢታ ጋዖን ሆላና» ያጊሰ።

27 ታማኔ አይዳንሎ ቃማን ሜዲቲራኔ አባን ኦና ጫርኮይ ጌዴኔ ሃ ሱጊሺን፣ ጊዲ ቢላሄ ጊዲያ ዋዴ ማርካቤያን ኦሌይሳታሰ ቢታኮ ማቲዳባ ዳኒሰ። 28 ኤንቲ ጨሞቴላ ኤራናው

ኮዩዲ ዋደሮ ያራን ዳዲያባ ቃቺዲ አባን ዩጊን፣ አባይ ሆሰፑን ታሙ ዋቆ ጊዲስ። ጉላ ጋምዒዲ፣ ዛሪ ዩጊን ኡሱፑን ታሙ ዋቆ ጊዲስ። 29 ኤንቲ አባ ጋፃን ዳዲያ ሹቻን ደምዔቶና ማላ ያዩዲ፣ ማርካቤይ ቦና ማላ ኦይኪያ ኦይዲ ቢራታታ ማርካቤያፕ ጉዬራ አባን ዩጊዲ፣ ሳዒይ ዋንታና ማላ ያሳ ዋሶሶና። 30 ማርካቤያን ኦሌይሳቲ ማርካቤያፕ ባቃታናው ኮዩዲ፣ ማርካቤይ ቦና ማላ ኦይኪያ ቢራታታ ማርካቤያፕ ሲንላ ባጋራ አባን ዩጊያ ዳኒን ዋሳሎዋ አባን ዩጊደሶና። 31 ጳውሎሲ ማቶ ሃላቃኮኔ ዋታዳሬታኮ፣ «ሃይሳቲ ማርካቤያን ሹምፒ ኡቶና ኢዲኮ ሂንቲ አታናው ዳንዳዔኬታ» ያጊስ። 32 ሄሳ ጊሹ፣ ዋታዳሬቲ ዋሳሎይ ቃሹቲዳ ዋደሩዋ ቃንፃዲ ዩዲ አጊደሶና።

33 ሳዒ ዋንታና ሃኒሺን ኡባይ ካሊ ማና ማላ ጳውሎሲ አሳኮ፣ «ሂንቲ ካሊ ሞና ናጊሹ ሃቺራ ታማኔ ኦይዲ ጋላስ ጋምዒዳታ። 34 ሄሳ ጊሹ፣ ጉላ ካሊ ሂንቲ ማና ማላ ታኒ ሂንቲና ዋሳይስ። ሂንቲ ጋሽታና ማላ ጉላ ካሊ ማናው ኮሹስ፤ ሃሪ አቶሺን ሂንቲ ሁዔ ቢናናፕ ኢሶይካ ቆዩና» ያጊስ። 35 ጳውሎሲ ሄሳ ጊዲ ኡይላ ኤኪዲ ኡባ ሲንላን ያሳ ጋላቲስ፤ ኡይላ ማንሊዲ ሙሱ ደሚስ። 36 ኡባይ ሚኔቲዲ ባንታው ካሊ ኤኪዲ ሚደሶና። 37 ኑኒ ማርካቤያን ዳዒይሳቲ ናምዑ ያታኔ ላፑን ታማኔ ኡሱፑና። 38 ኤንቲ ሚዲ ካሊዳ ዋደ ጫና ጊሰቲያ አባን ዩጊዲ ማርካቤያ ዳፀዋ ካወሺደሶና።

ማርካቤይ ሚዒስ

39 ሳዒ ዋንቲዳ ዋደ ማርካቤያ አሳንቸቲ አው ቢታ ጋኪዳኮ ኤሮናሺን፣ አባ ጋፃን ዳዲያ ሻፌኔ ሲለሞ ቤዒደሶና። ባንታው ደንዳዔቲኮ ማርካቤያ ሄ ሻፌያኮ ሺሻናው ቆፒደሶና። 40 ያቲዲ፣ ማርካቤይ ቦና ማላ ኦይኪያ ቢራታታ ቢርሺዲ አባን ዩጊደሶና። ሄ ዋደ ላጊያ ሚላ ቃቺያ ዋደሩዋ ቢርሺደሶና። ሄሳፌ ጉዬ፣ ጫርኮይ ማርካቤያ ሲንሌ ሱጋና ማላ ማርካቤያ ኤፊያ ሻራ ሲንላ ባጋራ ቶቁ አሊዲ ቡሱ ደሚደሶና። 41 ሺን ማርካቤይ ሻፌ ደሬን ደምዔቲዲ ሚቲቲስ። ማርካቤያስ ሲንላ ባጋይ ፀጉኒዲ ሻፌያ ጫዲ ኦይኪዲ ቃዶና ኢዲን፣ ጉዬ ባጋይ ዙሊያ ሱጌላን ማቆሬቲላ ኦይኪስ።

42 ዋታዳሬቲ ቃሾ አሳፕ ኢሶይካ ሃላ ዋቋዲ ኬሲ ኤኮና ማላ ኤንታ ዋቆናው ዘራቲደሶና። 43 ሺን ማቶ ሃላቃይ ጳውሎሳ አሻናው ኮዩዲ ዋታዳሬታ ዘራታ ኢዲስ። ሃሌ ዋቆ ኤሪያ ኡባይ ማርካቤያፕ ሃላን ጉፒ ጉፒ ዋቋዲ ካሰቲዲ ጋፃ ኬያና ማላ

ከተሰጠ። 44 አቲዳይሳቲ ሳንቃ ቦላኔ፣ ማርካቢያ ማዕቀ ቦላ ኬያና ማላ ከተሰጠ። ሄሳዳ ሃኒዲ ኡባይ ጋፃ ሳርራ ኬዪደሶና።

28

ጳውሎሲ ማልታ ጊያ ሃላን ቱቁቲዳ ቢታ ቢሰ

1 ኑኒ ጋፃ ሳር ኬዪዳ ዋዴ ጋኪዳ ሃላን ቱቁቲዳ ቢታይ ማልታ ጌቱቲይሳ ኤሪዳ። 2 ማልታ አሳይ ኑሰ ዳር ኬሃ ኬሂደሶና። ኢሪ ቡኪያ ጊሾኔ ማጊያ ጊሾ ታማ ኤሊዲ ኑና ኡባ ሞኪደሶና።

3 ጳውሎሲ ዳር አፊራ ሺሺዲ ታማን ዋሊሺን፣ ሾሺ ሴላ ጊሾ ኬዪዳ ኢያ ኩሺያ ቦላ ፃፃቲዲ ኢያ ዲኪሰ። 4 ማልታ አሳይ ሾሺ ጳውሎሳ ኩሺን ፃፃቲዳይሳ ቤዒዳ ዋዴ ኢሶይ ኢሱዋኮ፣ «ቱማ ሃ ኡራይ ሽምፖ ዋዲዳ አሲ፤ ሃሪ አቶሺን አባፌ ኢ አቲንካ ያሳ ፐርዳፊ * አቲዲ ፓፃ ዳናው ዳንዳዒቤና» ያጊደሶና።

5 ሺን ጳውሎሲ ባ ኩሺያፔ ሾሻ ወፃርኪዲ፣ ታማን ዩጊሰ፤ ኢያ አይኮካ ቆሂቤና። 6 ኤንቲ፣ «ኢያ አሳቲላይ ኪዳሰ፣ ዋይኮ አኬኮና ኩንዲዲ ሃይቁሰ» ጊዲ ናሳሶና። ሺን ዳር ዋዴ ናጊዲ ኢያ አሳቲላን አይቤካ ዲማቲዳባይ ቆዩን፣ «ሃይሲ ያሴ» ያጊዲ ባንታ ቆፋ ለሚደሶና። 7 ሄ ሄራን ሃላን ቱቁቲዳ ቢታ ሃላቃ፣ ፑፕሊዮሳ ጌይሳሰ ጋዴይ ዳዔሰ፤ ሄሹ ጋላሰ ጋካናው ኢ ኑና ሲቆን ሞኪሰ። 8 ፑፕሊዮሳ አዋይ ቆፆ፣ ሚሻኔ ኡሎ ኡቲሶን ሃርጌቲዲ ዚንዒዲ ዳዔሰ። ጳውሎሲ ኢያ ሶ ጌሊዲ ኢያው ያሳ ዋሲሰ፤ ባ ኩሺያ ኢያ ቦላ ዋሊዲ ፓሊሰ። 9 ሄሳፊ ጉዬ፣ ማልታን ዳዒያ ሃርጊያ ሃራ አሳቲካ ዩዲ ፓፃደሶና። 10 ኤንቲ ኑና ዳር ቦንቲደሶና፤ ኑኒ ማርካቤራ ባናው ዳንዲዳ ዋዴ ኦኔሰ ኩሺያባ ኑሰ ኢሚደሶና።

ጳውሎሲ ማልታፊ ሮሜ ቢሰ

11 ሄሹ አጌናፔ ጉዬ፣ ማልታን ባልጎ አሊዲ ኢሰኪንዲሪያ ማርካቤራ ባናው ዳንዲዳ። ሄ ማርካቢያ ቦላ ዲዮሰቆሮሳ ጊያ ማንቲ ኤቃታ ሚሲሌይ ዳዔሰ። 12 ሲራኩሴ ካታማ ጌሊዲ ያን ሄሹ ጋላሰ ኡቲዳ። 13 ያፔ ዳንዲዲ ሬጊዩሜ ካታማ ጋኪዳ። ኢሲ ጋላሳፔ ጉዬ፣ ዲጌሃ ባጋ ጫርኮይ ጫርኪን፣ ዋንቲላ ጋላሰ ፑቲዮሌ ካታማ ጋኪዳ። 14 ያን ኑኒ ኢሲ ኢሲ አማኒያ አሳታ

* 28:4 ያሳ ፐርዳፊ፡ ሄ ዋዴ ሄ ቢታን ደማ ደማ ማጫ ያሳቲ ዳዮሶና። ኤንታፊ ኢሲያ ኢታ አሊያ አሳ ፐርዲያር። ኢያ ፐርዳ ያሲ ጌቲታ ዩጌታሰ።

ዳሚን፣ ባንታራ ሳሚንታ ጋሞዓና ሜላ ኑና ዋሲዶሶና። ሄሳፌ ጉዬ፣ ሮሜ ቢዳ።

15 ሮሜን ዳዒያ አማኒያ አሳቲ ኑባ ሲዒዲ፣ አፊዮሳ ጊያን፣ ሄዥ አቋያሶ ጊያ ቤሳ ጋካናው ኑና ሞካናው ዪዶሶና። ጳውሎሲ ኤንታ ቤዒዳ ዋዴ ያሳ ጋላቲዲ ሚኔቲሰ።

ጳውሎሲ ሮሜን

16 ኑኒ ሮሜ ጌሊዳ ዋዴ ጳውሎሲ ባና ናጊያ ዋታዳሪያራ ባርካ ዴያ ጌቲቲሰ።

17 ሄዥ ጋላሳፔ ጉዬ፣ ጳውሎሲ አይሁዴታ ሃላቃታ ባኮ ጃጊሲሰ። ኤንቲ ሺቋዳ ዋዴ ኤንታኮ፣ «ታ ኢሻቶ፣ ታኒ ኑ አሳ ዋይኮ ኑ አዋታ ዋጋ ቦላ አይቤ ቆሆካ ኦላቢኬ፣ ሺን ታና ዩሩሳላሜን ቃቸዲ ሮሜ አሳሰ አሊዲ ኢሚዶሶና። 18 ኤንቲ ታ ሞቱዋ ቤዒዲ ሃይቆስ ጋሊያባ ታ ቦላ አይቢባካ ዳሚቦና ጊሾ ታና ቢላናው ቆፒዶሶና። 19 ሺን አይሁዴቲ ሄሳ ኢዲዳ ዋዴ (ታባ ቁሳሬይ ፐርዶ) ያጋሲፔ ኦቲን ታኒ ታ ዳሪያ ሞቲያባይ ዳዒን ጊዳና። 20 ታኒ ሂንቴና ጃጊሲዳይ ሂንቴና ቤዓናዉኔ ሂንቴው ሃይሳ ኦዳናሳ። ታኒ ሃ ሳንላላታን ቃሼቲዳይ ኢስራዔል አሳይ ናጊያ ኡፋይሳ ጊሾሳ» ያጊሰ።

21 አይሁዴ ሃላቃቲ ጳውሎሳኮ፣ «ኑስ ዪሁዳፔ ኔባ ፃፌቲዳ ዳብዳቤይ ጋኪቤና። ያፔ ዪዳ አሳታፔ ኢሶይካ ኔባ ኢታ ኦዲዳይ ባዋ። 22 ሺን ሃ ኔ ካሊያ አማኑዋ ዲማ ዲማ ቤሳን አሳይ ኢዲይሳ ኑኒ ኤሪያ ጊሾ ኔ ቆፋ ሲዓናው ኮዮሰ» ያጊደሶና።

23 ኤንቲ ባንታ ያና ጋላሰ ጳውሎሳሰ ቃፃሪዲ፣ ሄ ጋላሰ ዳሪዲ ኢ ዳዒያሱዋ ዪዶሶና። ኢ ዋንታፌ ኦማርሲ ጋካናው ያሳ ካዋቲላባ ኤንታው ማርካቲሰ። ቃሲ ኤንቲ ዩሱሳባ አማናና ሜላ ሙሴ ሂጊያፌኔ ናቤታ ማፃፋፔ ቆንጨሲዲ ኤንታ ታማርሲሰ።

24 ኢሶቲ ኢሶቲ ጳውሎሲ ጊዳይሳ አማኒዶሶና፣ ሺን ሃራቲ አማኒቦኮና። 25 ኤንቲ ባንታ ጊደን ኦዳ ማዖና ኢዲዳ ዋዴ ጳውሎሲ ኢሲባ ጊዳፔ ጉዬ ቢዶሶና። ኢ ሃይሳዳ ያጊሰ። «ጌሻ አያናይ ኑ አዋታሰ ናቢያ ኢሳያሳ ዶናን ኦዲዳይሲ ቱማ።

26 ሳኒ ሄ አሳኮ ባዳ፣
ሂንቴ ሲሳ ሲዔታ፣ ሺን ሂንቴው ጌሌና፤
ሂንቴ ቤያ ቤዔታ፣ ሺን ዳሜኬታ።
27 ሃ አሳ ዋዛናይ ሙሚሰ፤
ኤንታ ሃይላይ ቱሊሰ፤

ኤንታ አይፊይካ ጎዜቲስ።

ሄሲ ባይኔኮ፥

ኤንቲ ባንታ አይፊያን ቤዒዲ፥ ባንታ ሃይፋን ሲዒዲ፥ ባንታ
ዋዛናን አኬኪዲ፥

ኤንቲ ታኮ ሲማና፤

ታካ ኤንታ ፓላናሺን» ያገገ» ያገሰ።

28 «ሂዛ፥ ሃይሲ ያሳ አቶቴላ ከታይ አይሁዴ ገደናይሳታስ
ገዴይሳ ኤሬታ። ኤንቲካ ሲዒና» ያገሰ።

29 ጳውሎሲ ሄሳ ገዳፔ ጉዬ አይሁዴቲ ባንታ ገደን ዳር
ፓላሚሽ ኬዩዲ ቢዶሶና።

30 ጳውሎሲ ኬራ ኬፋን ናምዑ ላይሴ ኩሜሴ ዴዒስ፤ ያን
ዴዒሽ ባኮ ያ ኡባ ሞኬስ። 31 ያሺ ባይናኔ ኦኒካ ዲጎናሺን
ያሳ ካዎቴላባ ሳባኪስ፤ ጎዳ ዬሱስ ኪሪስቶሳባ ቆንጨሲዲ
ታማርሴስ።

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022

c35d6c73-3843-5482-b53e-7559d35deee5